

AZ.

BIBLIOTECA NAZ.
Vittorio Emanuele III

XXX


B

36

NAPOLI









HIEREMIAE
THRIVERI BRA-
CHELII COMMEN-
TARII
IN
HIPPOCRATEM
DE RATIONE VICTVS
IN MORBIS A-
CVTIS.



LVGDVNĬ,
Apud Hæredes Iacobi Iuntæ,
M. D. LII.
Cum priuilegio Regis ad decennium



HIEREMIA

THIRTYEIGHT

THE

THE

HYPOTHESIS

OF THE

OF THE

OF THE



THE

THE

THE

THE

CLARISSIMO AT-

QVE ORNATISSIMO VI-

ro, domino Luca Mueningo apud Ganden-

ses sancti Bauonis Præposito, suo Me-

coenati, Hieremias Thriuerus

Brachelius

S.



VO'D nos annua nuper pensione
 ultro donatis, ornatissime domine, at-
 que liberalissime Mecœnas, non fuit in
 causa, meum erga te meritum, sed prom-
 pta tua erga omnes humanitas, magna
 quedam erga literatos munificentia. Neque enim ego
 antea de te quicquam meritus sum, sed nec quicquam
 postea mereri possum. scilicet nunquam egrotanti affui,
 nec si casus urgeret (quem deus auertat) auxilium de-
 bes querere Louanij. quid enim Gandauî desideres? Re-
 gum ciuitas est, sedes Imperatoribus digna, urbs totius
 Europæ clarissima, maxima, cui hostes maledicere pos-
 sunt, malefacere nequeunt: sic enim latè ex natura mu-
 nita est, ut ne obsidere quidem eam liceat. adeo nusquam
 alibi quam istic, hoc est, in inuictissima ciuitate, Inuictis-
 simum Imperatorem, Carolum Quintum, nasci decuerit.
 Certe mihi gratulor, quod in propinquo uobis agro na-
 sci contigerit. habet enim Gandauum omnia eximia, Se-
 natum grauissimum, nec fascibus Romanorum dissimi-
 lem: consilium totius Flædriæ, cui uix inuenies secundum:
 ciues optimos uiros in omni genere literarum erudi-
 tissimos: Medicos quidem, non ita multos, sed meo qui-

dem iudicio eruditissimos, inter quos nemo familiarius tuam naturam poterit conseruare, ac instantes morborum fortunas depellere, quàm dominus Ioannes Sandrius, & tuus & totius ciuitatis medicus, uir multi ingenij, uariæ lectionis, maximi iudicij, & qui iam longo tempore temperaturam corporis tui nouit, à qua maxime tibi morbi imminet. Scio quòd præterea morbi sequantur uitium aëris atq; errorem uictus. sed ijs duobus incommodis magnum opposuisti remedium, quando more Romanorum Imperatorum, honores, fasces, triumphos, comitia pertæsus, urbem reliquisti, & quasi priuatus homo in saluberrimum & iucundissimum agrum tuum Lonensem duobus miliaribus extra Gandauum, secessisti. Nam ut strepitus urbanus maximum affert ad uirtutem impedimentum, ita aër agrestis ad sanitatem eximium compendium. At neque id temere aut prematurè fecisti. Sed posteaquam tanquam bonus paterfamilias, familiam tuam legitime ordinasti, ac Monachos sancti Bauonis transformasti in Canonicos, hoc est, ex priuato monasterio, publicum fecisti sacrarium, non quidem sine magnis sumptibus, sed legitimis causis. Quod quàm feliciter factū sit, & quanta ciuitatis Gandēsis maiestate, ex eo est cognoscere, quòd qui primò eam metamorphosin admirabantur, nunc uehementer probant atque amplexantur omnes. quāquam ne hoc quidem nouum commentum, aut nuper tantum factum. Nam & in alijs diuersis locis antea sæpe idem à maximis uiris admissum: & plurima nunc collegia antea fuerunt monasteria. ne nunc dicam, quòd idem in hoc ipso loco (ut audiui) frequenter ab antecessoribus tuis tentatum sit, sed aut morte præuentis, aut aliter impedi-

tis hoc pensum quodam fato tibi relictum, nec sine ma-
 xima tua diligentia, prudentia, ac optimorum uirorum
 consilio perfectum. Sed nolo hic omnes animi tui dotes
 numerare aut recensere. Vnicus enim affectus quem er-
 ga literatos habes, facile reliquos declarat : inter quos
 quē ego locū habeo, lubenter aliorum iudicio relinquo.
 Verum ne frustra in me uidearis collocasse beneficium,
 nunc partem laborum meorum tibi offero, Commenta-
 rios in libros Hippocratis de ratione uictus in morbis
 acutis. ex quibus, si qui ex medicis postea proficiant, nō
 minus tibi debebunt, quā mibi, qui deinceps otium
 meum literarium alere ex parte decreuisti. nonnihil
 adhuc debebunt optimo atque generosissimo uiro. equi-
 ti aurato, & domino à Vuachene, Adolpho à Burgun-
 dia, qui me tibi primum insinuauit. Cuius honesta & no-
 bilis uxor, domina Iacoba Suastre, quibus modis apud
 nos conualuit, malo ex illo quā ex me audias.

Interim ornatissime Domine atq; muni-

ficientissime Mecœnas, nobis at-

que omnibus studiosis diu

bene uale. Louanij

ultima Iunij.

I 5 5 1.

★

4 3

HIPP

HIPPOCRATIS DE RATIONE VI-

CTVS IN MORB. ACVTIS,

LIBER I.



VI Gnidijs appellatas sententias conscripserūt, hi sanè quæ ægri in morbis singulis patiuntur, & quónam modo nonnulla ipsorum eueniant, rectè scripserunt. atque ea quoque quæ medicinæ imperitus quispiam rectè scribere potuisset, si ab ægro unoquoque qualia patitur, probè intellexisset. Verùm quæ medicum non referente ægro prædixisse oportet, multa ex his sunt prætermissa, alia in alijs.

QVATVOR sunt, quæ in Gnidijs medicis repræhēdit Hippocr. Quidam nimis perfunctoriè perstringebāt morborum symptomata: utpote ea tantùm, quæ uel uulgò erant cognita: alij uerò nimis anxie mininia quæq; describere conati sunt. Vtrunq; uitium ijs, qui uel hodie scribūt, commune. Nam ut scrupulosi, & malè docti homines, in magnis uitijs crassi, in minimis ualde morosi: ita sophistæ rerum utilium admodum negligētes, incurij, in rebus uerò magnis supini. Sunt alij iuxta externam uerborum phantasiā egregiè quidem speciosi: sed alibi omnino teneues, & macilēti: ut qui nusquam necessarios rerū nodos explicant, tantùm generalia rescribunt rerum axiomata. quod unusquisque facile præstabit, qui uel citra mediocritatem in ipsa arte fuerit uersatus. Nam ego eum solum uirum arbitror, qui ab his abstinet, & duntaxat ijs, quæ ob
scure

seu scripta sunt, perversa aut penitus ignorata, incum-
bit præsertim ijs quæ ad artem pertinent, uel citra quæ
hæc ipsa rectè intelligi nequeunt. Tertius error erat corru-
ptus, qui in morbis longis nimis paucis utebatur medicamentis:
scilicet elaterio, sero lactis, & ipso lacte. Quartus erat in
neglecto uictu. Et poterant hæc doctis, & ad rem medicam
festinantibus sufficere super tota ea scriptura, quam exci-
pit laus ptisanæ. sed propter scrupulosos contenti sumus
singulas sententias seorsum explicare.

ET quædam ad coniecturalem cogniti-
onem peropportuna.

QUOMODO enim differat à signo, dialectici distin-
guunt apud Aristotelem: neque ad hunc locum attinet. Quod
autem signorum uaria sit natura, per se notum est. Appel-
latur autem nunc *signum* nequaquam omne signum, sed
syllogisticum. Et quidem alia quædam signa certa sunt:
neque unquam à suo significato excidunt. Ita pleuritidem
sequuntur, difficultas anhelitus, dolor puerilis, tussis, febris
acuta. de reliquis coniectari tantum licet. Ita dolor iugu-
li non semper, dumtaxat aliquando consequitur. Sic ne-
quaquam certo potes causam doloris colici accipere, dum-
taxat solerter licet de ea re conijcere. Talia utrinque in
omnibus propemodum morbis inuenire est.

CUM autem ad coniecturalem cogni-
tionem dicatur, quoniam modo curare sin-
gula oporteat: in his multa aliter, quam illi,
differuerunt, sentio.

SENTENTIA est, quod de coniecturalibus signis
in curatione longè aliter ipse sentit, quam illi. Accipit autè
Galerus per signa coniecturalia curationis simul, & ea
quæ dignotionem affectuum, & prænotationem respiciunt:
quoniam omnia ad curationem pertinent. Alij uerò ora-
tionem statim coniunctione disunctiua diuidunt, & poste-
riorem particulam ad curationem, priorem uerò ad co-
gnitionem, fortè etià præcognitionem referunt: neque ma-
gni faciunt, quod præcedens sententia signorum, quæ ad
cognitionem coniecturalem pertinebant, meminit. nam

per accidens hic eadem resumpta dicunt, ut & curationis simul adinoneret. Mihi autē nostra lectio magis arridet, quæ disunctione caret: ut hæc curationis, illa uerò cogitationis discrimen faciat. Sed disceptatione uix hæc digna sunt: neq; ego eorum meminissem, nisi paulo obscurius Galenus hæc in commento differuisset.

ATQVE ob id non solum non laudo: sed quòd & paucis numero usi sint remedijs, nepe quæ plurima ab ipsis reperta sint: præterquàm in acutis pharmaca sunt elateria dare, serumq; & lac tēpestiuè exhibere. Si itaque hæc bona essent, & morbis conferrent, quibus dari censerent: longè digniora laude essent, quòd paucissima sufficerēt. sed res in præsentiarum non ita habet. Qui uerò secundum adornauerunt librum, hi medicè magis, quæ singulis adhibenda sunt, percurrerūt. Sed de uictus ratione nihil ratione dignum ueteres cōscripserunt, quanquam magnum id esset. Varios autem morborum modos, uariasq; ipsoꝝ sectiones, diuisionesq; quidam non ignorauerunt.

MIRABILIS procul dubio sermo: non quidem ob unum, sed ob multa. Primum ergo demiror, ecquid Hipp. à morbis acutis exorbitet in morbos longos. nam præsentioris instituti erat differere quid cōueniebat in morbis acutis, quàm quid desideretur in morbis lōgis. Mirū erat secundo, quòd in morbis longis, horū duntaxat conquereretur breuitatem, aut paucitatem. nam ipsa qualitas magis uidetur repræhēdenda: quippe morbi acuti potius quàm longi elaterium desiderant. Deinceps, ut serum lactis inter medicamenta referri possit: lac profectò nullo modo potest. Videte igitur, si non obliqua sit, & ebtorta
hæc

hæc dictio. Vereor ne uel hæc calumniâ magis mereantur nostri temporis medici, quàm uetêres. Nam & ipsi paucissimis medicamentis purgantibus, atque ijs tantum contenti sunt, quorum rarissimus ubiq; debet esse usus. De quarto errore nihil oportet dicere. Nam uictus fere apud ægros hodie nulla usquam est ratio. In nostro Septétrione nihil aliud frequētius auditur, quàm cereuisia decocta zacaro, contusum amigdalinum, pullus laut capus colatus, ius ex carne, quæ assari cœpit, expressum. & hæcenus tollerari possunt. Verùm quando stolidum hordei decoctum pro uero ueterum cremore supponunt, nullo modo ueniam merentur. nam maiorem similitudinem cuni zytho, quàm ptisana habet. Sed & puls, quam ex iure capi, aut alio succo cùm modica hordei farina male temperant, magis ad nutricum pulmētaria, quàm ueterum ptisanam accedit. Et ut omnia hæc excusari possunt, illud nimis crassum est, quod pro uario morbi tempore, aut nullam, aut peruersam uictus differentiam obseruant.

QVIDA M uerò morborum singulorum numeros clarè pronuciare uolentes, non rectè scripserunt: quippe cùm non facile numerari queant, si quis languētium morbos alterum ab altero quadantenus differre, nullumque morbum eundem uideri, quin idem quoque nomē habeat, coniectauerit.

OBSCVRE certè, & importunè hic adiectum est, nullumq; morbum uideri, quin idem quoque nomen habeat. Nam ipsi morbum eiusdem nominis (ut apparet ex commento Galeni) distrahebant in plures differentias. Proinde ego mallem hunc sermonem sic conuertere, Nullumq; morbum eundem uideri, quamuis idem nomen habeat. Verùm neq; hæc appēdix admodum decebat: quum attestante Galeno in commento, morbum eiusdem nominis respectu indiuiduorum in multas secabant differentias.

MIHI uerò placet mentem omni in

arte attendere. nam quæ probè uel rectè procedunt opera, probè & rectè singula peragere oportet: quæ item celeritatem desiderât, celeriter adimplere: & quæ sinceritatem, sincerè: & quæ sine dolore administrari postulant, citra dolorem omnem administrare.

VBIQVE salubres morbos ab insalubribus & perniciosis oportet distinguere: ut salubres rectè procuremus, & à mortalibus abstineamus: ne temere bona remedia infamentur, aut improba commendentur. Quando autem ad salubrium curationem uentum est, tria oportet obseruare, ut curatio sit securissima, citissima, & iucundissima. Contra primam rationem peccant quicunque per fas ac nefas morbum præcociter præcipitant, aut importunè stupefacientibus dolorem tollunt. Nam, ut alibi diximus, satius est morbum aliquot diebus trahere, quàm sic affatim ejicere, aut sensum cum dolore extinguere: Quod autem oportet esse iucundissimam, Hippocrates ea definitione admonuit, ubi citra dolorem curationem fieri consuluit. Verùm id ubique seruari non licet: proinde ipse nequaquam hæc simpliciter præcepit: sed illi uerbo appendit, quæ sine dolore administrari postulant. Nam quidam affectus sunt, qui uellicatione quadam indigent. Quod autem de securitate antè dictum est, hoc Hippo. hic omisit, uel sub uerbo sinceritatis cōtinuit. Sed est uerisimile, quod uerbo *καταπραΐσις*, temerariam medicinae commistionem damnauit, ut quantum fieri posset, morbis simplicibus simplicia destinerentur remedia. Quod si *καταπραΐσις* acciperes pro purgatione, ut sic audiat sermo, qui purgatione indigent, tollantur purgatione: maximè conueniret cum eo, quod sequitur de dolore: Etenim purgatio ferè sēper cum aliqua sit naturæ indignatione. nec est friuola admonitio, quia pauci morbi purgationem postulant, pleriq; uerò refugiant.

CAETERA quoque eiusmodi omnia secus quàm ij qui rem propius sunt con-

tem-

templati, ad meliorem formam nos redigere conuenit. Maximè autem medicum laudauero, qui in morbis acutis, ui quorum pluri hominum enecantur, secus quàm cæteri in melius procedat. Sunt hi igitur acuti morbi, quos prisca nominatim perstrinxerunt: pleuritis, peripneumonia, phrenitis, lethargus, causus, & quicunque alij hos consequuntur morbi: quorum febres prorsus continuæ interficiunt.

NVS QVAM magis agnoscitur medici necessitudo, artificium, quàm in morbis acutis. nulli etenim magis interficiunt, & ferè cum febribus acutis sunt coniuncti. Veruntamen quòd lethargus coniunctam habeat febrem acutam, nouo quodam modo ab Hippocrate dictum est. Nam duntaxat lentæ febriculæ illi coniunguntur. Causus per se acuta est: unde liquidò nunc constat, quòd Hippocrates in hoc libro non tantum loquatur de inflammationibus, uerumetiam simplicibus febribus.

CVM enim nullus communis pestiferi morbi modus passim grassatus fuerit, sed morbi & sporades, id est, diuersi generis & similes fuerint, ab his plures quàm ab alijs intereunt.

LECTIO tempore Galeni ambigua, nec sensum admodum uariat: nunquam enim epidemiæ tam sunt in uniuersum dissimiles, quin quædam ex ijs inuicem sunt similes. Verum rursum hæ ab alijs dissimiles. Ita euenit per diuersas familias, quia diuerso utuntur uictu. Neque enim unus & idem aër, quantuncunque grauis, omnes similiter aspergit, sed pro diuersitate uictus & temperaturæ afficit. Et quidem morbi, qui sequuntur temporariam aliquam influentis aëris conditionem, appellantur epidemiæ

mix: qui uerò naturam loci, aut ciuitatis, aut agri, eudemix: rursus qui errorē in uictu, aut uitium intemperaturę, sporades appellantur: atque ij uulgò difficilem curationem obtinent. Nam reliqui longo usu, longa experientia & frequentia tandem agnoscuntur. unde uulgus solet huiusmodi morbos tandem mitiores habere. Et certum est, quòd procedente tempore pauciores hi morbi interimunt. Non tamen id est, quia leniores euadunt: sed quia ratio & procuratio sese magis produnt. At sporades, hoc est, qui sequuntur aut intemperaturę aut uictus uitium, indoctos semper latent: utpotè qui ferè semper uariant. Atque hæc est causa quare quidam lectionem hanc nostram mutauerunt, & pro similes, dissimiles scripserunt. Sed parum refert. nam ut morbi ij pro diuersitate indiuiduorum plerunque sunt diuersi, ita in una familia quodammodo similes, atque alius plus, alius minus accedit. hoc autem est quod indoctos maximè in his morbis fatigat.

IDIOTAE itaque non admodum cognoscunt eos, qui in huiusmodi ab ijs differunt, qui rem propius sunt contemplati.

IDIOTAS aliquando appellamus priuatos homines: aliquando respectiue ignaros. sic idiotas rei medicę nunc Hippocrates appellat imperitos: atque ij agrè dignoscere possunt doctos medicos ab indoctis. Hoc est, quod nunc dicit, licet obscurius, non cognoscunt qui in huiusmodi morbis longius decedunt, ab his, qui propius accedunt. Nam docti generali quadam morbi curatione contenti non sunt: sed pro diuersitate indiuiduorum curationem ineunt, atque distinguunt. Nec ego adeò miror, quòd uulgus medicorum discrimen ignorat. nam uel apud Philosophos quosdam Thessalij quidam medici in maiori habentur pretio, quàm ipse Galenus.

ALIA'QVE auxilia magis laudant & uituperant.

FORTVNA morborum uaria est, nunc cedit, nunc uincit natura non solum ipsum morbum, sed & medicum iniquum

iniquum, & medicamentum. sæpe autem adeo iacet, ut ne per iustum & opportunum medicamentum assurgat: quo fit, ut uulgus, qui rationem rerum ignorat, & potius successum, quàm consensum rerum notat, bonum malum, malum bonum æstimet. Videntur tamen Hippocrates & Galenus aliò respicere, atque hoc dicere, quòd idiotæ rei medicæ assueti epidemijs, & alijs quibusdam morbis, pro ratione regionum nunc hoc, nunc illud medicamentum, docti longo usu, uituperant, aut commendant: sed in his morbis sparsis omnino cæcutiūt, & quid prosit, quid obfit, ignorant. Signum autem & iudicium habet Hippocrates eius rei, quòd sequitur.

IAM uerò magnum argumentum hoc, quòd uulgus quidem morbos eiusmodi sanationemq; utpote rude, planè ignoret. Nèpe qui medici non sunt, medici esse maximè ob huiusmodi morbos uidentur. Facile si quidem nomina discuntur, quæ apud ægros adhiberi existimata sunt. Nam si quispiam ptisanæ cremorē, uinumq; hoc uel illud, & melicratū nominauerit: referre hæc omnia medici tum boni, tum mali plebeijs uidentur: sed res ipsa secus habet: nempe in his & maximè alij ab alijs differunt.

ITA uidetur significare Hippocrates, quòd uulgus ignoret naturam morborum istorum sparsim euenientiū atque adeò procurationem eorundem: ex eo manifestum est, quòd in his morbis nullum habeat delectum medicorū, sed omnes ex æquo æstimaunt medicos, quicunque noverunt nomenclaturam ptisanæ, aut aquæ mulsæ. Sed res longè secus habet. Nam aliter utuntur his rebus medici docti, aliter indocti.

DIGNA autem scribi maximè mihi uidentur

dentur:& quę ignorata sunt,quanquam medicis scitu opportuna existant, & quę magna iuuamenta inferant, uel magnas lęsiones. Ignorata itaque hęc sunt. Cur in acutis morbis medici quidem perpetuò ptisanas non colatas exhibeant, & rectè sese curare existimēt: Alij uerò prorsus contendāt hordeum ut nullum æger uoret, subsecuturam inde quę insignis sit offensam ueriti: sed cremorem linteo colatam porrigant. Alij uerò ex ipsis neque crassam ptisanam, neque cremorem exhibeant. Alij quidem donec æger ad septimum usque peruenerit diem. Alij perpetuò, donec morbus indicatus fuerit. Non admodum itaque quęstiones huiusmodi proponere medici consueuerunt, neque forsan si proponantur, solui reperiuntur.

DICTVM est in Apho. quòd pro ratione uirium & conditione morborum uictus quantitas sit distinguenda. Itaque qui tenuiter se habent, tota ptisana uti debēt, reliquis satis ptisanę cremor, quibusdam etiam sufficit aqua mulsa, & oximel.

CALVMNIA M uerò insignem patitur apud uulgum ars tota, ut nullo pacto medicina esse uideatur. In acutissimis itaque morbis usque adeo dissentiunt inter se artifices, ut quę alter porrigit, optima esse existimans, hęc iam alter mala esse putet: atque ob id manticę, id est, uaticinationi, ars ipsa
 fe

ferè similis esse uideatur. Nempe augures alitem eundem, si quidem sinister fuerit, bonum esse existimant: si uerò dexter, malum. talia quoque in aruspicina uidentur alia in alijs: sed nonnulli uaticinantium contraria his sentiunt.

QVONIAM idem alius uituperat, alius laudat: atq; adeo nunc bene, nunc malè cedit: hinc est, quòd ipsa ars medica à uulgo diuinandi arti sit comparata. Verùm ut a libi, ita in re medica, ars quidem certa, artifices autem incerti. Sed nimis Galenus tribuit aruspibus.

DICO autem speculationem hanc esse & pulcherrimam, & germanã, propter quàm plurima & commodissima, quæ in arte reperiuntur. Nempe & ægris omnibus ad sanitatem magnum quippiam potest, sanisq; ad securitatem & exercentibus ad bonum habitum, atque ad quod unusquisque uoluerit.

PULCHERRIMA & maximè necessaria methodus, quæ à generalibus ad specialia descendit: atq; ipsa in diuidua inuicem discernit. citra hanc enim neq; conseruatio neq; præseruatio, multo minus ipsa curatio probè inueniri poterit. quippe diuersa est uniuscuiusq; mensuræ natura ac temperatura, ad quam ipsum remedium comparare oportet ac metiri.

PTISANA igitur frumentaceis edulijs rectè prælata esse uidetur in hisce acutis morbis: eosq; qui eam præferunt, laudo. Nã uiscositas ipsius læuis, continua, iucunda, lubrica, & mediocriter humens: sitim minimè infert, & si quid ablui eget, probè abluit, nō
ast

astringit, non malè turbat, neq; in uentre tumescit. Nempe inter coquendum, quoad maximè potuit, intumuit.

P O T E S T & ex alijs frumētaceis fieri ptisana, sed nūc de hordeacea loquitur, utpote quæ in febribus acutis omnibus p̄ualet alijs. Frigida enim est, & humida, & quod quis minimè putaret, attenuandi uirtute prædita, scilicet ex tenuibus partibus constituta: quippe ut foris res tenues crassa facile subingrediuntur, atque eadem distinguunt: ita & in ipsis alimentis. Videtis ergo ut hæc ptisana nō uno, sed plurimis modis in febribus acutis conuenit: atq; id in omnibus alijs diu queres, priusquam inuenies. Nam aqua egregiè quidem frigida & humida, sed humores potius cogit, quam incidit. Scio quòd Galenus eam tenuium partium habuerit: sed ipse uiderit. forsitan rerum aliarū, atq; adeo olei duntaxat comparationem fecit. Sed hæc disputabimus in libris de facultate simplicium. Neq; hæc sola inter frigida & humida cruditate parit, & auget, uerum etiam & precoces fructus pleriq;. Itaque ferè sola ptisana pugnat cum morbo & causâ morbi. Accedit, quòd reliqua uentrem implere possunt, ptisana uerò ipsum etiam corpus. Neq; enim mediocriter nutrit: nutriunt autem & alia multa, sed plus aut minus: sola ptisana mediocritatem seruat, & facile ab ægris assumitur. Ne hoc quidem minimū ptisanæ priuilegium, quia econtrariò solida omnia egrè deglutiuntur. habet autem hoc ptisana, non solum quia humida, uerum etiam quia lubrica. Iam alia humida & lubrica pleraq; uentrem reddunt supinū: sola ptisana ipsum firmat, tū quia frigida, tū quia parum humida: ac licet reliqua uiscosa diu in gula hærent, quasdam etiam partes astringunt. ipsa non solum facile descendit, uerum etiam humores inuentos obiter suo cōmeatu deradit, abstergit. Causa discriminis est, quia aliorum uiscositas naturalis: hæc uerò duntaxat ex apparatu: adeo ut res ipsa sit diuersissima: licet nomen & phantasia sit eadem. Sub hac uiscositatis phantasia latent partes tenues: illæ uerò omnino ex natura sunt crassæ. Itaq; hæc uentrem retinent, ptisana uerò ipsum leuiter admonet: atq; id rursum absq; ulla indignatione

gnatione: qualem afferre solent iuscula omnia, brassica ipsa, & quæcunq; ex diuersis partibus sunt composita, aut aliter flatulenta. Causam ipsemet Hippocrates dixit: quia inter coquendum omnem flatum deposuit, utpote quem ex se minimū habuit. quippe alia, ut fabæ, & eiusmodi legumina, adeo flatulenta ex natura sunt, ut nulla concoctione naturam eorum liceat tollere.

QVI autem in huiusmodi morbis ptisana utitur, ne uno quidem die uasa (ut ita dicam) inaniri permittat: sed ab usu eius nequaquam desistat, nisi uel propter medicamentum, uel clysterem eum desistere opus sit.

TAMETSI sanis pro diuersitate temporis consultum sit diuersis assuescere: nimium id ipsum conuenit in morbis præsertim acutis: sed ut morbus unus, ita idem uictus seruandus, nisi aliquod accidens impenderit ex ijs quæ postea dicemus. Nam grauitas accidentiū, ac rursum præsidiorum semper requirunt uictum tenuiorem: quod altero istorum interpellata natura non potest admodum uacare alimento. Forsitan eo uerbo Hippocrates Theſſalicos quoq; medicos perstrinxit, qui triduo homines inopia cruciabant, & tandem alimentum prodigebant. Nam certum est, quod longa inedia fractæ uires, uix tandem alimentum ferent.

PROINDE qui bis die cibari consueuerūt, bis ptisanam dare oportet: qui semel, semel quidem primo die detur, deinde sensim paulatimq; si fieri potest, bis quoque detur, si quid putes adiiciendum.

SI quidem nusquam alibi temere mutanda consuetudo, maximè seruanda est in morbis præsertim acutis: melius est autem, ut quis bis in die cibum diuidat, quàm semel affatim assumat. Nam uel in ijs qui semel tantum consueuerūt accipere alimētum, paulatim secundæ uicissitudini est assuescendum, ne natura semel multitudine obruta morbo succumbat

cumbat: quippe morborum acutorum perniciēs in præcipite est. Quod a utem eò usq; augeri paulatim uelit, donec ipsæ uicissitudines æquales fuerint, amicè intelligendum est, ac cum quodam respectu. Nam alimentum uei pertinū ferè debet esse liberalius saltem in sanis.

VERVM inter initia neq; multam, neque crassam admodum dare oportet, sed quātum & ob consuetudinem, & ne multa uasorum inanitio fiat, ingerere conuenit.

NATURA non solum minus alimenti requirit in principio morbi, quandiu crudus fuerit, sed etiam multum non fert. Imo nisi naturæ timeremus, ne inedia labefactata posterius alimentum nullo modo toleraret, donec natura initium concoctionis manifestæ ostendisset, hoc est usque augmentum, ferè omne alimentum interdicere, quatenus natura morbi concoctioni diligenter incumberet. Nam alibi diximus ob eam causam paulatim excrementorum semina in morbum crescere: quia natura impedita quotidiani alimenti multitudine, priora respicere nequit, donec de iecto per manifestum morbum appetitu, soli morbo instare incipit. Ergo & in ipso principio parcendum alimentum, donec natura paulatim uestigium concoctionis imprefert, & super morbum emicuerit. Hæc est prima & generalis causa, quare paulatim ptisanæ sorbitionem augere oportet. Altera specialis est, in ijs qui ptisanæ antea nō assueuerunt. Nam ut ubiuis alibi, ita hic sensim mutanda consuetudo. Videtur autem ex commento Hippocratem singulis diebus bis dedisse ptisanæ plus minus uncias duas.

SED de sorbitionis augendæ quantitate res ita obseruabitur. Nam si morbus sicci-
or quàm ut quispiam existimet, fuerit, non multam dare oportet, sed ante sorbitionem, uel mulsam, uel uinum, utrum magis auxilia-
turum putaueris, propinare cōuenit. Quod
autem

autem in morbis singulis iuuare possit dicetur.

MORBVM siccum appellat crudū, nec temere. Nam quandiu morbus crudus fuerit, aut nihil expurget, aut aliquid tenue ac uix effatu dignum, certē crudum & impurū. In capite illius exempla manifesta sunt, ita in faucibus & naribus. Nam uel per grauedinem nihil exit à principio, multo minus in principio inflammationum cerebri, faucium, pleuræ, aut pulmonis. humiditatem uerò ac siccitatem morborum in uentre, hepate, uenis, paulo aliter Galenus captat. Morbos siccos aut crudos in uentre appellat, quandiu uenter fuerit coactus, aut reddiderit coacta & dura. Ita morbos hepatis & uenarū forte febres siccas æstimat ex linguæ siccitate & cutis ariditate, & ferri potest in febribus continuis. Nam ferè hic primum sub finem morbi sudor excernitur. Non tamen aliæ febres intermittentes statim cum sudore concoctionem accipiunt: quia sæpe primis paroxysmis affatim sudorem exigunt. Iam nequaquam febres continuæ eo usq; concoctionem differunt, donec sudorem exigunt: sæpe multis antè diebus maturitatem accipiunt. Clarius ergo & hos morbos siccos aut crudos dicemus, qui nihil obtinēt manifestæ concoctionis. Quicquid autem id sit, manifestū ex hoc loco est, quod alibi multis uerbis disceptauimus, minus alimenti deberi morborum principijs quàm augmentis. Ac frustra ex hoc loco Auicenna, ac post eum neoterici nituntur excipere febres simplices. nam de ijs & inflammationibus eadem est ratio. Sed & Galenus nunc ipse quod Hippocrates scripsit de pectoralibus, eorundem exemplo reliquos quoque affectus alibi manifestè audit. Nec est quod uereamur Hippocratem aut Galenum, ubi plus tribuunt principio, & subtrahunt sub ipsū statum. Nam principium & hic & in quibusdam alijs locis continet sub se augmentum, ut distinguatur contra statum. Plura super hac re scriberem, nisi unicuiq; facile esset hæc accipere ex his quæ alibi de temporibus morborum scripsimus. Summa ergo rerum est, quod morbi acuti, quandiu crudi fuerint, ptisanam non ferunt, non etiam cremorem ptisanæ, sed aut uinum, aut aquam mullam, aut oxinel, idq; simplex, aut quod in se ha-

beat radicem iridis, aut eius generis aliam incoctam pro diuersitate affectuum corporum & accidentium. de quibus postea.

AT si os madescat, & quæ à pulmone expuuntur talia sint, qualia esse oportet, forbi-
tione quantitatē (ut summatim dicam) auge-
re conuenit. nempe quæ citius magisq; ma-
descunt, iudicationis denunciant celeritatē:
quæ uerò tardius, minusq;, tardiozem signifi-
cant iudicationem.

QUOD cō amplius oportet promouere alimentum,
quo ipse morbus magis concoquitur, est certum. Non est ta-
men ea causa, quia morbus festinat ad finem, sed quia natu-
ræ magis uacat. Iam ut excrementum expellatur, non est sa-
tis ut concoquatur, sed uires naturæ expectat. Ad utrumque
ptisana confert: nam & ad concoctionem iuuat, & uirtutē
ad expulsionem corroborat, prouocat.

ET hæc quidem per se talia prorsus exi-
stunt, sed multa quoque & alia per opportu-
na, quibus portendi aliquid licet, prætermi-
tuntur, quæ postea dicentur.

NON solum excrementum dum ad concoctionem fe-
stinat, breuem morbi finem denunciat, sed & morbi motus,
& multæ aliæ circumstantiæ. Sed Galenus hic respicit ea, quæ
postea ab Hippocrate dicuntur: nō enim solum excremen-
tum opportunā aut inopportunam facit ptisanæ exhibitio-
nem, sed & quantitas idonea esse debet: & multa alia ob-
seruanda sunt, quæ postea dicentur.

ET quanto maior fuerit purgatio, tanto
plus ad iudicationem usq; dare oportet. Sed
maximè duos ab iudicatione dies, quibus u-
tique, uel quinto, uel septimo, uel nono fie-
ri debeat morbi iudicatio, tanquā dierū tum

paritas, tū imparitas puidentiam habuerint.

Quòd paulatim augere oporteat alimentum sub ipsum usq; statum, iam statim antea demonstratum est. Verum ne id ipsum prosequamur, in statu cauere oportet. Nam firma stat & inconcussa aphorismi sentētia, quòd in statu nihil sit; dandum, sed & sub ipsum statum paulò antè subtrahendum. Proinde cautè hunc locum accipere oportet. (est enim lubric⁹) & statū hoc loco excludere: quomodo & in alijs locis pmisit purgare pregnātes vsq; ad septimū mēsem, hoc est quarto, quinto, sexto. Granissimè igitur cū Aui cenna peccant neoterici, qui in statum inflammationum liberalem victum admittunt, & duntaxat in simplicibus febribus tenuem seruant. Nam amborum eadem est ratio. Vi detur autē ipse Hippocrates hunc intellectum reformidasse, & ob id adieciisse. Et maxime duos ab iudicatione dies. Nec est mirum, quòd duobus à crisi diebus Hippocrates eandem rationē seruari præcipiat. Nam sepe vel omnibus bonis signis præcedentibus bonam crīsim postea recidua sequitur: uel quòd eger nimis multum sese replere festinat & nouis cruditatibus implet, uel quia aliud malè cōmittit. Aliquando etiam fieri potest, ut medicus in discernenda iudicatione aberret, & imperfectā perfectā habeat. Verum interuallum duorum dierum multa distinguet. Nam facile uel mediocriter docto erit omnium signorum, quæ ad conualescentiam pertinent, rationem & discrimen habere. Ad iijcit tādē, Tanquam paritas & imparitas dierum aliquid prouidentia habuerit. Videtur mihi hoc uelle dicere, quòd dierum paritas & imparitas nequaquam contemnenda sit, sed quòd ad multam crīsis obseruationem conducatur: & reuera magna ex parte iudicationes in diebus imparibus fiunt, utpote in quibus & paroxysmi ipsi sūt. Nam ut dieb⁹ intermissionis aut remissionis meli⁹ obeū ipsæ cōcoctiones, ita tempore paroxysmi ipsæ iudicationes & expulsionēs.

POST hoc autem manè forbitiōnē dabis, serò autem ad cibaria tete conferes.

MANIFESTE hæc dictio plus tribuit cœnæ, quàm prandio. ita & paulò antè Galenus in commento, ubi

de simplice loquebatur athletarum ex pane prandio. Reliqua ex ipso Galeno sunt manifesta, qui non ineptè colligit rationem uiuendi ab Hippocrate præscriptam esse me diocrem : utpòte quam Thesalus conquerebatur equo plenior: & Erasistratus, iusto tenuior. Atque tandem Erasistratum magis audit. Nam tametsi falsa dixerit, tamen Hippocratem diligenter legit, & aliquem suæ accusationi fucum prætexuit, ut quibusdam saltem, contra Hippocratis discipulos, uerisimilia uideat dixisse. Facile est ex ijs locis cognoscere, quòd nullus sit scribendi modus, qui malignorum hominum potest euadere contumeliam. Nam si hoc unū & idem in contrarias partes rapere licuit, quid fiet in reliquis?

TALIA autem parte plurima profunt his qui protinus tota utuntur ptisana.

VVL T dicere, quòd ita plerunq; succedit ijs, qui tota à principio utuntur ptisana. Forte tota ptisana referri potest ad cremorem, atque etiam alium cibum: ut sic sit sententia: Sic euenit ijs qui tota utuntur ptisana, & non cremore, aut rursus alio cibo. Verbum etiam, Protinus, audiri potest & de toto initio, aut eo principio, quo cœpit uti ptisana. Nā pauci sunt, qui à principio tota uti possunt ptisana: quippe pauci sunt, qui à principio despuunt pauciores, qui nullam euacuationem desiderant.

DOLORES si quidē pleuriticorum confestim sponte desinunt, ubi aliquid effatu dignū tum expui, tum expurgari cœperit.

CV M multa ratione dolor inflammationū exeunte paulatim sputo mitigatur: quia materia quæ ex distentione dolorem faciebat, minuitur: aliquando tamē continuè magis exacerbatur. Fit autem id, uel quia plus ex propinquis partibus accedit, quàm ex loco affecto decedit, & est id rarissimum. nam tota defluxio ferè uno die cadit. Sepius concepta antea quantitas per se intumescit, dum magis corrumpitur, quàm concoquitur. Atque hic insigniter dolor augetur, ac casus ferè mortalis est.

NEMPE purgationes multo perfectiores

ores sunt, minusq; purulenti ita fiunt, quàm si quis aliter cibaret. Præterea iudicationes simpliciores, & facilioris excretionis, & minus reuersuæ.

VIDE TVR sic colligere: Sputū diminuit dolorē: sed sorbitio ptisanæ, magis quàm quātis alius cibus, sputum p mouet. Ergo multo melius euenit ijs, qui tota aut sola utuntur ptisana, quàm eius cremore, aut multo magis alio cibo. Quòd autem ptisana egregie sputum facile reddat, duobus nominibus euenit: & quia uirtutem corroboraret, & materiam incidat, attenuet, & concoquat: itaq; iudicationes simpliciores sequuntur, hoc est, meliores. Videtur id ipsum ipsemet exponere, quando subiicit, Facilioris excretionis, & minus reuersuæ. Nam duo sunt, quæ crīsim redarguunt: Alterum est, quòd cum periculosis quibusdam accidentibus fiat, forte syncope, & alia anxietate: Alterum est, quòd aliquid relinquat, quod postea minatur recidiuam. sed de his alibi.

PTISANAM autem ex optimo confectam esse hordeo oportet, atq; quàm probissimè coctam, & maximè si non solo uti debeas cremore.

QVOD sit optimum hordeū, abunde in libris de Facultatibus alimentorum diximus. Fidelissimum argumentum inter reliqua, quòd dum concoquitur, facile euadit in multum succum. Alterum est, quòd bene alat. Verum hoc se rius ab effectu sumitur. Putat etiam Galenus esse incertius: & merito, quia bona nutritio non tantum sequitur rationem alimēti, uerum etiam aliti. Nec satis est hordeum optimum, sed optima ptisana, præterea diligentem concoctionem expostulat. Et quidem uulgo una pars hordei concoquitur uiginti partibus aquæ, donec aquæ dimidia pars plus minus absumpsa fuerit: sed nimis generalis est hæc definitio: certior est, donec in lentorem continū & inæquale euaserit.

N A M præter reliquas ptisanæ facultates, lubricitas eius ne hordeum, cum deuotatur, noxam inferat facit. Neque enim adhæret, neque in recto thoracis manet tramite.

S E M P E R tenuiores partes alimenti citius concoquuntur quam crassiores. Itaque hordeo parum excocto minus mihi affert cremor ptisanæ, quam ipsa ptisana: percocto autem hordeo ne ipsa quidem ptisana aliquid mali coniunctum habet, cruda autem multum: nam ferè aliqua eius pars in gula & superiori stomacho moratur. causam neque ipse, neque Galenus explicuit. Mihi autem præcipua apparet, quod asperitatis & inæqualitatis aliquid retinet, quæ facit ut obiter in ipso tramite moretur. hoc & ipse Hippocrates tandem clam innuit sequenti uerbo, ubi inquit,

L V B R I C I S S I M A autem est: sitim maximè arcet: facillime concoquitur: & infirmissima est, si optimè cōcocta fuerit: quibus omnibus est opus.

P O T E R A T sic dicere, Cruda ptisana aliquo modo aspera est, percocta uero lubrica. sed consuevit ex posteriori prius indicare. Quod autem lubrica nusquam moratur, etiam pueris notum est. Verum uiscosa nunc morantur, nunc promptè delabuntur, atque hæc controuersia antè dicta est. forsitan etiam si quidem distinctè loqui uelimus, uiscositas quæ in ptisana & similibus apparatus est, potius quædam lubricitas quam uere uiscositas est. Nunc quæ incommoda sequatur ptisanæ crudioris moram in recto tramite, hoc est, ipsa gula & stomacho, audi in eius contrario, ubi dixit, quod percocta aut lubrica sitim arcet, facillimè concoquitur. Nam ex hoc facile colliges, quod semicruda sitim infert, & potius corrumpitur quam concoquitur. Non enim concoquuntur quæ in superioribus partibus hærent, sed quæ ad uentriculū descendunt. Necesse autem est ut ea quæ corrumpuntur, sitim faciant: sicuti quæ concoquuntur, & eleganter corpus diluunt, nutriunt & sitim restringunt. Proinde Hippocrates elegantius dixisset, Facillimè concoquitur

tur & sitim arcet, quàm è contrario adiecit, Infirmissima est, si opitimè cocta fuerit. Atque huius appendicis Galenus duplicem habet suspensionem: priori loco infirmissimam cogitat, quæ facillime concoquitur: posteriori infirmissimam appellat, quæ leuiter nutrit. & est hæc expositio cōmodior, utpote quàm expostulat sequens sententia. Illud miraberis ecquid ascripsit, Si optimè cōcocta fuerit. nū id ita fecit; quia quæ ægrius concoquūtur in corpore, plenius nutriūt? Itaque percocta ptisana melius, sed minus nutrit quàm parum cruda. Adiecit autem optimo iure tandem, Quibus omnibus opus est. Nam alimētū in febribus oportet esse humidissimū, facilimū, neq; admodū liberale aut copiosum.

N I S Itaque quis quantum deest contulerit, ut ptisanæ sorbendæ modus sufficiens sit, sæpius nocebit.

O P O R T E T ut quantitas redimat infirmitatem aut tenuitatem ptisanæ. atque hæc est prima accusatio propter quam male audit ptisana, sed immerito: quia potius esset accusare ipsius quantitatis breuitatem, quàm qualitatis malignitatem.

Q V I B V S enim cibus statim inclusus, si quis non uacuato eo sorbitionem dederit, dolorem si adest adaugebit: si non adest, protinus inducet, frequentiorq; reddetur spiritus. quod malum est. nempe pulmonē exiccat, fatigatq; tum hipochondrium, tum uentrem imum, tum septum transversum.

M E L I V S scripsisset Hippocrates pro causali coniunctione copulatinā, pro enim, præterea, aut etiā: nō enim hæc sentētia prioris reddit causam, sed secundū adijcit casum, ubi ptisana plus obest, quàm prodest. Est autem is, ubi recēs ptisana anticipat uetus uentris excrementum. Quippe generale non tantum in ægrotis, uerumetiam in sanis est edictum, ut prioris cibi excrementum deijciatur, priusquam secundus cibus assumatur. Intelligendū tamen hoc est, non

quidem simpliciter, sed pro consuetudine. alij enim semel, bis in die, alij tantum secundo die, alij uix tertio deijciunt. Amplius ubique excrementum debet respondere proportioni alimenti. non enim bonum est quod qui multa solebat ingerere, & tantum semel in die deijcere, quod nunc idem pauca accipiat, & æquè frequenter aut etiam frequentius deijciat. Ita non est necesse, ut ei qui tantum bis in die accipit uncias aliquot oxymelitis, aquæ mulsæ, aut ptisanæ, singulis diebus uenter respondeat, priusquam securdam uicissitudinem alimenti admittat. Parum enim excrementi hæc relinquunt, neq; hoc ipsum retentum incommoda afferet, quæ hic scribuntur, sed hoc duntaxat eueniet excremento effatu digno & importuno: atque id quidem in omnibus aliis morbis: tamen magis in pectoralibus affectibus uentrem attollit & suspendit. Ac ne hoc quidem simplex malum. Nam perpetuo quò uenter magis distenditur, eò pectus magis contrahitur, & anhelitus difficilior obitur. Nunc autem difficultas anhelitus multa mala parit, cor & reliqua proxima uiscera inflammat & exiccat, & totum inferiorem uentrem cum superiore, hoc est, pectore fatigat, maximo procul dubio malo. nam uicissim fatigatio septi transuersi spiritum reddit difficiliorem, & fatigatio inferioris uentris concoctionem impeditiorem, quod stomachus dum concoquit, tranquillitatem & quietem expostulat.

PRÆTEREA si lateris dolor assiduus est, & ad calida fomēta non remittitur, sputumq; non procedit, sed extremè citra coctibilitatem uiscidum sit, nisi quis dolorem uel secta uena, uelalui subductione pro utriusuis exigentia soluerit, ptisanam autem ita adfectis dederit, præcipitē aget in mortem.

IN SUPER ptisanam prohibent multus dolor & sputi cruditas. ac de dolore minimè dubitandum: nam si uel cōtemplatio multa, uel serium negotium à cibo in sanis salubris alimenti impedit concoctionem, multo magis dolor

nægris. Proinde aut aqua mulsa aut uino aut oxymelite

contentum esse oportet, donec dolor magna ex parte cessauerit. Et quidem dolorem dissimulant magis quam mitigant medicamenta frigida aut stupefacientia: sed hæc dum taxat affectibus in ignavis locis conueniunt, ubi magis urget materiæ acris qualitas, quam ipsius quantitas. Est ubi fluctuanti dolores in latere exhibent suspensionem pleuritidis, & sufficienter eos tollit fomentum ex milio. Hoc etiam aliquando ex inflammatione dolores mitigat, & placatiores reddit, dum tenuius dissipat. Verum ubi sanguis crassior influit, grauioribus præsiidiis indiget, atque euacuatione per missionem sanguinis, rarius purgatione opus est. Secundo ptisanam prohibet multa cruditas, atque hæc multis modis cognoscitur. Nam uel omnino nihil expuitur, aut tenue quid & aquosum: aliquando etiam crassum & viscosum. Distingues autem sic. Modica viscositas in sputo concoctionem, multa nero cruditatem significat. ob id quoque Hippocrates non simpliciter, sed extreme: & quasi id parum esset adiecit amplius, Citra coctibilitatē. tale autem raro solet procedere ex inflammationibus, sed magis ex aliis affectibus pectoris. ubi materia: quidem insigniter crassa est, sed meatus laxi & liberi. Neque id mirum est in pectoralibus excrementis, idem uides & in urinis. Nam uel ex iis quæ crudæ sunt, altera admodum tenuis, altera admodum grumosa & crassa. Vt ergo ad propositum redeam, utroque casu ægri per ptisanam potius obruuntur, quam nutriuntur. neque (quod grauius est) mors diu differtur, quemadmodum in sequenti particula edocetur, sed in primo die, aut celerius anticipat.

OB has igitur causas, atque ob alias similes adhuc magis, qui tota utuntur ptisana, septimo die uel celerius moriuntur: alij quidem deliri, alij ob difficultatem spirandi, quæ reſta ceruice fit, & stertorem præfocati.

GALENS intelligit, quod non solum ea iis contingunt, qui tota utuntur ptisana, uerumetiam iis qui utuntur oxymelite, aqua mulsa, uino. Distinguit autem illorum fortunam sic: quod qui uino importune utuntur, moriuntur deliri,

liri, reliqui præfocati. Sed non potest cōstare ista cōmentatio. Nam ipse Hippocra. loquitur de iis solis qui tota utuntur ptisana. Iam si ii qui ptisana oblāduntur, ne aqua multa quidem, aut oxymelite uti possunt, quomodo toto principii tempore subsistere poterunt? Nunquid donec morbus crudus fuerit, multa cruciabantur inedia? Vide quomodo aliquando pueriliter grauissima labantur ingenia, uel quia multo labore fatigata, uel quia ob multam ingenii luxuriā aliud scribunt, & aliud cogitant aut respiciunt. Ego igitur sic intelligam: quod non solum ob dictas importunitates aut occasiones ptisana incommodè sumitur, uerumetiam ob multas alias magis, de quibus postea dicitur. Nondum enim dictum est, quod maximè nocet ptisana in principio exacerbationis, augmento eius, aut statu, aut etiam statim post purgationem. Tot sunt ac multò plures peccandi modi, adeo ut quinto mori anticipent aut celerius quinto. Nō enim diu ii errores mortem differre possunt in iis morbis qui per se ad finem festinant. Dicit autem quintum, aut septimum: quoniam ut tempore paroxysmi, eoq; solo ferè homines seruantur aut liberantur, ita ferè eodem moriuntur: aliquando tamen aliter. quo fit ut tempus salutis certius multò sit quàm mortis: etenim mors aliquando ob morbi præcipationem paroxysmum præuertit. Nunc quare quidam deliri, reliqui autem stertore præfocati moriuntur, inquirendum. nam de hac re aliter sentimus quàm Galenus. Et mihi uidentur deliri mori, in quibus materia plus exercet sua qualitate, quàm quātitate: econtrario præfocantur quos magis materiæ copia aut quantitas. Adiicit autem stertorem, quia hic ferè suffocationem præcedit. Neq; quisquam ex iis ferè qui suffocati periclitantur, reuertitur in quo stertor aut spuma uisa fuerit.

NON perperam autem hos antiqui sideratos esse existimauerūt, tum maximè ob id, tum non minimè quod mortuis ipsis latus liuidum plagæ aliquatenus simile uideretur.

DVAS ob causas eos sideratos appellat, & quia quasi sydere percussi subito moriebantur, & quia emortui in lo-

eo affecto liuorem aliquem exhibebant: ita enim sydera-
tionem corruptionem appellamus. & quòd quidem subito
moriebantur, partim ex ratione morbi, partim ex ratione
accidentis erat. ne mireris quòd ii qui hæcenus signa uale-
tudinis referebant, aut saltem parum perniciosè habere ui-
debantur, uno die retro labantur ac moriuntur. Nam for-
sit in morbis longis unicus error diutius trahit, uerum
in acutis idem in præcipitium agit. Cur autem liuorem ali-
quem in latere mortui exhiberent, dicitur. nunc statim.

REI huius causâ est, quoniam priusquàm
dolor soluatur, percunt. celeriter siquidem
pneumatix, id est, spirituosæ fiunt.

QVO D præfocentur aut aliter moriuntur ob difficul-
tatem anhelitus, facile condonari potest. uerum quòd liuo-
rem exhibeant ob eam causam quia pereunt subito, prius-
quam dolor soluitur, multa inuestigatione eget: ac mirum
est quòd Galenus subicit. Non enim omnis pars affecta
ac demortua liuorem præfert, sed percussa & contusa, refri-
gerata, aut adusta. Ita carbones & aliæ quædam partes in
iis qui peste moriuntur, decolorantur: nec tatum in his qui
moriuntur peste, sed & in quibusdam aliis, qui multo actu
uruntur. Quòd si diligenter inquiramus, idem erit & in iis
qui multa inflammatione in principio uruntur. Nam licet
paulatim crescat putredo, tamen ratione doloris credo
quòd ipsa inflammatio magis uigeat in principio quàm
augmento. omitto quòd spatio temporis sanguis suam phâ-
tasiâ commutet, & quasi in alium humorem euadat. Vide-
te ergo, an non multò elegantius & prægnantius dixerit
Hippoc. Liuescant, quia percunt priusquam dolor soluatur.
quàm, quia pereunt priusquàm calor & magnitudo inflamaionis
soluatur. Etenim uno uerbo signû dixit, & causam clâm indi-
canit. Nam quòd magnitudo & calor inflammationis du-
ret, ex eo cognoscet, quia dolor persenerat. Neque putes
quòd ægri diutaxat moriuntur urgente dolore, nam sæpe
pereunt ipso decrecente, quippe plures aliquando pereunt
in augmento quàm principio, defecta uirtute. Atqui sputo
concocto per augmentum abeunte, ferè dolor minuitur.

A multo autem & frequenti spiritu ut iâ
dictum

dictum est, summè tum uiscosum, tum incoctum effectum sputum fieri egressum prohibet.

FREQVENS spiritus sputi concoctionem turbat, quia quòd concoquitur, quiete indiget. sed & frequens spiritus caliditatem magnam excitat, quæ sputum crassum uiscosum facit. tantum abest ut ipsum concoquat, ita multus calor febrilis lentorem circa dentes parit. ecquid ergò mirum, quòd febres ardentes sepe sputum in pectore lentum faciunt? Sed & in exterioribus calor solis sæpe crassam materiam in lentorem agit. quod autem dicat sputum incoctum egressum prohibere, potes referre ad ipsum aërem, potes referre ad ipsum sputum. Vtrūq; enim est uerissimū, sed prius est uerissimilius propter id quod sequitur.

NEMPE & sputum quod intus retinetur, prohibet aëris ad interna delationē, cogitq; ipsum celeriter egredi.

SPVTI cruditas & uiscositas nō est solum causa, quòd ipsum ægrè exeat, uerumetiam quòd aër exterior ad interiora ægrius perueniat. Quod autem minus pertranseat, rursus est in causa ut celeriter exeat atque ut omnino creber anhelitus fiat. Nam quod magnitudine non potest, necesse est ut multa uicissitudine redimat.

ET ita ad malum sibi inuicem opitulantur: nempe retentum sputum frequentē reddit spiritum, qui frequēs affectus sputum agglutinat atque expui prohibet.

MALÉ ferè cū egris accidit, ubi duo symptomata sese inuicem angent, hic difficultas anhelitus sputū reddit magis uiscosum, & rursus sputi uiscositas ipsum anhelitū reddit frequentiore.

PRAEHENDVNT autem non solum si ptisana intempestiuè utantur, uerum & multò magis si quippiam aliud quod pti
sana

sana deterius sit, uel ederint uel biberint.

M A X I M V M & certissimum hoc est argumentum, quod ipsa potius importunitas, quàm cibi qualitas istorum incommodorum sit causa.

B E N E itaq; plurimum similia sunt auxilia tum his qui tota utuntur ptisana, tum his qui cremore ipsius. uerùm qui neutro horum, sed potione sola utuntur, his interdum non uno est auxiliandum modo.

S O R B I T I O ipsius ptisanæ & cremoris eiusdè, ferè easdè expostulât obseruationes, quæ nunc dicuntur, sed oxymeli & aqua mulsa alias habent, quæ postea in tertio libere ferentur. De reliquis cibis nihil dixit, quod ferè illis abstine re oporteat, aut certè iuxta obseruationes quæ de ptisana dictæ sunt, illis uti liceat.

I D uero obseruandum est, si quempiam qui non ita dudum cibum accessit, nec alui adhuc onera deiecit, febris uel unà cū dolore, uel etiam sine dolore corripuit, sorbitio danda non est, donec coniecero cibum ad imas intestinorum partes descendisse.

M A L O hic audire ipsum Galenum, quàm alios quosdã, qui gloriantur se nihil mutasse eorum quæ scripserunt in iuuetute: nam sterile mihi uidetur ingenium, quod suis laboribus nihil potest adicere aut demere. Verum id dum taxat iis contingit, qui rapsodias consuunt, et ex aliis multa transcribunt, ex se autem nihil inueniunt. sed hos mitamus atque ipsos ueteres imitemur, quibus aliquando euenit ob copiam rerum, ut quendam in medio hiatus relinquant, quem postea implent, idq; eodem aut alio opere. optimum tamen est ut res eodem ordine describatur, quo componuntur: nam eodem modo pulcherrime ac liquidissime docentur ac discuntur. Accedit huic rei illud commodum, quod qui hunc ordinem sequitur, nihil dicit superfluum

um, nihil omittit necessarium. Vtrunq; incommodū ijs accidit qui aliam sequitur methodum. Ita & Hippocrati nunc accidit, ut semel atque iterum dicat quod semel dixisse satis erat: non enim nunc semel, sed iterum atque iterum admonuit, non cōuenire aut ptisanæ aut eius cremoris sorbitionē, ubi uenter obsurdescit præter consuetudinē, siue febris simplex fuerit, hoc est, absque inflammatione aut cum ea coniuncta: nam hæc multum dolorem uel à principio in uehere solet: quocirca in his plus quàm in aliis febribus periculosa est importuna alimēti assumptio, hoc est, dū uenter stipatus est, aut dolor urget: nam & uenter oneratus exonerandus est, & dolor potius attenuandus quàm exasperandus. Exasperant autem dolorem in pectore, quæ uentrem implent, ut supra dictū est. itaq; hætenus donec uenter obaudierit aut dolor mitior fuerit, à sorbitione cremoris ac magis ipsius ptisanæ abstinendum, & loco eius quod post ea, exponitur, exhibendum.

INFESTANTE itaq; dolore potuī dādū est oximel, hyeme quidē calidū, æstate uero frigidū. Sed ubi sitis uehementer cruciat, & aquam mulsam, & aquā ipsam simpliciter dare conuenit.

NE hic quidem Hippocrates ordinem legitimum seruat, qui dissimulato eo quod faciendum erat in uentris obstipatione, ad ea quæ tempore doloris conueniunt transiit. potius enim hic quàm postea dicendum erat, quod uenter stupidus in infirmis eget glande, in potentibus uero & constantibus eluente clystere. forte etiam ob eam rationem remedia doloris præmisit, quod eadem sint obeunda, donec uenter responderit: nō enim perpetua inedia conuenit tantisper, donec uenter responderit, subinde compluribus diebus pertinaciter riget. quo casu, solo oximelite, aqua mulsæ, aut etiam dum aqua utendū est. sed præstat rationem singulorum uidere seorsum: nam quamuis antea dictū est, cur ipsa ptisana in doloribus & uentris duritie officiat, nondū tamen dictū est, cur hæc quæ nunc dicuntur conferant: nam nec Galenus eorum causam reddidit.

Mihi

mihi autem sic sese ista habere videntur. In magnis dolori-
 bus oximeli, non solum non auget dolores, verum etiam
 per se non nihil attenuat, ac digerit, nam crassū sputum in-
 cidit, & ad expuitionem promptius reddit, magnum ad al-
 leuationem doloris compendium: omitto quod interim
 satis nutrit, & mediocriter refrigerat, sitim diluit, aliquādo
 tamen materia admodum sicca est, & intolerabilem sitim
 infert: atque hec maiori dilutione quā attenuatione in-
 diget, quo loco pro oximelite aquæ mulsæ indulgen-
 dum est: nam ut oximeli ratione aceti plus habet uir-
 tutis, attenuantis, quā aqua mulsæ, ita minus sitim co-
 ercet: est enim acetum siccum, sed hac de re postea in ter-
 tio libro. Videtur Galenus præterea dicere, quod magis nu-
 trit, atque hoc nequaquam crediderim, sed amicè ita acci-
 piendum puto, quod oximeli maiorem habet rationē me-
 dicamenti quā nutrimenti. Ecōtrario quod aqua mulsæ
 maiore rationē obtineat nutriendi quā medicandi: paucæ
 enim attenuationis particeps est, & magis refrigerat, hu-
 mectat, quā attenuat, atque id in biliosis inflammationi-
 bus admodū est utile, ac propemodum necessarium, adeo
 ut aliquando aqua sola uti sit necessum, nequaquā tamen
 id temere, sed cum multa ratione faciendum est, quod a-
 qua ipsa morbo crudo multa incommoda adferat, sæpe
 inexpugnabilem morbum postea reddat, neque usque cō-
 uenit, nisi tibi qualitas magis quā quantitas, aut cruditas
 exercet. Forte hoc Hippocrates uno nomine satis indica-
 uit: solet enim uno uerbo & signū rei, & ipsam rem luben-
 ter significare: est autem multa sitis & accidens malum, &
 quod materiæ procacitatem potius quā multam crudita-
 tem significat. Vbi ergo oximelite, ubi aqua mulsæ, ubi aqua
 ipsa utendum uidetis, uerum in hoc loco nomen, aquam,
 apud ipsum Hippocratem excindere oportet: nam post tē-
 pora Galeni accreuit, quando eius tempore hic locus Hip-
 pocratis male audierat, non ob aliam causam, quā quod
 hoc ipsum omiserat. Nam si Hippocrates ascripisset, nimis
 iniqua fuisset ueterum accusatio, ridicula etiam Galeni ex-
 cusatio, qui quod non dixit Hippocrates de aqua, potesta-
 te in oximelite frigido contentum uoluit, sed non possunt
 omnia dici in omnibus locis: satis est quod in aliis locis eius
 meminit. Atque hec ita quidē sese habet in ipsis doloribus, ui-

dent mihi eadē cōuenire, & in ipsis obstipationibus uētris: nā q̄libet istarū nutrire potest & uentrē diluere: quippe & de oxymelite alibi dictum, quōd impurum uentrē moueat, licet purū ratione aceti magis astringat. Nūc ergo cur oxymeli æstate frigidum, hyeme calidum exhiberi uoluerit, est agendum, cū ea quę ad alimentum attinent utpote lac, alibi uoluerit dari egelidum, hoc est, sub ipso sanguinis tempore. Videtur huc consonare neotericorum consuetudo, qui omnia omni tempore medicamēta eodem modo adferri uolunt: quorum ego non possum probare consuetudinem: quoniam periculum est, ne medicamenta, quę ex se fastidio sunt: utpote quę magis aduersantur causę morbi, quàm ipsi morbo, potius euomantur tepida, quàm calida aut frigida: quippe tepor os uentriculi infirmat, & econtra rio tam calidum quàm frigidum stomachum corroborat. Nec tamen indifferenter, sed ut nūc suadet Hippocrates, æstate frigidum, hyeme calidum. Multiplex eius rei ratio est. Principalis est, quia ubique ferē manifestam qualitatem rerum oportet opponi manifestę qualitati aëris: atque id quidem in sanis est certissimum, utpote quorum temperaturam aër exuperat. Itā & in ægris, fortē in pleuritide, febre acuta, tum ratione morbi, tum ratione temporis conueniunt frigida, adde quōd sitim & reliqua symptomata elegantius mitigent. sed nondum uideo ecquid in febre acuta tempore hyemis medicamenta debeam exhibere manifestē calida, quum caliditatis ipsius affectus ne quaquam satis corrigatur frigiditate aëris. Nunquid id est, quia ferē hyberni aëris frigiditas caloris excedit modum? Huc alludit quōd nullā rationē habuerit ueris aut autūni, utpote in quibus temporibus nulla uehementis qualitas exercet, uel in his tamen prout nunc huc, nunc illuc aër declinet, medicamentum in contrarium trāsferam, certē nusquā tepidum exhibebo, quōd tepida nauseam moueant, nisi forte uentriculi temperies sicco affectui infestetur: nam scimus quōd calida & frigida contrahant & exiccent, quomodo in sicco uentriculi habitu Galenus lac exhibet egelidum aut tepidum: atque hæc de qualitate manifesta. Verū & quantitatis habenda est ratio, & admonente Galeno in commēto aqua affatim, oxymeli uerō paulatim, ac multo minus bibendum est: dico affatim, quantum unico spiritu exhauriri potest

potest. quippe modica aqua à multo æstu uincitur, & sitim magis excitat, quàm mitigat, quomodo & ferrum ardens obiter aqua tinctum magis stridet. Itaque affatim uentriculum proluere oportet, nisi fortè sitis ex siccitate oriatur: nam hic per syphonem bibere conuenit. hoc non intellexit Aristoteles, & propterea in suis Problematibus quæ in quibusdam deprehendit, omnibus cōuenire putauit. hac de causa & oxymeli affatim bibendum esset, sed aciditas multa & toti uentriculo, & uniuerso neruorum generi est nimis aduersa atque inimica.

DEINDE si uel dolor uel periculum aliquod aliud imminet, dāda est sorbitio, sed neq; multa neq; crassa: ac ne id quidē priusq̃ dies septim⁹ præterierit, si uires egri sulsi iāt.

MIRABILIS sermo, ac quodammodo priori contrarius: nam qui statim præcessit, sorbitionem prohibet, & pro ea in dolore aquam mulsam oxymeli supposuit. hic uerò contrā in doloribus & similibus accidentibus quæ periculum minantur, sorbitionem suadet: talis est multa uigilia, syncopa, frequens animi deliquium: nam hæc & similia uirtutem exolutam ostendunt, atque rursus magis exoluūt. Non erat dissimilis controuerfia inter illas quoque dignitates, quarum altera in multis doloribus commendabat, altera uerò damnabat euacuationes: ubi dictum est, quod horum phantasie magis contrariantur quàm naturæ: nam duplices sunt dolores, in aliis uirtus defecta, in aliis uerò integra. atq; hi sunt dolores qui euacuationes, qui in ediam requirunt: priores uerò omnia suspecta faciunt. Videtur & nunc Hippocrates eandem differētiā obseruasse in hoc proposito, in quo scindit dolores qui postea sunt, ab his qui à principio fuerunt: nam ferè ii uirtutem integram, reliqui uerò defectam ostendunt. potest tamen & à principio uirtus breuis esse. Proinde melior hæc est in genere expositio, quandū dolor urget, & uirtus fortis est, quantum fieri potest uictui aliquid detrahendum: ubi uerò eadem debilis, eidem indulgēdum. Si quidem igitur eger omnia obtineat quæ Galenus in commento ad fortitudinem describit, & morbi finis speratur, in quinto, aut etiam septimo me

licratum, aut aqua malsa sufficiet usque ad quartum, quintum etiam si paulò debilior fuerit. sin autem multa defuerint quę ad uirtutem spectant, & plura attestentur debilitati, statim à signis concoctionis, uel etiam paulò antè, ptisanam modicam administrare oportet, post septimum uerò uel nonum crassiores & copiosiores. Quòd si omnibus modis debilis fuerit, & uix spes sit decimi quarti, uel statim à principio ptisanam indulgebit, & ante quintum & septimum eius quantitatem, & crassitudinem promouebit. atq; hæc de uiribus dicta sufficiant: nam quomodo cognoscemus morbi terminum, an septimo terminabitur, non, an decimoquarto, dictum est abunde alibi.

ILLI qui nuper cibum accepit, si uires ualēt, & uiget ætas, clyster immitti debet, si cibus iam pridem sumptus nondum descenderit. Imbecillo autem glandem supponere oportet, nisi sponte deiectio sequuta est.

NON est mirum quòd nō deiecit, qui nihil aut parum accepit: sed malò est, quòd qui pro consuetudine accepit, consuetudinē excernendi excidit. Ob hanc puto causam dixit, nuper cibato. sunt autem duri uentris instrumenta duo, glans & clyster: clysteres uerò duplici sunt differentię. Altera procul trahit ac medicamenta attrahentia aut solutiua suscipit, atq; hæc nullo modo in duro uentre conueniunt. Altera describitur ex iusculis pinguibus, & salsarum carniū aut piscium, decocto furfuris, lapathi mercurialis, malug, atque similium mollientium atq; abstergentium, quibus ut magis uellicent, adiicitur aliquid quod mordeat, sal plerunque, aut aliud illi simile: atque hi fortibus (inquit) conueniunt. nam etsi nihil in se habeant acre aut malignum, tamen uirtutem debilem satis exercent & fatigant, priusquam rectè iniici & retineri possunt. sed & saburra tanta in uentre, quanta per clysteres communes iniicitur, non nihil naturam molestat. puto tamen quòd hic Hippocrates nequaquam omnem debilitatem respexerit, (quamuis Galenus dissimularit) sed eā quę ex ætate oritur: argumento quod adiecit, Et ætas florida fuerit. Nam infanti puero quis uellet clysterem iniicere? Etenim esto quòd

quod nihil graue habeant, tamen intestina ex se mollia, quæ non sine periculo distendi possunt, adeo facile præter naturam lubrica redduntur, aut aliter aggrauantur. in his ergo glande utendum est, ita appello solidam formam ex melle, sale ad formam glandis igne excoctam, uulguè suppositorium appellat, & nunc hieram, nunc seuam illis adiciunt: aliqui ex uitello oui et sale, aliqui ex fuliginè aut sapone comparat. sed quæ ex melle aut sale concoquuntur, multo oblongiorem quam glans, formam obtinent, ad instar longioris digiti. qualiacunque autem fuerint, duntaxat sedem ipsam prouocant: clysteres uero etiam usque ad tertium intestinum aliquando ascendunt, & hucusque totum uentrem eluunt.

SANE tempus exhibendæ sorbitionis tum ab initio, tum per totum morbi decursum summopere obseruandum est. Etenim pedibus frigore affectis non solum à sorbitione, uerum etiam à potione maximè abstinendum est, sed tum dabimus & sorbitionem & potionem, quum calor ad pedes usque peruenit. Nam hoc tempus quàm maxime opportunum est, cum in omnibus morbis, tum præcipue acutis, potissimè ubi febris & periculum uehemens est.

NON est satis nouisse quo tempore sit exhibenda sorbitio, aut rursus quando promouenda: præterea cognoscere oportet qua hora. Oportet autem non tantum in ægris, sed & in sanis id temporis deligere, quo fieri potest pulcherimè ipsa cōcoctio: hoc autè id est, quo natura quiescentissimè sese habet, & ab omnibus aliis uacat, muneribus. Ita cœna admittitur liberalior prandio, quia tempore noctis calor, qui concoctionem molitur, intus habitat, & ad præcordia retrahitur. Idem euenit & in principio paroxysmi. uerum huc alia accedunt mala, nausea multa, uomitio

nes concoctionē inturbant, ne nūc dicā quod statim tēpus augmenti & status excipiat, ubi omnia sunt turbatissima. Non ergo duntaxat in statu aut augmento, sed & in principio noxia est alimenti exhibitio, & quidem principium paroxysmi aliter deprehenditur in intermittētibz febribz, aliter in continuis & acutis. In intermittētibz pedes & extrema sensibilibz refrigerari incipiunt, ob causas quas antē diximus: in cōtinuis raro; in acutis uero simpliciter nusquam extrema frigida euadunt, duntaxat minus calida fiunt: sicuti econtrario, in declinatione extrema magis quā media uiscera æstuant: nam licet materia in uenis retinetur, tamen ad extremas uenas separari urdetur. Recte ergo Galenus intellexit in fine cōmenti, aliud esse caliditatem ad pedes descēdere, aliud ex frigidis calidos fieri. Potuit etiam Hippo. per affinitatem rerum intermittentiū meminisse. Hactenus ergo alimentum prohibet. sed neq; ubiuis alibi cōuenit: nam melius est id ipsam (si fieri potest) usq; ad remissionem differre, quā in ipsa declinatione prematurē exhibere, modo tēpus internissionis longum fuerit. Verum ubi breuius timetur, in ipsa declinatione licet dare, ut duplici concoctione sit confectus, priusquam proximus excipiat paroxysmus.

PROINDE si accurate ea quæ suprà posita sunt, animaduverteris: in primis ptisanæ cremorem, deinde ipsam quoque ptisanam dare curabis.

DVPLICI ratione paulatim à cremore ad ptisanam progredi oportet: primum consuetudinis, deinde ipsius morbi: nam ut paulatim morbus concoctionem accipit, ita & alimentum augere conuenit: hoc est tam clarum ex fine huius cōmenti, ut nulla amplius demonstratione egeat. Intelligit autem principium, non quidem totius morbi initium, sed ubi sorbitione uti licet: nam ubi uel ipsa ptisana uti licebit, melius est ab ipsius cremore incipere.

DE RATIONE VICT.
HIPPOCRATIS
DE RATIONE VI-
CTVS IN MOR. ACVTIS,

LIBER II.



LATERIS dolorem, siue is
protinus a principio, siue po-
stea obortus est, nō abs re fue-
rit tentare tepidis fomentis dis-
soluere.

QUOD dolor lateris ex flatulenta aliqua dispositio-
ne, aut falso & mordaci humore aliis morbis superueniat,
fieri potest:uerū quod inflammatio aliis longis morbis
superueniat, aut etiā acutis, est rarissimū.ergo dolorem
lateris generaliter audire oportet, & huc uidetur respexis-
se Hippocrates,& excepisse Galenus,qui solo fomento do-
lorem leuare & medicari tentat, cui uera pleuritis ex in-
flammatione nunquam cedit.uerū quia multi alii dolo-
res interim pleuritidis phantasiā prebēt,nequaquam ad
magna statim decet confugere remedia, sed leniora fōmē-
ta tutiora sunt,donec alicuius grauioris affectus, fortē in-
flammationis, securi fuerimus: non enim temere magna præ-
sidia insumenda sunt in paruis aut incertis affectibus. Sed
neque in grauibz affectibus ipsa fomenta ignaua sunt.Nā
ut totam materiam non exhauriunt,dolorem tamen leuāt,
dum tenuiorem eius partem,quæ maximē solet locum di-
stendere,absorbent, aut eliciunt: faciunt autem.id partim
sua siccitate,partim sua caliditate:nam caliditas elicit,sicci-
tas uerō perdit.Est tamen ubi neutro modo iuuāt, sed ecō-
trario dolorem augent,idq; dupliciter:fit id aliquando in-
iuria ipsius corporis,aliquando importunitate medicamē-
ti: sepe enim medicamentum suo fungitur officio, sed
ob corporis ac proximarum partium plenitudinem, plus
succedit quā decedit,aliquando ne hoc quidem facit,sed
humores magis rarefacit quā dissoluit,ac id quidem cue-
nit,

nit, ubi cutis densior aut humor ipse crassior: etenim hic si mul attenuatur, & in uaporesim quendam spiritum conuertitur. Vtroque in loco auxilium mutare oportet, atque adeo ut in corpore urget plenitudo, euacuatio statim obeunda est. ubi uero magis urget humorū crassitudo, minimè calidis, sed magis attenuantibus utendum est. Atque hæc quidē mihi sufficere apparēt. Verū Galeni commētū nos aliō reuocat, in quo contra commentatores fertur, qui ex proposito exorbitāt: non enim decet frequēter ad alias difficultates digredi, sed duntaxat occurrentes exequi, adeo ut Galenus ne causas probet adduci eorū quæ obiter dicuntur: et re uera, postquam hæc alibi tractentur, alius debet esse earum locus: aliquando tamen obiter summas earum perstringere licet: atque id tantum uereor, ergōne uel ipse Galenus nunc exorbitare uideātur, qui generalem doloris definitionē tractare apparēt. Satiū erat obiter meminisse quod dolor nunc ex inflammatione, nūc ex flatulenta causa, aliquando ex multa acrimonia fiat. at nunc maximè contra unum faciunt qui hodie scribunt: scilicet ubi quis disse rit de morbis, huc adducūt morborum causas et ecōtrario. Ita ubi autōr ex professo agit de simplicibus, hic agunt de morbis, et ecōtrario, homines friuoli, qui ubique plura exscribunt quā exponunt.

CALORIFICO autem fomētō quo aqua calida in utre, uesica uel uasculo æreo aut testaceo adhibetur, nullum aliud præstans.

APPELLAMVS fomenta humida phantasia & potentia, utpote quæ ex aqua adhibentur calida, aut aliō succo: sicca, quæ ex rebus siccis sunt. Sunt nunc media quædam ex utrisq; composita, talis est spongia in aqua aut decocto macerata, & tandem expressa. eiusdem generis sunt multi alii succuli in aqua, lacte macerati aut decocti, & rursum postea expressi. Sicca rursum duplicia: alia mordēt, ut quæ ex acribus cōposita: alia mollia, blāda, ut quæ nulla acrimonia participant: & rursum alia ex utrisq; cōposita. Videtur autem hæc distinctio non tantum conuenire siccis, sed & humidis, & quæ ex utroque genere consistunt mediis: nā

ex succi

ex succis quidam acres, quidam blandi. Iam fomenta humida aliquando excipiuntur uestica, aliqua sigulino aut aereo uasculo, aut etiam dum utre, secundum diuersam partium & aliarum rerum opportunitatem: multæ enim partes sunt quæ egrè uas testaceum aut sigulinum incumbens sustinet. Atque hæc est in genere fomentorum forma. Conueniunt autem non omnibus quidem affectibus, sed præsertim qui in exterioribus consistunt partibus, aut aliquo modo coeuiadunt. Sed neque omnes affectus tollunt, duntaxat qui ex flatu consistunt: nam reliquos tantum mitigat iam in flatribus, atque adeo tenuibus humoribus fomenta sicca citra morsum magis conueniunt, aut saltem humida. Vbi autem urget humorum crassitudo, hic magis conueniunt acria & sicca: nihil tamen impedit quin & acria exhibeantur actu humida. nam hoc modo illorum uirtus magis insinuat. sed de his postea. nunc quomodo apparari debeât, audiamus.

S E D molle aliquod (quo iucundius fiat fomentum) prius lateri apponendum est.

N O N est dubium, quin Hippocrates diligens admodum sit in exhibendis interioribus medicamentis; quando tam anxius sit obseruator in explicandis medicamentis exterioribus. Vna omnium ratio, quia curationem omnem oportet esse quam iucundissimam: nec tamen hanc suppositionem quodlibet postulat fomentum, sed magis quod in testa adhibetur aut ære: nam reliqua blanda & innoxia.

Q V I N E T I A Mutiliter adhibetur spongia magna mollisque ex aqua calida expressa.

E X abrupto hunc sermonem interponit: nam posteaquam coeperat fomenta apponere, totum modum debebat describere. Iam spōgia nequaquam simplex est fomentum, sed inter humida & sicca medium. Utimur autem spongia frequenter in omnibus affectibus, quia ualde diligenter humiditatem in se excipit & imbibit: maxime tamen in affectibus uentriculorum, quod aliquid astringentis facultatis in se habet, quæ uentriculo & hepati maxime conuenit. etenim à simplicibus fomentis ferè hæc uiscera laxari periclitatur. Quod autem macerata & diluta in aqua ex

primariū postea, nō est illi peculiare, sed omnibus sacculis qui elixantur aut in aqua macerantur. Nec temere ista sunt, sed ne aqua multa statim defluens partes proximas infrigidet.

VESTIENDVM uero fomētum est, ut neq; uis eius celeriter deleatur, euanescat q; neq; nidor ad ægri spiritū pertingat, nisi fortassis usum quendam præstare uideatur: nam interdum nonnihil utilitatis in ipso deprehenditur.

NON solum linteum oportet aliquando supponere, sed insuper ipsum fomentum decet alio linteo circumscribere, ut ipsius calor diutius seruetur, & ne halitus eius aut suo calore, aut sua crassitudine anhelitum offendat: crassi or enim est ipso aëre, & facile angustia committit, sed & suo calore difficultatē spirandi inuehit, quæ quantum incommodum afferat, dictū est prius: est tamē aliquando ubi confert, & materiam crassam in pectore incidere sufficit: quippe, ubi materiæ crassitudo magis quàm ipse calor urget.

ADHÆC hordeum & eruum in aceto ita temperato, ut paulò acidius sit, quàm ut ipsum bibere quis possit. macerantur, feruentque, deinde marsupio iniecta adhibentur. nec secus de surfure quoque sentiendum est.

HOC fomentum eiusdem rationis cum spongia, partim humidum, partim siccum. sed neque in altero genere simplex est, sed partim mordens, partim blandum. Non est autem proprium id seminibus, sed & omnibus aliis plantis, radicibus, quæ in sacculis consuuntur, ut prius obiter contundantur, & ne illorum asperitas forte partem offendant: sed & ad concoctionem confusa sunt magis idonea. Macerantur autem hæc & similia aliquando, priusquàm in sacculos consuuntur, sepius postea sacculis confusa: nam

uel sic redduntur innocētiora: sed & uirtutem suam magis insinuant perfusi aut decocti sacculi, quā sicci, quod maior ab iis surgat halitus, presertim ubi uel ipse sacculus in quo sacculi elixantur, uirtutem habet attenuandi: tale est acetum, aut aqua permixta aceto. Admiscetur autē plus uel minus pro diuersitate affectuū. Vbi affectus mitis est, & ex tenuiore sāguine, paucō acetō opus est, multo uerō ubi affectus crassior: ac rursū ubi affectus ex tenuiore aut quo siore sanguine est, quæ exiccant sufficiūt, ut hordeū, milium: ubi autem crassitudo impingit, acris opus est, ut orobus, & quidem magis orobus quā fœnogræco: nam orobus siccus in secūdo, calidus in primo: fœnogræcum calidum in secundo, siccum in primo: est autem in his ferē affectibus, magis opus sicco quā calido: nam siccum per se exiccat, omitto quod calidum calidos affectus sepe exasperet, ita & orobi sepe suspecta caliditas: atque hac fortē de causā nunc illi hordeum admiscuit, quod eius caliditatem attemperet, quæ per se eximie crassos humores incidit, & attenuat. Quomodo autem in sacculis utimur, eruo & hordeo, eodē modo & fursure: nā & fursur per se digerit & exiccat. Oportet autē sacculos hos cæcellatim suere & distinguere, ne omnia inuicem confundantur: amplius semper quidem applicantur calidi, non tamen semper in aqua elixantur: aliquando fociis aut tegula, aqua, uino, lacte, aceto, aspergitur, & sacculus eius inferiore fumo imbuatur.

ARIDA autem fomēta ex sale milioq; frictō rectissime in laneis marsupio apponuntur: etenim milium & lenē & iucūdu est.

ID simpliciter siccū est, ex blādis tamē & mordacibus cōpositū, & quod tenuiores humores possit resoluerē, exiccare: nam ambo sicca sunt, sed alterum calidū, alterum frigidū. Quod autem torreantur hæc ipsa & frigrantur, unica ratione fieri apparet, ut maiorem subtilitatem acquirāt: nam licet assatio acriores partes absumat, rursū tamen crassas subtiliores reddit.

SANE dolores ad iugulum usq; extensos huiusmodi fomentum discutit.

FOR

FORTASSIS alius postea comunctionem, & ascripsit: quod si à principio ipse apposuit, orationem suam obsecrauit. Neque enim ad quid dolores clauicularum comparauit, facile est cognoscere. Galen⁹ respicit dolores qui uergunt ad hypochondrion, quasi ita dixisset Hippocr. Fomentum huiusmodi non solum soluit dolores in aliis partibus, aut fortè in hypochondriis, uerumetiam in partibus superioribus. At neque sic tota difficultas soluta est, nō solent enim tales appendices adici, nisi de his rebus quæ obscuritatem habent: atqui id nondum constat, ecquid fomenta obscurius in doloribus superioribus quàm inferioribus iuuēt. Imò econtrario in doloribus superioribus magis, ut pote quorum inflammationes ex tenuiore ferè constant sanguine. Profecto quid hic respondebit Galenus nescio, nunquid partes superiores inflammatae minus admittēt fomenta, quia ossea sunt, & perfectis tegitur uertebreis: inferiores uero imperfectis, uerum id duntaxat uerum de quinque inferioribus. Hac ergo ipse uiderit. Iam nequaquam ego ex hoc sermone intelligo quod fomentum solum dolores ex inflammatione penitus poterit eruere, sed mitigare tantum.

SECTIO autem, nisi iugulum quoque dolor comprehendat, haud æqualem in doloris discussione obtinet facultatem.

SI QUIDEM liceret transponere uerba, sic ego aciperem, Similiter sectio non tollit dolorem, nisi is ad clauiculā pertineat, ut talis esset sermo. Quemadmodum fomentum nō tollit dolorem qui uergit ad hypochondrion, utpote qui ex crassiore ferè oritur humore, ita similiter neque sectio tollit inferiorem dolorem, sed superiorem tantum. Seruata uero uerborum, ut digesta iacet, serie, hæc est sententia, quod sectio nequaquam utrumque dolorem soluit ut fomentum, sed duntaxat superiorem. Atque hæc quidem sententia partim uera, partim falsa est. uerum enim est, quod sectio magis soluit dolorem inclinantem in clauiculam quàm hypochondrium, sed rursū falsum est quod sectio simpliciter minus auferat dolorē inferiorem quàm fomentum: nam fomentum, ut ante dictum est, mitiorem

reddere

reddere potest, simpliciter auferre non potest: potest autē hoc aliquando sectio.

VBI fomentis dolor sedatus non est, nō diutius calorificis utendū, ne uel pulmo nem exiccent, uel suppurationem excitent.

QVOD fomentis omnino utendum sit, ubi securi sumus inflammationis, est certum. Verū ut ex hoc loco apparet, etiam urgente inflammatione, à principio fomentis incumbēdum: nā licet totum morbum tollere nequeunt, tamen mitigare possunt. magnum ad reliqua præsidia compēdium. quippe postea sedato dolore per phlebotomiam melior, & promptior fiet attractio, quod dolor ferē trahat in contrarium. Quamuis autem ijs ipsis fomentis aliquando licet incumbere, non tamen decet ipsis nimium indulgere: nam ut aliquoties applicita conferunt, ita longo usu aliquando magis officiunt, idque duabus rationibus: alteram adiecit Galen. quia resolutionē quodammodo prohibēt, et ad suppurationem magis festinant. nos possumus eius rei subnectere causam. Quia dum quod est subtile resoluunt, reliquum magis cogunt ac crassius reddunt. Alteram occasionem Galenus omisit, quæ meo quidem indicio est grauissima. Est autem ea, quod fomenta longo usu partem effœminant: nam spiritum & tenuiorem sanguinem resoluunt, in quo natura habitat.

QVVM uero ad iugulum dolor extenditur, aut grauitas uel brachium, uel mamillam, aut partes quæ supra transuersum septū sunt, infestat, interna cubiti uena secāda est. Neq; dubites copiosum detrahare sanguinē donec uel rubicundior multò, uel pro puro rubicūdoq; liuidus effluerit: utrunq; enim accidere solet.

DOLORES superiores, hoc est, qui ad quatuor superiores costas attinent, per missionem sanguinis ex brachio: inferiores uerò, hoc est, ad reliquas octo, per purgationem

onem inferiorē exolui uoluit Hippocrates adducit rationem Galenus, quia quò natura uergit, eò ducere expedit. Importune ergo idē Gal. paulò prius reuulsionis meminit, nā hanc contra in diuersum moliri oportet. Oportet autē hanc iuxta diuersitatem corporum aut defluxionis commutare: nam aliquando ab uniuerſo defluit corpore, & hic longius oportet renellere: aliquando à proximioribus particulis, atq; hic proxime partes ſatis auertunt. ſubinde uena eiſdem lateris ſufficit: ſed de ijs alibi aque etiam paulò poſt. Verū an dolores ſuperiores, an inferiores coſtas obtineant, non eſt difficile cognoscere. Primò indicat loci affecti ſitus, deinde partium proximarum conſenſus: non enim tota materia ſemper loco affecto circunſcribitur, aliquando in proximis partibus ſpargitur & uagatur. Rationabile eſt autem, ut affectis ſuperioribus locis, & ingulum, & brachium, & ſuperiores partes ſepti tranſuerſi compatiantur, ſed diuerſo quodam modo: neque enim dolor idē in omnibus, ſed iugulum inferiore pondere quodammodo trahi uidetur. in brachio grauitas, punctilis uero dolor in ſolo latere, utpote membranofe. Neq; difficile eſt conſicere quā hic uenam oportet eligere: conſtat enim ex commento Galeni, & inſpectione oculari, quòd interna (quam uulguſ hepaticam appellat) eas partes maximè euacuat: quippe proxima iis oritur uenis quę quatuor ſuperiores coſtas nutriunt. ita humeraria partes colli & capitis exhaurit, unde uulguſ eam appellat cephalicam. ueruntamen ubi neutra ſeſe oſtendit, licet ſecare mediam: nam ea ex fiſſione utruſque oritur. Reliqua ſunt tam clara ex Galeno, ut noſtra aut alterius illuſtratione non egeant. Vnum ſuſpenderit nos, quòd uenam imparem hic à ſiniſtris inchoat, quam alii iuxta experiētiā à dextris deriuāt. mihi autem mendum apparet. Ad ſecundam ergo ſententię partem uenio, in qua ſanguinis qui mittetur, quantitatem metitur: non enim ſufficit ſcire quòd ſanguinem ex ea uena oportet mittere, ſed ampliùs eiſ modū oportet cōſicere: quippe quę uulgo mittuntur tres aut quatuor uncie, ut non obſunt, ita non uideo quid proficere poſſint, niſi eo, ut aliquid uideantur facere. Videtur hęc opinio ab Auicēna ducta, cui aliquando phlebotomia euentatina (ut ipſe loquitur) ſatisfacit: idem eſt ac ſi dicas minima quātitas, ubi uix

minimo

minimo effuso sanguine, rursus uena occluditur. & forte
 aliquā reuulsionē potest facere, sed nō uideo quomodo ali-
 ter possit admodū cōferre. Ergo pro quantitate uirium du-
 cendus est, ubi omnia conueniunt quę ad robur corporis
 conferunt, regio, ætas, habitus, tempus anni, usque ad ani-
 mi defectum facere expedit. Vbi uero pauca duntaxat de-
 sunt, usque ad mutationem sanguinis facere licet, adeo, ut
 uerisimile sit ipsum sanguinem (qui inflammationem com-
 misit) partim exhaustum esse. Necessario autem is alium
 colorem referet, quam qui in uniuerso corpore consistit,
 ntpote qui & maiore calorem & putredinem passus. Ergo
 tametsi reliquus fuerit insigniter pituitosus, hic tamen erit
 utcunque rubidus & inflammatus: quod si in uniuerso cor-
 pore fuerit ex se rubicundus, uerisimiliter in loco inflam-
 mationis erit adustus, & ad nigrum tendens, obscurum aut
 aliquem alium mediocrem colorem, quem nunc per liui-
 dum intelligimus. Possumus etiam liuidum simpliciter in-
 telligere: nam licet liuidus sit potius effectus frigidi quam
 calidi, tamen aliquando & ipsum liuidum calidum sequi-
 tur. Forsitan autem ne iste quidem terminus sufficiens erit:
 non enim bonum apparet, sanguinem ē suo loco ad medi-
 um corpus trahere, & ibi relinquere: nam uel in sanis Gale-
 nus in quinto libro de sanitate tuenda, ueretur ne sanguis
 ab habitu corporis in profundum tractus ibidem maneat:
 quocirca secundo die sanguinis missionem repetere lu-
 bet, ut sanguis, qui primo die ab habitu corporis in profun-
 dum est adductus, omnino foras trahatur. Tanto magis id
 ipsum hic uereri debemus: nam maius imminet periculum
 corpori à sanguine corrupto in inflammatione, quam
 phlegmonosa lassitudine. nec multum abest quin ego hac
 de causa ipsum effluere permittā, donec aliqua eius nota-
 bilis quantitas effluerit. Neq; tamen rursus noua sangui-
 nis mutatio expetenda: periculose enim huiusmodi extre-
 mę euacuationes: quia quod relinquitur, facile à natura
 uincetur: saltem ubiq; uirtuti studendum est, ubi ne primam
 sanguinis alterationē expectare possumus: nam ubi plura
 sunt aut etiamdum æqualia numero, quę uirtutis debilita-
 tem conqueruntur cum his quę eius robori attestantur, po-
 tius est euacuationes in plures uicissitudines partiri, quam
 affatim euacuare, hoc est, secundo, tertio die prosequi aut
 emittere

emittere quod priori die in medium attraximus.

AT si eas partes, quæ sub trāsuerſo ſepto ſunt, dolor afficit, ſed ad iugulum nō aſcendit, tum uel nigro ueratro, uel peplio aluus ducēda eſt. miſcere uero oportet uel daucū, uel ſeſeli, uel cuminum, uel aniſum, uel aliud quippiam odoris iucundi. peplio uerò laſer, hoc eſt, ſylphij ſuccum: quanq̃ & hæc ipſa ſi mul mixta uires haud abſimiles obtinent.

MVLTIS modis hic ſermo rimofus apparet. Maximum in primis dubium apparet, ecquid diſſimulata miſſione ſanguinis purgationem commendet. Galenus putat in cāſa, quia ſpatia intercoſtalia, octo uidelicet inferiora, nutriuntur à uena impari, quæ ſub corde oritur, aut ad dextrū eius uentriculum. nec eſt dubium, quin ex his locis ſanguis ægrius ſequitur, quàm iis quæ ſupra cor conſiſtunt. quidam etiam illud putant ualde periculoſum. Atque hic abutuntur illa ueteri dignitate medica, qua dicitur, quòd materia morboſa nunquam ducenda ſit ad loca nobiliora. atque hic quidem nimis ſuperſtitioſi: non enim ea dignitas prohibet materiam aliquam per uiſcus principale foras educere, ſed prohibet eò trahere, & relinquere. Mirum profeſſo quòd id hic tātòpere reformident: nam idem ſit in quotidianis uniuerſi corporis purgationibus: nam omnes per hepar decedunt: nihil ergo periculi, ſi uel ipſe ſanguis per cor obiter transferatur. Vereor etiam ne excuſatio ea, quā Galenus adducit pro Hippocrate, ſit tenuis & diluta: nam ſi loci differentiam ac ſitum Hippocrates uereatur, idem uerebitur in inflammationibus hepatis: ſcio autem quòd nunquam faciet: nam certum eſt omnibus medicis, in his affectibus ſecare uenam internam, quum tamen ipſum hepar cū hac uena lōgiorem reſpectum habeat. Mihi igitur alia ſubſeſſe cauſa apparet, quæ ſumitur ex diuerſa materia: nam ſuperiores inflammationes ſanguinem habent bene elaboratum, utpote cor prætergreſſum. uerū qui coſtas inferiores nutrit, aut illarum ſpatia, rudimentum hepatis

redolet

redolet, crassus est, & parum exquisitè confectus, nunc melancholicus, nunc pituitosus. Nequaquam ergo hic mihi Hippocrates missionem sanguinis passim dissuadet, sed his affectibus magis quàm superiorib⁹ purgationes indulget, utpote qui aliorum humorum mixtionem maiorem obtinet. Ne nunc dicam quòd aliquis multò promptius sequatur ex inflammatione hepatis, quàm spatiis inferiorum testarū, quòd uenę directiores & liberaliores sint: ac tot quidem modis egrè hic procedit sanguinis missio. Videtur in eodem parum tuta purgatio, iuxta eam dignitatem, quę cauet purgare in principio. Verum quòd in aliis locis dictū est, hic obseruare oportet, & cōcoctionē expectare: nā ipse alibi dixit, quòd qui inflāmationes in principio purgare tētant, corpus colliquant, est tamē ubi influēte adhucdū materia p sectione, purgatione uti reuulsoria licet, sed de his alibi. Tātum ista nūc adiicere uolui, q̄ aliàs propter Gale. hūc locum de reuulsione intelleximus: quomodo ergo hic sectione, quomodo purgatione utendum sit, diximus. Diximus autem & hoc alibi, quare in affectibus hepatis potius uenam in brachio, quàm in poplite secamus, aut tale. Nunc de qualitate purgationis iuxta Hippocratem agendum, in quo statim mirum apparet, quòd missis aliis medicamētis, præcipue laudet helleborum, & peplium ez ulx speciem: uerum id mirum uideri desinit ex prioribus, in quibus ostendimus sanguinem qui inferiores costas nutrit, uergere in quādam crassitudinem sanguinis pituitosi, ac melancholici, ad quos eliciēdos hæc duo medicamenta præcipue accōmoda sunt: sed & hoc alibi diximus, quòd licet helleborus albus sit, potior tamen ad subducendum aluum utimur nigro, ad promouendum autem uomitum, albo. Minus est admirādum, quòd helleboro admiscet daucum, cuminum, aut similia, quàm medicamēta solutiua: nā nō tantum sapore displicent, uerum etiam pleriq; eorum odorem horrent: utrunq; ergo rebus grātoribus atque elegātoribus dissimulādū est. Hæc est quoq; causa cur quēdā solutiua miscēt lenioribus sorbitionibus: nam curationē oportet esse iucū dissimam & securissimam, ferè autem quæ id faciunt, simul & ea uiscera corroborant, quę solutiua infirmant, res proculdubio maximè in omnibus solutiuis necessaria. omitto q̄ eadē solutionē adiuuant. q̄ crassos humores extenuāt.

Eadē credo ratiōe peplio sylphiū adiecit: nā & Dioscoridi sylphiū humores crassos sua acrimonia icidit, & suo grato odore iucunditatē illius tollit. Proinde ego nescio quantū nostra asa foetida cum Græcorū sylphio aut Latinorū laferpitio conuenit. nostrum enim teterrimum & inextricabilem habet foetorē. Vnū nostrum excusare potest, quod non cuiusuis sylphii succus bonum odorem spirat, sed dūtaxat cyrenaicus: nam syriacus & medicus etiam ipsi Dioscoridi uirosū aliquid spirāt: nec rursū obest, quod caliditas illius magna sit, ac quæ corpus colliquare possit: nam parua ejus quantitas uel in acutis febribus innocens sæpē existit. Nunc ergo rectē Hippocrates seorsūm elleboro, nunc ipso utitur peplio, aliquando etiam ambo simul committit: nam mutuam societatem rectē ferunt, nequaquam ob eam solam causam, quia eundem humorem melancholicū ambo purgant, uerum etiam quia ex æquo ad deiectionem festinant. Nā licet ob causas (quas in compositione medicamentorum dicemus) medicamenta quæ diuersos trahunt humores, & rursū quæ diuersis deiciunt horis licet componere, iucundissima tamen eorum societas est, quæ in omnibus similiter sese habent. Verū cur se eundum adiicitur, quādo unum sufficit, an debili fortē adii- citur aut econtrario, ne hoc quidem multi sciunt, sed nos in suo loco ostendemus. Nunc tamen ne à proposito discedamus, ecquid elleborum nigrum præferat peplio, puto in causa esse, quia exquisitius ducit humorem melācholicū quā peplium, qui in hoc quidem loco magis quā pituita peccat: aliquando tamen sanguis pituitosus est: atque hic magis conuenit peplium, uel ob eam causam, quod sanguis pituitosus egregie uaporosus est, aut flatulentus, quem egregie iuxta Hippocratem dissipat peplium, idem facit puto & sylphium. Proinde, quamuis nemo animaduertit, ubi Galenus in libro de Facultatibus simplicium, peplium flatulentum describit: necessariō mēdum sit oportet incuria transcribentium commissum. Poterat ergo Hippocrates simpliciter dicere helleborum feliciter purgare, sed maluit dicere quod ad iudicationem conferat: uno & eodem uerbo ipsum effectum & finem indicans. non enim ob aliam causam in augmento aut medio morborum acutorum purgationes obeuntur, quā ut in statu felicior

iudicatio

iudicatio sequatur.

CAETERVM vt hęc ambo: quæ diximus, ita plura quoq; alia, quę alui ducendę vim habent, dolorem mitigant: sed omnium quę ego nouerim hęc longè optima sunt.

FOMENTA dolorē mitigāt, hęc subinde penitus curant: nam fomenta leuiorē humorem duntaxat absorbent, purgatio uerò et sectio aliquam funditus totam materiam euellunt. Scio quòd difficile sit, materiam quę ex uenis in meatus corporis excidit, in uenas resorbere, aliquando tamen est possibile: neque hęc tantum duo id faciunt, uerum & colochyntis, & quędam alia.

NAM & in his quę sorbitionibus mixta uentrē soluūt, non nihil præsidij est, nisi uel ob amarorem uel asperitatem, aut multitudinem, aut colorem, aut suspicionem aliquā omnino fuerint ingrata.

NE SCIO an Gale. respexit diuersos apparatus medicamentorum, ita ut nunc helleborum, peplium alio modo exhibeat quàm prius, utpote cum sorbitione ptisanę, an forte alia quędam quę magis familiariter accipiebantur cum ptisana: quomodo hodie mulierculę senam dilutiori pinforum iuri incoquant, & alii chartam in iure galli soluūt. Galenus scammonium aliquando inspergit sero lactis, ita enim aliquando egris (qui omne medicamentum etiā uel opportunissimum detractāt) oportet imponere, uel ob eam maximē causam, quòd odorem & saporem medicamentorum huiusmodi succi admodum dissimulent, adde colorem aut quamuis aliam suspicionem: quippe egris quibusdam solum nomen medicamēti est suspectum. sunt alia medicamenta, quorum non nisi maxima copia soluit, & hęc quoq; in talibus sorbitionibus maximē tegitur. Oportet autem ubique iucundissimis medicamentis uti, aut certe aliorum amaritudinē melle, zaccharo, aut iis gratioribus rebus tollere.

QVVM medicamentum aliquis ebibit, mox ptisana sorbitioni danda est, non minori penè quantitate, quàm consuevit, nisi consuetudo rationi aduersetur.

MEDICAMENTVM requirit uentrem uacuum, & prioris alimenti perfectam elaborationē. Itaq; ab inœcœnato, aut certè frugaliter cœnato cōmodissimè mane medicamētum excipitur. nec id satis est: nam ut liberalior cœna nō fert matutinum medicamentum, ita rursum medicamētum non fert consuetum prandium, sed euidenter minus ac tenuius, quòd natura nonnihil per sectionem, & magis per purgationem distrahitur, cōcoctio autem quietem postulat. ecquid ergo de iis dicem⁹ qui ex præscepto medicorum, ante cœnā, post cœnā, medicamentū accipiūt, & p̄sentē crapulā asserere, haud præuerrere hoc modo cogitant, similes pauperibus qui ex alienum pignore redimūt, ac postea totum amittunt: nam licet nonnihil alleuiantur, postea penitus collabuntur. Sed neque omnem cibum licet sorbere: potius eum qui potens est abstergere & medicamenti substantiam, & nidorem eiusdem: sepe enim licet tota substantia sit excreta, ipse nidor pluribus diebus manet: neq; hoc mirum est, nam mihi aliquando hoc enenit, ut fœtor hirci obiter acceptus plusquam quatuor diebus me exerceret. Ac fortassis nidor parum detrimenti adfert, substantia uerò ipsius, siquando in uentriculo manserit, sepe efficit ut posteaquam suo opere functum medicamētum uidetur, sequentia prandia, cœnas omnes ex ordine deiiciat, donec ipsa fuerit deterfa. Ergo ius aliqd̄ sorbere oportet, posteaquam uerisimiliter iam medicamentum purgationem absoluit, quod reliquias abstergat. Ad hoc Galenus probat ptisanam aut cremorem eius: uulguis hodie adfert ius pisorum, ius galli, ius cicerum, potest etiam pro his adferri decoctum ipsius betæ. sed de his alibi.

IN media uerò purgatione sorbendum non est: sed ubi ad purgationis finem deuentū est, sorbitio detur, minor tamē quàm pro consuetudine. Tādē leuato dolore, nisi aliud

quip

quippiam obstiterit, liberalius exhibeatur.

PLVS est spinositatis in dictione, quàm difficultatis in sententia, siue ipse interpret ita à principio scripserit, siue alius postea immutarit. Id autè aliquando enepit, ut quum in dictione luxuriari uolumus, totum peruertamus, aut amittimus decorum. Manifesta autem sententia, quòd nequaquam conuenit sorbitionem ptisanæ aut similium rerum exhibere in ipsa media purgatione, sed quando medicamentum omnino suo fuerit functum officio. Causa est una & altera. Prima opus medicamenti, idq; non una ratione: nam & acrimoniâ quæ intestina uellicat, obtundit, & medicamentum secum abducit, sæpe etiam dum in mezeraias fertur, deductionem humorum ex alto impedit. Est & altera principalis causa, quòd alimentum sæpe medicamentum altius in corpus rapiat: nam natura medicamentum per se indignatur, uerùm eo aliquando permisso fieri potest ut inescetur, quomodo & alia animantia similibus cibis inescari contingit. Quòd autem non sine maximo malo medicamenta in corpus rapi possunt, alibi diximus. Adicit quòd neq; à purgatione consueta sorbitionis quantitas, sed minor dari debet: uerùm hoc antea dictum est. Quòd autem paulatim eius quantitas augeri debeat, ex eodem est consequens: si dolor, inquit, cessauerit, aut nihil aliud impenderit. Nam omnis dolor siue à principio fatiget, siue postea superueniat, tenuitatem alimenti postulat, ita cruditas & morbi superueniens status.

IDEM dixisse uelim, cùm ptisanæ cremor in usum uenerit.

EAEDEM obseruationes quæ in sorbitione ptisanæ dictæ sunt, & omnibus aliis conueniunt.

EQUIDEM satius esse puto ut protinus ab initio sorbitionē dare incipias, quæ tertio, quarto, quinto, aut septimo die, quū uidelicet uenę conciderunt, nisi sub hoc spatio ipse morbus fuerit iudicatus.

ABSCISSVS sermo hic est, & ad aliud propositum

pertinet, eiusdem ferè argumenti est cum eo, quod in primo libro dictum est, ubi præcipit, ne à principio uenæ multa inedia collabantur: Nam triduana, quatruiduana, aut plurimum dierum inedia, multos sepe ægros tollit, aut certè discrimini exponit: nō enim multa inedia fatigata natura, sequens alimentū facillè tolerabit, nisi morbus iudicetur tertio, quarto: nam in hoc morbo uirtus tam potens esse poterit, ut integrā toleret inediam. Quod si septimo morbus iudicetur, melicratum sufficere poterit, aut cremor ptisanæ: qui uerò diutius durat, à principio ipsam ptisanā postulat, nisi aliud impediatur. loquor autem de iudicatione perfecta: nam quæ imperfecta sit septimo, sæpe in longius tempus morbum distrahit. Adeo ego miror cur Galenus imperfectæ iudicationis hīc meminit: nam falsum est quod antea quicquam de ea dixit. & licet certum sit, quod iudicatio aliquādo imperfectam sub se compræhendat, tamen ad propositum nullo modo spectat: nam certum est, quod morbus, cui imperfecta iudicatio imminet, usq; ad septimum diem inediam non feret.

ATQVE hos similiter ut superiores præparare oportet. De sorbitionis exhibitio-
ne hæc ferè sunt, quæ dicere decreueram.

QVAMVIS in quibusdam morbis à primo die conueniat ptisanæ sorbitio, nequaquam id simpliciter audiendum est, sed circumspectis reliquis accidentibus: nam est ubi paroxysmus prohibet. Est ubi durities uentris occurrit, clyster, balneum: nam hæc omnia uentrem uacuum requirunt, & ante cibum fieri debent.

AC de potione quoq; qualiscūq; ex his, quas posthac declarabimus, sumatur, eadem ratio est.

EAEDEM ferè obseruationes reliquis conueniunt alimentis, & poculis quæ de ptisanā dictæ sunt.

SED non ignoro omnes ferè medicos à debita obseruatione grauissimè aberrare: quippe qui ab initio duos, aut tres, aut etiā
plures

plures dies fame crucient ægros, deinde & forbitiones & potiones exhibēt, quod uide licet operæpretium ipsis uidetur, magnę corporis mutationi quippiam, quod ualde sit magnum, obijcere. Equidem mutationem laudo, si modica fuerit: recta enim debet esse mutationis translatio. Maximè uerò in ciborum exhibitione mutationis consideratio habenda.

P A R V M est quod uulgus imperitum aberret: maunle perstringere medicos, qui sibi plurima tribuunt. Thessalicos credo repræhendit: hi enim erant qui ægros triduo, quatruiduo inedia affligebant. Non errant autem simpliciter, sed & in ratione quam adiiciunt: nā ut sedet, natura est permutata, ergo & consuetudo permutanda: non tamen ex eodē sequitur, quod omnimoda inedia triduo, quatruiduo sit seruāda: hoc tantum illinc possunt deducere, quod hæcenus sit permutanda cōsuetudo, quatenus sit permutata natura: quia autem penitus mutata non est, ideo neq; consuetudo omnino relinquenda, aut fortassis ab ipsa crapula quę morbum peperit, ad extremam inediam traducenda est. Nam quia per priorem crapulam naturā grauata est, frugaliorem sine dubio uictum obseruare oportet. Hoc est quod dixit Celsus sequutus ipsum Hippocratē, quod morborum imitua famem & sitim desiderant, atque omnino diuersam mutationem paulatim facere oportet, præsertim ipsius alimenti: nulla enim est mutatio quę corpus magis offēdit. Nam mutationem aëris utcunque fert, quod tempore sanitatis illā tolerare didicit: magna enim mutatio hyemis in æstatem, & e contrario.

P O R R O grauiissimè læduntur ij qui tota utuntur ptisana, si mutationi peccatum accedat: ac læduntur quoque qui succum dñi taxat assumunt. Deinde noxa afficiuntur qui

solam potionem accipiunt: sed minus quàm superiores.

NON respicit nūc mutationem qualitatis forte in eos qui in morbis utuntur ptisana omnino tempore sanitatis disflueta: sed eos reprehendit qui post inediam longam subito tota utuntur ptisana, eaq; multa. Minus leduntur qui succo ptisanæ se replent, minime qui potu oxymelitis, aque mulsæ &c. Omnium una ratio est, quòd natura longa inedia exoluta alimentum effatu dignum & solidum ægrè coquit. Nam ut uirtutes animales suo opere fatigantur, ita naturales recreantur, ac per inediam collabuntur: facilius autem coquitur potus quàm succus ptisanæ, & rursus succus facilius quàm ipsa ptisana.

CAETERVM ut rectam uictus rationem instituamus, salubria præcepta quæ per bonam ualeitudinem obseruanda sunt, perpendere oportet. Quum enim non parum intersit hæcne an illa uictus ratione sani utantur, cum in alijs quibusdam, tum præcipue in mutationibus, quomodo fieri potest quominus magna sit in morbis uarietas, idq; maxime in acutis.

DEDUCTIO, aut assumptio ista, est uariatio cibi in qualitate, aut quâtitate: lædit sanos, frangit aut magis ledit ipsos egròs, ac præcipue eos qui morbis laborant acutis. Potest hæc argumētatio pluribus modis immutari, quos ipse Gal. explicat in cōmento: præsertim tamē duas ex iis assumptiones accipere apparet. Alteram per se uerisimilem putat, alteram ex pluribus astruit per experiētiā, in qua sanos uario modo à mutatione offendi assumit. Alteram quam uerisimilem citra probationem accipit, ac quodammodo loco dignitatis habet, hoc est, propositionis primo uerè, credo, ea est, qua iquit, quòd mutatio magis offendit ægròs, quàm sanos. Nescio tamen quàm sit prima hæc, aut nomine dignitatis condigna: nam per eam probatur quæ est generalior,

in qua dicitur, quod citi⁹ offēditur debilis quā̃ fortis. Ne nunc dicam quod ægri simpliciter melius mutationem ferunt quā̃ sani, ex eo quod eorum natura est mutata: non enim sani frugalitatem ferent quam morbus postulat.

QVO'D autem uitiosā̃ uictus rationem, quæ nunquā̃ uariat, longè tutius sit obseruare, quā̃ subito uel ad meliorem trā̃sire, facile intelligitur.

QVOD commutatio uictus melioris in peiorem sit mala, etiam uulgo notum est: quod uero e contrario demutatio repentina peioris in meliorem offēdat, duntaxat medicis. Causa autem ea est, quod uenter qui crūdum cibum ac multum concoquere didicit, paucum ac facilem contemnit. Venio ad qualitatem: nam qui prauæ qualitatis aut intēperaturæ cibo assuetus est, similem temperaturam contrahit, quæ nequaquam subito melioris societatem tolerat. Et quidem horum & sequentium rationes, qui in re dialectica uersatus est, facile cognoscet, adeo liberalis est hic sermo per se. Veruntamen Galenus singulorum etiam rationes sigillatim explicat, quod si quis tam ignauus sit, ut ne sic ipsum sermonem intelligat, rectè admonet, ut aliam quā̃ rem medicam agat.

NE MPE tum in his qui bis in die comedunt, tum his qui noxam semel imbecillitatemq; pariunt, repētine mutationes: quiq; nō prandere consueuerunt, & prandent, statim ægre habent, toto item corpore graues redduntur & parum ualētes, & desides. Si uerò & supercœnauerint, acidum ructant, aliosq; alui deiectio exercet. Nēpe uenter præter cōsuetudinem grauiatur, superficcescere consuetus, non bis tumescere, nec bis cibos coquere.

AMBO offēduntur, & qui præter cōsuetudinē unā uicissitudinē amittit, & qui alteram adiicit. Primò qui præter consuetudinem prandent, toto corpore grauatur: nam insolens pondus non tantum uentriculum, sed uniuersum corpus grauat. Accedit quod sumus multus dum cibus ægrè cōcoquitur, capit & reliquas corporis partes feriat. Ecquid ergo mirum quod desides euadant? Vnum illis remedium, ut à cœna abstineant: nam sequenti cœna magis grauabuntur, & maiorem cruditatē contrahent. Sequuntur autem cruditatem sæpe duo, alterum est ructus acidus, alterum inopportuna deiection: nam ut in arboribus fructus ante maturitatem reddunt saporem acidum, ita & cibus ipse donec cōcoctionē acceperit. Argumento ii qui postea uomunt. Non tamen semper statim ructus sequitur, aut uomitus, sæpe pro uomitu humida deiection apparet, magnum proculdubio cruditatis remedium, dum usque ad perfectam concoctionem uentriculus & intestina pondus non sustinent. Alii pro deiectione liquida scribunt assam, aut corporis inquietudinem. & hoc quoque frequens est: nam stomachus inaximè sensibilis, quo admodum & insolenter grauato non antea corpus quietem obtinet, quàm saburra ipsa fuerit sursum aut deorsum expurgata: atque hæc quidem ad expositionē sententiæ sufficiunt. Verum Galenus in commento nescio qua de causa, sequentis cuiusdam particule rationem agit, in quo obscuritas (quæ per interpretem suborta est) melius ad sequentem reseruabitur locum: fortè & hoc in fine minus exquisitè ab eo collectum est, quod Hippocrates cōfectionem cibi in uentriculo concoctioni aliorum succorum comparauit, ex eo quod cōcoctionem appellant. Est tamen illud uerissimum, quod eadem foris & in uentriculo facile cōcoquuntur, & ut succi dum igne coquuntur, intumescunt, ita & alimentum in uentriculo. Causa utriusque eadem est, quia utrumque dum coquitur extenuatur. Fortassis tamen Hippocrates per tumorem potius intellexit uentris exalimento repletionem, quàm illius, ut ita dicam, feruorem & ebullitionem.

CONVENIT itaq; his permutationē resarcire: dormire siquidē eos oportet tanquam noctem à cœna: hyemē quidem ci tra

frig

frigus, æstate uero citra calorem agāt. Quòd si dormire non queant, plures lente ambulādo absoluāt circuitus, neq; stēt. Nihil cœnēt aut pauca & innocua, minus præterea bibāt, aut non aquosum. Magis præterea & is afficietur, qui ter die replebitur, ac multò magis qui crebrius: quanquam sint nōnulli qui ter die satiati facile ferant, utpote qui ita sunt consueti.

QVOD somnus cōcoctionē adiuuet, alibi dictum est abūde: uerū quòd corpus tempore somni debeat medio-riter esse tēperatū, ex eo est, quia frigus per se cōcoctionē impedit, calor uerò distrahit: itaq; tempore æstatis aëreni oportet nonnihil refrigerare, hyeme uero calidiorem procurare: neque tantum somnus iuuat, uerū & quies: quò circa dicente Cornelio Celso tametsi somnus non detur, saltem quieti indulgendum est. Quòd si neq; id per anxietatem liceat, lente obambulandum est. Cur autem stationē prohibeat, nescio: nam ut lenta obambulatio, ita statio cibum ad inferiora deducit, magnum quidem anxietatis remedium: nam cibus ubi descenderit, anxietatem minorem relinquit, quòd os stomachi magis sit sensibile. Accedit quòd concoctionem promouet: non enim in ore uētriculi, sed fundo cibus eleganter concoquitur. Ergo omnino hic uitium subest: aut sic legendum, Lente obambulent, neque diu stent. nam longa statio corpus uehementer fatigat. Verū frustra id præcipitur, quoniam anxietas horum corporum id per se satis prohibet. Reliqua sunt manifesta: nō est enim malum accumulandum malis: itaque aut non cœnare oportet, aut certè quàm minimum sumere: neque id solum quod est concoctum facillimum, uerū etiam quod aliorum concoctionem procurat. Multò magis per se liquet, quòd plures errores plus efficiunt uno: uerū quòd quidam plures ciborū uicissitudines, & quidam pauciores postulent, ex diuersitate conditionis uitæ euenit, sci licet qui grauib; & perpetuis laboribus obnoxii sunt, qui

toto

toto die arant, fodiunt, ambulant, plurimam patiuntur refationem, ac plurimo egent alimento: literati uerò, ac qui sedentariam uitam agūt, per longiora interualla modico.

PRAETEREA qui bis die cibū sumere confueuerunt, ij nisi pransi fuerint, ægrè habent, parū ualent, timidiq; ad quoduis opus fiūt, & cardialgici: nempe his uiscera pendere uidētur, calidum mingunt, & uiride, stercusq; exurit. Sunt quibus os amarescit, oculi cauantur, & tempora palpitant, partesque frigescunt extremæ.

NE ii quidem secure agunt, qui solidum prandium omittunt, sæpe aliis peius habent: nam pro eo quod reliqui alimentum imperfectum relinquūt, hi id ipsum corrumpūt, & superexcoquunt, itaque uniuersum corpus inane & biliosum redditur: priori ratione euenit (quāuis quis minimè expectabat) ut & hi segnes fiant, utpote collapsio calore naturali, in quo omnis uirtus habitat. Eadem ratione uenter pendere uidetur: nam plenus suis uiribus se sustinet, & à circumstantibus particulis facilè suspenditur, uacuuus uerò omnino laxatur atq; demittitur. Eadē ratiōe euenit, ut stercus exuratur: nam natura, dum laborat inedia, nihil dimittit intactū, sed uel ab excremento in intestinis exugit quicquid potest idoneum: quo modo homines in multa penuria etiam ex rebus absurdis inquirunt alimētum: iisdem oculi curantur: nam quia humidi sunt, nulla est pars quæ citius inopia sentit: fortè & hac ratione extrema frigescunt, utpote deficiente sanguine: non enim statim cæteris calidiores qui sanguinem habent biliosum, uerū qui eundem sortiti sunt multum. Plures enim uel nos uidimus insigniter natura biliosos, & tamen cuius frigori obnoxios, quod sanguis in illis esset admodum breuis & modicus. Reliqua posteriorem rationem sequuntur: nam exiccato corpore per longam inediam, uniuersus sanguis magis biliosus redditur. Itaque circa tempora præter consuetudinem arteriæ pulsant, superfluens autem bilis, pro uarietate partium, in quas

quas defertur, parit uaria symptomata, si quando in stomachum sua multitudine exuperat, aut aliter per inediam attrahitur, cordis dolorem, hoc est, stomachi morsum infert: quod si magis efferbuerit, ad os ascendit, & amaritudine inficit. Nihil est quod illius multitudinē citius quā urina ostēdit, itaq; præter morē pallida & lutea existit, quam nūc *χράσον* appellat, quod noster interpretes in priori commento malē per uiride exposuit, & totā illam partem commēti uitiauit: neque enim in talibus affectibus urina uiridis, sed præter modum tincta euadit. Iam si quis sit lutea facie, quomodo non importunē & absurdē alius inquireret, ecquid sit factus uiridis?

PLVRIMI quoque horum qui pransi non sunt, cœnare nequeunt: qui si cœnauerint, uētris afficiuntur grauitate, ac difficilior cubant multo quā si pransi fuissent.

DVPLEX huius causa esse potest. Altera est quod interim stomachus capitur quadam biliosa sanie per inediam quæ appetitum labefactat, atque hæc rarius, & non nisi iis qui fortunatum habent fellis & uentriculi respectum, de quibus postea. Frequentius euenit quod iactura prandii calorem naturalē, præsertim ipsius uentriculi, infirmat, quo fit ut non appetat, aut certē assumptam pro consuetudine cœnam parum concoquat, parum ferat, adeo ut cubare nequeant, nedum dormire; anxie enim sese habent, donec cibus descenderit & concoqui cœperit.

QVVM igitur talia ob dimidiatę diei uictus à consuetudine mutationem sanis contingant, neque adijci quicquam, neque subtrahi commodē uidetur.

GALENVS priorem partem huius sententię refert ad sanos, secundam ad ægros: uerū ego malle utranq; sententię partem ad sanos referre, ut talis sit sermo, Si iactura unius prandii, aut adiectio tantam faciat offensam in sanis, nihil omnino ipsis temere adiiciendum aut subtrahendum.

QVI igitur præter cōsuetudinem semel pastus toto die exinanitis uasis, quantum cōsuevit cœnauit, si tunc impransus laborauerit, parūmq; ualuerit, atque assumpta cœna tunc grauatus fuerit, multò magis enim grauari par est. Quòd si adhuc diutius uenæ exinanitæ fuerint, atque repente cœnauerit, magis adhuc grauabitur.

SABVRR A uerborum facit sentētiā obscuriorem: nam ablati illis duabus particulis, Parumque ualuerit, atque assumpta cœna grauatus fuerit: sententia est illustris. Est autem ea, quòd ex duobus: qui solitum omittunt prandium, magis grauatur qui laborat, quàm qui feriat, non tantū ante cœnam, sed & à cœna: causa est in promptu, quia labor hominē magis exoliuit. Est tamē uerū quòd qui toto die laborauit, plus alimēti postulat in cœna, quàm qui omnino quieuit, modo uirtus constiterit: nā nutritio atq; adeo ipsum alimentum semper debet conuenire distillationi. uerū qui præter consuetudinem prandium omisit, & labore fatigatus fuerit, uires magis fractas habet, quàm qui quieuit.

QVIBVS ergo præter consuetudinem uenę sunt inanitæ, ij eadem die reficiendi ueniunt ita. uitent in primis frigus, calorem & laborē: nēpe hæc omnia molestè inferūtur: deinde cœnam solito lōge minorem faciāt, eamq; non siccam, sed humentiorem, deinceps bibant neque aquosum, neque minus quàm ingestorum ratio postulat. Postero autem die pauca prandeant, ut accessione sensim crescente ad consuetudinem redeant.

SIVE quis satur sit præter consuetudinem, siue uacius

& inanis, ab omni alio errore facilius offēditur, quàm qui mediocriter iixerit: nam in saturo labor concoctionem impedit, calor distrahit, frigus per se offendit, omnia tamen hæc magis obsunt uacuo: quippe hunc labor facilius exoluit, calor prompte absorbit, & frigus penitissimè ferit. Neque hæc tantum ab homine exinanito cauenda, uerum etiam maior quàm pro consuetudine frugalitas in cœna obseruanda: nam ut antè dictum est, natura solito tenuior parum lætè consuetam cœnam feret: itaque consueta debet esse parcior non tantum, sed & humidior, quòd corpus exiccatum dilui postulet. Veruntamen præstat id quantitate redimere, quàm qualitate, quòd aquosum & dilutum ad modum uinum uentriculum infirmet.

TALIA uero molestius ferunt, qui parte superiori picrocholi existunt.

MEO quidem iudicio nunc Hippocrates superiori parte biliosos appellat, quibus stomachus fluxioni biliosæ obnoxius est: tales quidem sunt qui aut unum tantum, aut maiorem à felle ad stomachum meatum habent: atque horum quidè uentriculum inedia faciliè biliosa implet fame: nam stomachus famelicus potius quoduis ad se alliciet uitium, quàm feret desiderium. itaque ijs præsertim mordetur præcordia, os amaricat, nec ferè ullum tandem ferent cibum, nisi prius ipsam choleram per os eiecerint. Non ergo statim omnes uniuerso corpore biliosi tales existunt. Imo ij soli quibus fabrica corporis inepta est & inidonea: nam qui uniuerso corpore pituitosi sunt, sæpe superiori parte uentriculi (ut Paulus rhetor) biliosi existunt. Frustra ergo Galenus maiora incommoda timet hac ratione uniuerso corpore biliosis quàm soli stomacho: uerum qui & stomacho per accidens, & uniuerso corpore per se biliosi existunt, cæteris omnibus per inediam offenduntur magis, ut edum pituitosis. Secus uerò & pituitosis, hoc est, frigidis & humidis, atq; adeo calidis & humidis, aut etiam tēperatis minus: nam & hi omnes citius fament, & tempore famis maiorem faciunt sui corporis iacturam, hoc est, ut dixit Hippocrates tribus uerbis, minimè ieiunium ferunt. Videtis ergo ut nulla sit inter has sententias controuersia, sed phantasia tantum; nam aphorismus ille comparat inuicem ipsas temperaturas

raturas, præsens uerò sermo improprie loquitur de his qui peraccidens biliosi sunt, hoc est, ad fluxiones cholicas uentriculum habent obnoxium. Scio quòd & oculos antea Hippocrates per inediam canari dixerit, uerùm hoc non est proprium cholicis, sed magis insigniter uidetur in temperatis sanguineis, atque adeò humidis: uerùm quòd os in biliosis citius amarescat quàm aliis, est certissimum. confuse ergo Galenus cavitatem oculorum numerauit inter reliqua.

NON assuetam autem cibi abstinentiam facilius omnino ferunt, qui parte superiore pituitosi sunt, quo fit ut si semel die duntaxat præter consuetudinem cibo utantur, facilius etiam ferant.

LOQUITVR de iis qui instrumentaliter pituitosi sunt, non autem similariter tantùm, hoc est, de iis qui multam in uentriculo superiore habent pituitam, ac tales quidè pulcherrime ferunt inediam, magis quorum uniuersum corpus laborat pituita, aut alioqui morbosa humiditate: nã de his alibi dictum est, quòd corporibus humidis famem adhibere cõuenit, uerùm de his qui simulanter tales sunt, ut pueris, experientia obseruatum est, quòd ægrè inediam ferant: facile enim illorum corpora consumuntur.

POTISSIMUM sanè & hoc argumentum, quòd maximæ mutationes eorum quæ circa naturam nostram habitumq; contingunt, maximè morbos committunt.

QVOD mutationes corpori nostro obuenientes morbos sæpe committunt, his exemplis satis constat: demiror tamen ecquid nunc Galenus per habitum partium instrumentalium commodationem, aut corporis nostri fabricam intellexit. mallet ego per naturam intelligere geminam temperaturam, per habitum uerò omnem aliam quæ uenit in consuetudinem.

NON igitur intempestiuè neque fortes
uasorum

uasorum inanitiones moliri, neq; cū morbi uigent feruoremq; habent, cibum dare, neque repentē huc neq; illuc in toto negotio quicquam mutare licet.

P A V C I S uerbis fere perstringit summam eorum quæ hactenus egit in primo libro & secundo. Miror autem Galeni morositatem, qui harum duarum sententiarum ordinem conuertere uoluit: nam hic longē magis quā in aliis locis tolerari potest: neque uideo in quo alacrior erit digestio, si quidem, inuicem commutentur.

M V L T A autem his germana eorum quæ uentri contingunt, atque alia quispiam dixerit, ut exempli gratia, cibos quibus uti consueuerunt, facile ferunt, tametsi natura haudquaquam boni fuerint: similiter & potus. Cibos uerō quibus uti non consueuerunt, etiā si mali non fuerint, molestē ferunt: consimili modo & potus.

N O N tantū quantitas mutata generat morbos, uerum etiam ipsa qualitas: fere autem eadem nobis est iniucunda, modo affatim incidat: itaque dupliciter nos offendunt. Prior ratio est, quia ut similia sanitatem seruant, ita dissimilia uiolant, maxime autem id fit, ubi quis à bono uictu in malum transit, fortē à facili in difficilem: nam id uel uulgus nouit. Verū quod soli primates intelligunt, ne à malo quidem in bonum, aut à difficili in leuem secuta est mutatio: fortē à dura carne, pisce, in tenuē uictū, ab aqua in uinum: nec obest quod hæc facile, illa difficile concoquantur: peius est quod sua qualitate priorem temperaturam subito ferunt: ita forsità hactenus aquæ assuetum paulatim incalferi proderit, affatim uerō oberit. Sic qui hactenus grauem cibum concoxit, subito leniorem cōteninit, ac hæc sit prior ratio. Altera est, quod ingrata nobis uenterculus fastidit, iucunda uerō diligenter amplectitur, maximum ad

concoctionem compendium: non enim bene. potest conficere, quibus parum afficitur. ecquid ergo mirum est, quod iucunda licet paulo deteriora, iniucundis, quanquam melioribus, melius nutrant.

SI ergo multa præter solitum carnis deuoratio, uel allia, uel sylphium, uel ipsius succus, uel caulis, uel alia consimilia, quæ seorsum insignibus sunt prædita uiribus, uentriculis quibusdam magis quam alia labores inferat, minus quis admirabitur. At iure admiraberis, si didiceris quantam maza turbationem, tumorem, flatum, torminaque mazam uorare non assueto pariat, si præter consuetudinem ingesta fuerit: uel qualem panis ipse calidus sitim inferat, & repetinam plenitudinem, quod tum exiccet, tum tarde descendat, & quam uaria inter se pariant purissimi confusaneique panes, si præter consuetudinem deuorentur: & maza similiter uel arida, uel humida, uel tenax: qualiter item & polentæ adficient, recentes quidem eos, qui recentibus uti non consueuerunt, & aliæ alios, qui recentibus ex consueto utuntur. Ad hæc quid faciant uini & aquæ potationes præter consuetudinem, in aliud subito translatæ: quid dilutum item uinum, meracumque repente pota: dilutum enim madorem in uentre superiore facit, in inferiore flatum. Meracum uero uenarum palpitationem efficit, capitisque grauitatem

cem, & sitim infert. Præterea quid uinum album, nigrumq; præter solitum mutata, quæ si ambo uinosa fuerint, corpus ualde alterât: quocirca dulce uinosumq; minus quis dixerit mirum esse, non idem posse ubi fuerit repentina mutatio.

NON est mirum, quod magna mutatio offendat: idem etiam accedit parueta qui pani assuetus est, egrè polentâ fert, aut mazam, quanquam ex eodem fiant hordeo, adeo uel in solo apparatu mutatio lædit. præsens est experientia: nam uentericulum insuetum licet calidum, flatibus suspendit, torminibus exercet: difficilius dices cur assuetus præsertim frigidus nihil istorum patiat, ac fortassis alibi diu inquietus. Interim ego in causa puto, quod prius diximus, liberalem uentriculi complexum: nam quamuis maza atque adeo polenta in se aliquid flatulentum habeant, tamè tale est, quod diligens uentriculi complexio facile expugnat, ita qui recenti pani assueuit, auarè illum comprehendit, deorsum mittit, paucis eleganter concoquit: atqui idem in disueto dum fastiditur, supra suspenditur, inflat: qua de causa ut quàm maximè humidus existit, litum tamen facit, què admodum & omnia alia quæ non delabuntur, sed supra morantur: fortè etiam idem facit manifesta caliditate, & recenti fuliginè. Ob easdem causas, qui recenti assueti sunt, egrè admodum ueterè tolerant, accedit quod recentior circumcisis reliquis accidentibus facilius concoquitur, est enim humidior. Quod autem paulò sit humidior, duobus modis discas: primum ex pueris, serè enim ii eo delectantur maxime, utpote simili. Alterum testimoniū ex ætate sumitur: nā si uetus sit, siccissimus, ergo recētissim⁹ humidissimus, opportunius mediis, utpote hesternis. Nō ergo nūc oportet dicere, cur recētes polentæ eū offendūt, qui ueteribus uti solet, aut econtrario: nā ratio omnium eadem aut certè admodum similis. Multò minus dicere oportet, in quo offenditur, qui meracum bibit, antea diluto assuetus, aut econtrario: constat enim quod meracum præter consuetudinem potū caput tentat, & omnem sanguinem inflat: econtrario dila-

tum dum circa præcordia moratur, egrè ipsa humectat: dū uerò ad inferiora descendit, ipsa inflat, ita & nigrum iussolentia sua afficit, & rursus album, tantò facilius condonabis, quòd aliter uinū dulce, aliter uinosum afficiat: nā uinosum (quēadmodū diximus in libris de Facultatibus alimētorum) parum habet acrimoniæ, sed multum uinosæ substantiæ: sed de ijs in principio tertij dicemus exquisitiùs.

CAETERVM partem hanc sermone cōtrario iuuare oportet: nempe his mutatio uictus facta est, corpore neque ad robur, ut cibos adijcere, neque ad infirmitatem ut cibos diminuerē oporteret, permutato.

SENTENTIA est, quòd satis supérque mutatio rerū est damnata, ac tempus esse ut uicissim dicatur ubi conueniat: non enim ubique importuna existit, sed ubi corpus eodem modo sese habet. Alibi uerò tantum est immutanda consuetudo, quantum ipsa est permutata natura, scilicet de bilior subtractionem, fortior adiectionem desiderat, idq; in sanis, nam in ægris contrarium accidit.

CONIICERE autem oportet & ualiditatem, & modum cuiusque morbi: hominis item naturam, atque ægri in uictu consuetudinem, non in cibis solū, uerū quoque & in potionibus.

PRAEPOSTERO ordine quodammodo Hippocrates utitur: nam uictus ante omnia respicit ipsam uirtutem: uirtutem autem partim capimus ex pulsu, partim ex corporis temperatura, partim ex circumstantibus cōditionibus; quippe natura bene temperata, robusta esse solet, præsertim in ætate consistentiæ, multum etiam confert solidus corporis habitus, aër temperatus, in quo uixit: aut certè frigidus. Idem est de tempore anni: fortiora enim corpora in hyeme & uere, quàm æstate: robustius æstimabitur, si præter hæc & libere, & liberaliter fuerit educatum. Econtrario ferè suspecta uirtus in eo est, qui tenuiter uixit: multis grauibus curis, negotiis obnoxius, semper uersatus in aëre calido.

do, & habitui admodum ad perspirationem idoneo: quod si ætas puerilis fuerit, multo amplius: non enim hunc fortem appellamus, qui multum habet caloris naturalis, sed qui parum expositus distillationi: ita & consistens ætas nunc fortior dicetur puerili. Loquitur etiam de uirtute uitali & naturali: nam animalis ferè magis labitur in acutis, naturalis uerò & uitalis in longis: causam alibi diximus. Atque hæc sunt prima signorum genera, quæ attestantur uirtuti, non tamè sufficiunt: non enim uel fortissima uirtus multo tēpore inediam feret, aut melicratum solum contenta accipiet, sed iuxta longitudinem morbi eam metiri oportet: ergo quo fu-
erit morbus longior eo plus requirit alimenti, item quo fu-
erit maior: & quidem longitudinem morbi metimur iuxta ea, quæ scripsimus in Aphorismis, magnitudinem uerò ex ipsis capimus accidentibus: non est enim dubium, quin multa uigilia, multus dolor naturam uehementer labefactet, & quantum fieri potest, adiectionem postulet. Sed ut sermo sit illustrior, tres mihi statue, qui eodem die capiantur, febre acuta, ac similiter robustos: forsitan quilibet eorum diuersam rationē uictus requireret: nam si fortè primus finem expectet tertio aut quinto die, hic integram feret inediam. Non tamen secire inediam seruabunt, qui eandem febrem tracturi sint usque in septimum: fortassis neque uel horum, uterque eundem uictum postulabit, sed priori sufficiet melicratum, ut qui leuiorem morbum patitur: alteri uerò qui uehementius exercetur, cremor ptisanæ erit necessarius.

CIBORVM autem adiectioni intendendum multò minus, subtrahere uerò sepe numero expedit, cum æger sufficere possit, dum morbi uigor maturescat.

DICERE M plura de hac re, nisi istam disputationem totam effudissemus contra Manardum in commentariis aphorismorum. Ergo nunc satis erit perstringere eorum, quæ ibi dicta sunt, capita. Pendet autem tota hæc disputatio ab uno cardine, quod suspectiori semper magis incumbendum sit: suspecta autem aliquando ipsa uirtus, aliquando ipse morbus: morbus quidem in acutis, uirtus uerò in longis: nam antea dictum est, quod in longis ferè uirtus labo-

ret. Est autem eius duplex causa, altera quia eorum causa se-
re frigida est, quæ magis illi aduersatur quàm calida, addè
quòd semina morborum longorum ualde lentè magnitu-
dinem obtinent, & sæpe diu naturâ exercent, priusquàm ap-
parent, uerùm acuti morbi subito emicant. Quòd autem
morbi acuti magis sint suspecti quàm longi, etiam pueris
notum est: ergo iuxta priorè & antiquam dignitatem, in
morbis longis magis debemus esse solliciti uirtutis, in acu-
tis uerò ipsius morbi: nunc uictus qui uirtutem conseruat,
ferè morbum anget, econtrario inedia & uictus parcimo-
nia simul & morbos & uirtutem extenuat. Non est igitur
dubium, quin in morbis longis tutius semper inclinamus
ad plenius, in acutis uerò ad tenuius, exempli causa, æger
trahens morbum longum cui debentur sex unciæ carniū, facili-
us feret luxuriā octo unciarum, quàm breuitatem quinq-
econtrario eum qui laborat febre acuta, minus offendunt
quatuor unciæ tremoris pituitæ, quàm septem: nam septē
exasperabunt morbum, quatuor uerò duntaxat obiter attenu-
ant uirtutem, à qua nobis minus est periculi, quàm à mor-
bo: econtrario in longis morbis magis periclitatur æger
ob breuitatem uirium, quàm magnitudinem morbi. Iam in
morbo longo peccatum plenitudinis spatio temporis redi-
mi potest, in morbis uerò acutis non potest: nam citius ho-
minem præcipitabis, quàm plenitudinem attenuare pote-
ris: uerùm econtrario si quid minus dederis, altero die aut
paulò post facile poteris supplere. Videte ergò quàm mise-
rabiler hic Manardus hæserit, qui in omnem figuram se-
ptimū aphorismum in primo libro uertit, ut eum cum hoc
componeret, quum nulla sit illi cum hoc loco cōtrouerfia,
sed phantasia tantum.

QVIBVS autem id faciendum sit, scri-
betur.

NON quidem in omnibus omnino morbis uictus sub-
trahendus, sed quibusdam, de quibus pollicetur Hippocra-
tes se scripturum postea: uerùm ut Galenus conqueritur, id
ipsum Hippocrates neglexit, aut postea interiit: nam quæ
in quarto scribuntur de morbis acutis, parum Hippocra-
tis genium referunt. Dictum est autem alibi, quòd soli acu-
tissimi extremam inediam ferunt, utpote qui tertio aut

quarto

quarto die sunt relicturi: nec rursus it omnes: sed in quibus uirtus bene constat.

M. V. L. T. A autem & alia his quæ dicta sunt, germana quis scribere potest.

G. E. R. M. A. N. V. M appellat simile: multa autem sunt præter dicta quæ similiter omnem subitam in sanis mutationem repræhendunt: nondum enim dictum est quod aeris mutatio ferè reliquis omnibus magis laeçsit. Quinimo neq; qui duro cubili assuevit, molle tolerabit: nihil enim est quod nulla nos qualitate afficit, aut cuius contrarium contrarium non edat.

H. O. C autem uerius efficaciusq; testimonium: neque enim rei, de qua plurimus factus est mihi sermo, germanum existit, sed res ipsi commodissimum est documentum.

S. E. N. S. V. S. est, prius dicta duntaxat præcui & per quamdam similitudinem offendunt ipsum propositum, hoc est, periculum repentinæ mutationis in ægris: ista autem quæ nunc dicuntur, plusquam germana sunt, & propius accedunt, neque amplius à simili, sed ipso exemplo, aut ipsa euidente ostenditur experientia.

N. E. M. P. E. quidam per acuti morbi exordia eodem, quo laborare cœperunt, die comederunt: alij postero die, alij quiduis, alij potionem mixtam sorpserunt: sane hæc omnia deterius quidem habet, quam si modo alio cibaretur quis: sed quæ hoc tempore peccata fiunt, ea minus multò lædunt, quam si primis quidem diebus, uel duobus, uel tribus uasa quis integrè manuerit, mox quarto uel quinto talia monstrauerit. Sed sanè deterius aget qui omnibus his diebus ua

sa ante exinaniuerit, & sequentibus quibusdam diebus ita pauerit, priusquam morbus maturus reddatur. nempe hoc pacto mortē plurimis liquido adfert, nisi morbus omnino mitis fuerit.

NE QVA QVA M quoduis peccatum magis offendit in principio, quàm augmento, aut in morborum initijs quàm sequentibus diebus, sed duntaxat quoddam: nam iniqua parcimonia magis offendit in augmento, quàm in initio. Sed sunt alij qui peccāt in ciborum delectu, quales uulgo hodie sunt qui pro ptisana, aut cremore ptisanæ aliud alimentum accipiunt, nescio an hoc sit delictum quod primo reprehēdit loco: forte hoc significat, q. qui importune primis diebus utuntur alijs cibis, magis læduntur, quàm qui assunt ptisanam, atque hætenus tamen in primis diebus peccatum hoc medicabile. Multo periculosius habet, qui post inediam trium aut quatuor dierum tales indoneos cibos sumpserit: non enim simplex delictum est, sed alterum ex mali cibi delectu, alterum uerò ex ipsius corporis importunitate: atque ad uix redimi poterit, præsertim ubi ante augmentum, aut manifestam morbi concoctionem ab inedia ad pleniorē subito cibum quis transiit: nam neque natura subitam mutationem late excipit, nec rursuin morbi conditio bene fert. Itaque ferè ager stragilatur, ac moritur priusquam peccatum redimi potest: aliquando tamen compensare licet, ubi morbus mitis: nam fortis natura aliquando & morbum mediocrem, & multa medicamenta superat. Minus est periculosa hæc mutatio sub augmentum: nam tametsi natura attenuata parum ferat, tamen tempus morbi exposulat.

QVA E uerò in principio committuntur delicta, ea non similiter his inuincibilibus existunt, sed facilius domari possunt.

NON quidem omnia, sed pleraque, ut dixi, peccata in primis diebus commissa, spatio temporis reprehendi possunt: nam ubi natura aut qualitate, aut quantitate cibi offe

sa est in statu, morbus sæpe interficiet, priusquam error castigatorem admittet: ita & ubi à principio natura attenuata est, tandem vires resumere poterit: atqui in fine attenuata sæpe succumbet, antequam ex priori errore conualescere poterit, atque huc præcipuè uidetur respexisse Hippocrates. attestatur eidem sententia quæ sequitur.

H O C sanè maximum reor esse argumentum, quòd primis diebus, quãuis sorbitione nequaquã eos priuemus, quibus intimũ est, ut paulò post sorbitionibus quibusuis uti debeant.

ALIENA, ut uulgo dicimus, pericula reddunt nos cautiore. itaque si offendantur, qui non nisi tandem aut ptisanam, aut cremorem eius sorbent, certum est, quòd melius sit illos à principio paulatim assuescere, qui postea requirunt. Non requirunt autem omnes, sed plerique, utpote quibus uirtus est imbecillior, aut morbus alioqui inuincet longior: iam ne hi quidem semper, & à principio uel ptisanam, aut etiam cremorem ptisanæ sorbeant. Impedit aliquando paroxysmus, aliquando purgatio, aliquando uellemens dolor: uerum his circuncisis accidentibus à cremore ptisanæ paulatim ipsa assumenda est ptisana.

PRORSVS ergo qui hordeacea utuntur ptisana, quòd ægri lædentur, ignorāt, si duobus, uel tribus diebus, uel etiam pluribus exinanitis uasis sorbere incipiant. Neque etiam qui solo utuntur cremore, quòd sorbentes lædentur, intelligūt, ubi non rectè sorbitionem inchoabunt, sed tunc cauent, magnāq; intelligunt læsionem, si eger ante maturatorem morbi ptisanam hordeaceam sorbeat, cremore uti fuetus. Quæ omnia efficaciter demonstrant medicos non rectè ægrotantes

ad cibos inducere: quippe qui uasa exinaniant in his in quibus exinanienda non sunt, sed sorbitionem dare oportet. Et contrà in quibus ex uasorum inanitione ad sorbitiones transeundum non sit, in illis transeant.

NON offenduntur duntaxat ii, qui importune aliis utuntur alimentis, uerum etiam & ii, qui importune ptisana, aut etiam dum cremore ipsius ptisanæ: ac quidem maxime importuna est eius assumptio post inedia omnimodâ trium, aut quatuor dierum, & id quoque nunc nimis frequenter dictum est. Dicit nunc amplius, quod non solum post eam inedia, uerum etiam post longiorem cremoris ptisanæ consuetudinem, ipsius ptisanæ sorbitio malè noceat, nisi ualde paulatim eius quantitas crescat: hoc est quod dicit, Vbi non parum rectè sorbitionem inchoabunt. Fit autem hæc mutatio aliquando ante concoctionem manifestam, aliquando uerò paulò postea, & est tolerabilior: nam quæ ante concoctionem fit, etiam ab aliis medicis redarguta est: uerum altera (ut insinuat Hippocrates) mutatio nemini fuit suspecta, utpote quæ tantum uetuerit transmutationem inedia, aut cremoris in ptisanam, in ipso principio. Duobus ergo modis ueteres peccabant, nam in principio ferè nimis exquisita aut multa cruciabat agros inedia, postea uerò plus æquo eosdem implebant, quos e contrario eodem tempore, saltem aliquando, utpote in statu exattenuare decebat.

ET ut plurimum exquisitè. Interdum autem eo tempore ex uasorum inanitione ad sorbitiones transeunt, quo sæpius à sorbitionibus ad uasorum inanitionem transire expedit, si ita ex morbi exacerbatione contigerit.

GALENVS unicam hanc habet sententiã, ut sit talis sermo, Absolute, hoc est maxime peccant qui sub statum ab extrema inedia ad sorbitionem, hoc est, ptisanæ assumptionem festinant: nam hic contrà etiam si quam maxime

ante

antè conueniebat alimentum, ipsum subtrahere oportet. Ego autem non uideo quomodo una sententia esse poterit citra absurditatem, sed in duas distraham particulas, ut talis sit sermo, Et ut plurimū absolute aut simpliciter quidā peccant, hoc est, miuus: nam ita uerbo simpliciter, uti solentus, pro quo nunc interpret noster reddidit exquisitè, fortè Galeni commentario persuasus. tales autem in proposito sunt qui fortè in ediam mutant in sorbitionem sub augmentum, aut concoctionem: quippe multò magis peccant qui toto tempore augmenti in ediam seruant, & deinceps ægris in statu affatim sorbitionem exhibent. atque hæc de prima parte. Secunda uerò, ubi inquit, Interdum autem eo tempore, & cetera. quo loco dubium non est, quin per tempus intelligat statum, idq; duabus de causis conicio. Primo quia id est præcipuum tempus in quo conuenit inedia. Secundo quia adiicit, Si quidem ita ex morbi exacerbatione contigerit: nam plurima exacerbatio in statu contingit. atque hæcenus erratum est à ueteribus: quantum uero ipsi errant recentiores scriptores, alibi deteximus. nam de uulgo eorum, qui hodie faciunt rem medicam, nihil oportet dicere, quando nullū omnino uictus discrimen faciunt, sed totum ipsis ægris relinquunt.

INTERDUM autem & cruda tum à capite, tum à thorace attrahuntur biliosa, uigiliq; his accedunt, ob quas non coquitur morbus, tristesq; & amari fiunt, desipiūtq; incerti, & decurrentes, lucis splendores oculis obiiciuntur, aures implentur sono, frigēt extrema, urine crudescūt, sputa tenuia sūt, falsa colore sincero & exigua, sudores circa collum, anxietates, inquietationesq;, & spiritus intercisis in ea quæ sursum sit aeris latione, frequens aut ualde magnus, superciliosa quadantenus amplificantur, deliquia ani

ma fiunt mala, uestium à pectore reiectiones, manuum tremor, atq; interdum labij inferioris concussio.

MVLTIS modis in hoc loco mihi hallucinari apparet Galenus. Primò quòd hæc incommoda intelligit fieri potius in secunda egrorum repletione, quàm in priori inani tione: quippe huic repugnat illud quod dicitur de biliosis, quoniam per importunam repletionem magis exuperant pituitosa quàm biliosa. Secundò multum mihi ab Hippocratis conspectu apparet recedere, quãdo biliosa hæc cogitat trahi à uentriculo ad se ab ipso capite, aut thorace, idq; multis modis. Prima mihi coniectura est, quòd in hac sententia Hippocrates nullo modo uentris meminit. Secūda est, quòd de ijs incommodis, quæ stomacho per inediam accidunt, prius dixit. Tertia est, quòd neque thorax, neque pulmo sedes bilis sit, sed potius pituitæ: certè cerebrum omnibili aduersatur, sed fel plurimam continet: quare stomacho per inediã multò facilius erat ex folliculo flauæ bilis quàm capite eã attrahere, nō solum ob eam causam, quia illic est maior copia, uerumetiam quia multò maius compendium: nam neque nisi longis anfractibus & ambagibus ex se potest mittere thoraci alimentum, neque thorax uentriculo suum excrementū. Magis attestatur nostro proposito, quòd ea quæ hic describuntur incommoda, nullo modo ad uentrem attinent, sed ad cerebrum, aut thoracem. Nam uiscera à quibus superfluous humor detrahitur, leuari solent, non autem affligi: ecōtrario enim affligitur id ad quod superfluous humor attrahitur: ita scilicet fluxum cholerae ad stomachum statim sequitur demorsus præcordiorum, nausea, uomitus, oris amaritudo, & alia. At quæ hic describuntur manifestè pertinent aliò: scio quòd ea quæ in uentriculum irruunt, aliquando in caput euadunt, sed si quidem hoc cogitasset Hippocrates, alium ordinem dicendi seruasset, & primum incommoda quæ accidunt uentriculo, deinde ea quæ per consensum sequuntur, alibi differuisset. Iam ipse Galenus nequaquam intelligit, quòd hi humores à uentriculo primum ascendant ad caput, sed quòd à capite, thorace trahuntur ad ipsum uentriculum, ac, si dijs placet, deinceps

ceps iterum à uentriculo ad caput, thoracem. Mirum quorū
sum aliquando grauissimos homines tumultuarius labor
rapit, aut perfunctoria commentatio traducit: euenit au-
tem hoc ipsi Galeno, quia leuiter satis fertur in ipsum Hip-
pocratem, respectu priorum commentariorum. Sed &
alioquin uel optima ingenia aliquando multo labore, rerū
uarietate, aut uario respectu distorquentur, saltē nobis ap-
paret uerisimilius, quòd ea incōmoda quæ hic narrantur,
potius sequantur raptum humorum ad caput, quam uentri-
culum: non est enim uerisimile quòd multa inedia laboran-
te uniuerso corpore, solus stomachus indignetur, ac reli-
quæ particulæ contentæ existant: nam ut inedia, ita indi-
gnatio ad singulas particulas pertinet, & desiderio pro-
prii alimenti unaquæq; trahit ab alia quod potest. Sequi-
tur autem potius bilis quàm alius humor, utpote ex natu-
ra sequacior & tenuior. Nec tamen sola bilis sequitur, sed
plerumque seroso succo permixta, quòd is omnium sit te-
nuissimus: atq; hac de causa non semper appellamus bilē
simpliciter, sed saniosam bilem, uel ob eam causam, quòd
neque ipsa simpliciter bilis attrahitur, sed liquidior ipsius
particula. Afficit autem is humor plerunq; & reliquas om-
nes partes malè & ingratè, sed alibi eius uitia latent: quip-
pe & inter plebeios peccata obscura: at quæ à principibus
committuntur, ab omnibus conspiciuntur. Ita & priuatarū
particularum errores obscuri, uerū publicarum partium
offensam statim uniuersum corpus conqueritur. Ita cere-
bro exiccato & incalfacto, statim immodicę & omnibus
manifestæ suboriuntur uigiliæ: facilè autē id patitur socie-
tate bilis, quę ad ipsum attrahit. Sæpe autē ultra uigilias ad-
ducit hallucinationem, ita ut præ oculis uersentur splendo-
res lucis, atque interim quędam rubicunda: fieri enim non
potest, quin per ipsam bilem spiritus quodammodo ignia-
tur: itaque non tantum hallucinationes fiunt, sed sæpe ma-
nifesti furores, ut ægri incerti sint quid loquantur, quidue
gerant. Neq; hic malè sese continent, aliquādo etiā ipsum
auditum inuadūt (etenim is post uisum sensus tenuissi-
mus, & ad affectiones maximè opportunus) atque aliquan-
do ex eodem uapore aures implentur sono, sæpius idem
humor linguam & palatum uitiat, & nunc amaritudine, sæ-
pius fæsedine inficit, id euenit dum cholericæ sanies misce-
tur

tur cum pituita, aut etiā serosa superfluitate, quę continuē ex ipsis glandulis uomitur in faucibus, uerū glandulosę particulę per febres exiccantur: id manifestē patet ex ipso uentre. sunt enim & hic quędam glandulosę partes, quę uentrem per sanitatem lubricum reddunt, quę dum tempore febris exiccantur, ipsum quoque uentrem reddunt durissimū. Tanto minis mirandum, quod uel in ipsis faucibus partes glandulosę quodammodo torrescant, neque id longius oportet querere, quā ex ipso sermone. quibusdam enim fauces adeo aridę sunt, ut egre sermonem edāt: quidam etiā ob eandem causam deglutire nequeunt: nā humiditas, quę his conferre solebat, exiccata est. Eadem ex causa sputa pauca fiunt: nam in illis duntaxat exuperant, qui multo humido ut pueri, aut frigido ut senes abundant. Rectē ergo sputis salis exigua & tenuia adiecit: nā fumosa bilis per se multa esse nequit: ob eandē causam colore syn cerebro ascripsit: nam pauca serosa pituita cholere colorem uix obscurare potest, atque hęc de simplice cholera: nam adusta tum tristes & seueros facit: quippe si exteriores tenebrę in ipso aere pueris & malē educatis terrorem inducere possunt, multo magis id poterūt interiores tenebrę, utpote spiritus animalis crasso uapore infectus, ac melancholicos: ac tot sunt quę raptū cholere ad superiora cōcomitantē. Quę sequuntur, uarie æstimare possumus: nam quędam ex iis partim ad imbecillitatem, partim aliō referri possunt. Exempli gratia, frigiditas extremarum partium nonnunquam euenit, humoribus sursum latis, aliquando uero iisdem exhaustis. Ne de urinis quidē, quas hic crudas ponit, simplex potest esse sermo: fortē enim crudas aquosas ac teneas appellauit, quomodo in Aphorismis scripsit, quod urinae albę in febribus acutis pessimę sint. Hoc putat Galenus fieri, dum cholera à medio corpore rapitur ad superiora, sed parum ibidē eius sermo nobis placuit: difficile enim fieri poterit, ut sic tota bilis sursum rapiatur, ut nulla eius portio supersit, quę cum urina misceatur aut exeat: hac ratione duntaxat dilutiores euadere possunt. Non credotamen, quod Hippocrates nunc huc respexerit: potius crudas biliosas appellauit. nam & bilē superexcoctā, crassamq; nunc ipse crudam manifestē nominat: adeo parum in Galeno uersatus est, qui concoctionem solis humoribus nutriti-

tribus nuper concessit. Neque ista uidetur mala commentio: fieri enim non potest, ut quæ antea fuerint biliosa, nunc fiant pituitosa, præsertim per inediam: nam uel in sanis inedia sanguinem magis biliosum reddit. Potuit etiam intelligere urinam cruditiorem fieri, hoc est, magis tenuem, & in peiorem colorem euadentem, hoc est, ab ipsa concoctione recedentem. Sequuntur sudores circa collum, possunt autem & ii sequi raptum humorum ad superiora, neque illum eximium malum amplius arguunt: nam & in sanis frequentiores circa has partes, quam alias, sudores fiunt, tum quia calidus uapor semper superiora carpit, tum quia hæ partes natura rariores. Est autem ubi hic sudor magnam imbecillitatem sequitur exoluto calore naturali, adeo ut ne proprium quidem alimentum, quod rorem appellant, partes retinere ualeant: atque id profecto est perniciosissimum: nam ut frequenter sine periculo uenter, intestina, suam saburram reiiciant, raro tamen æger euadit, ubi priuatæ particulae ne proprium quidem alimentum demittunt. Proditur autem hæc imbecillitas prius circa caput quam alibi, quod hæ partes, ut prius diximus, sunt excarnes, ac admodum raræ. Ex eadem imbecillitate sæpe naturæ euenit anxietas, hoc est, ut ipse exponit, inquietudo: id accidit quando ægri nullum locum seruant, sed nunc in dextrum, nunc in sinistrum latus, aliquando in pedes, aliquando in caput sese iaciunt, lecto desiliunt, cubile mutant, nusquam quietem inueniunt, quia laborem suum secum circumferunt: nam quod sanis & bene ualentibus contingit, ut spatio aliquot horarum in uno latere fatigati decubitus mutant, atque in alterum latus se conuertant, & nunc pedes extendant, nunc post aliquot horas contrahant, id ipsis euenit singulis momentis, utpote quibus præ imbecillitate proprium corpus molestum est, & quouis motus uel minimus lassitudinem parit, tanto minus est mirum, quod uestes à pectore reiiciant. Scio quod Galenus hoc symptoma ad magnitudinem referat æstus, & ferri potest. Veruntamen Hippocrates ipse huc minime respexisse apparet: nam præcipue de iis incommodis uidetur differere, quæ longam inediam sequuntur: atqui id nihilominus probe nutritis quam inanitis accidit: quod si ob eam causam acciderit, nec ipsum quicquam admodum graue existit. Est autem periculosissimum, ubi uirtutis imbecillitatem sequitur

quitur, distinguet manus pectori iniecta: nam licet aliquando ita euenit, ut in febribus ardentibus extrema frigeant, & interiora caleant, semper tamen æstus sese prodit in ipsis præcordiis, utpote quo calor totus retrahitur: atque hæc fortè causa est, cur potius pectus ægri, quàm reliquas partes denudent: quanquam neque ex æquo illis promptum est, ut pectus, ita reliquas partes detegere. Idem distinguit ipse spiritus ex naribus aut ore manibus exceptus: nam ubi æstus est in causa, efflatur quasi fumus, in debilitate uerò multa propemodum exit frigidus: hæc ergo potius imbecillitatem quàm quiduis aliud arguunt, atque adeo imbecillitatem virtutis animalis & uitalis. Idem indicant animi deliquia, utpote quæ sæpe anxietates prædictas insequuntur, & ferè sola magnitudine à sese inuicem differunt. Possunt autem vel animi deliquia fieri ob magnam cordis caliditatem, quæ per se ratione febris efferuescit, maximè uerò quando cholera ad loca thoracis, hoc est, ipsum cor rapitur, tunc quoque maximè fiunt, quæ postea ascripsit, symptomata, spiritus intercisus, frequens ac magnus. Verum ne hunc quidem locum leuiter præterire, oportet, uel propter ipsius Galeni commetum, qui longe aliam rationem harum rerum subnectit, quàm nos recipimus: ipse enim existimat, quòd ista nequaquam fiunt inanitis, sed iam ab inanitione immodice repletis. atque id equidem uehementer demoror: nam quamuis inueniantur qui ab inanitione diuturna, ægris plenius alimentum exhibet, nunquam tamen eos dabis qui illos usque ad difficultatem spirandi impleant: nam ut quàm maximè uellent medici, nunquam tolerabunt ægri. Id ipsum duntaxat sanis euenit immodice uoracibus, atque operam crapulæ dantibus. Iam ut hæc saturitas frequenter pulsum facit & altum, non tamen magnum, multo minus intercisum, interruptum, offendentem, aut duplicem, in his deprehendes: nam omnibus his nominibus pro eadem re utimur. Fit autem quum unica uice spiritum non perficimus, sed in medio subsistimus: atque esto quòd hac de causa spiritus aliquando interrumpatur, non est tamen uerisimile ipsum nunc cogitasse Hippocratem, quia hoc signum nequaquam inter perniciofa signa numerari debet, qualia nunc sola Hippocrates recenset. Denique & hoc ipsum Galenus dissimulauit: quare nunc expirationem notet, qui

In aliis locis potius inspirationi timere uidetur. fuit enim illi satis, quod in aliis locis animaduertit in inspirationē. sed de hac re nunc statim postea: quippe prius in genere causam spiritus intercepti oportet querere. Nec erit difficile eam inuenire ex aliis locis, ubi Hippocrates duplicis inspirationis meminit: ibidē enim ipse Galenus eius causam, aut dolorem, aut siccitatem conuulsioni proximam fecit: idem & ego nunc existimo: nam multā siccitas ipsum musculum reddit rigidiores, saltem ad motum paulo se-
 gniores, præsertim ubi uirtus est debilis, utrunque contingit per diuturnam inediam. Videtur autem natura paulo difficilius inspirationem, quam expirationem facere, adeo ut quidam ex ueteribus contractionem arteriæ & pectoris merè naturalem putarent. fateor commentum ipsorum falsum esse, uerū tamen ex eo facile uniuersus colliget, quod inspiratio naturæ paulo sit. operosior, quam expirationis, atque hac de causa mihi apparet quod Hippocrates sepius notarit difficultatem inspirationis, quam expirationis. tantò minus ego scio quid hic illi in mentem uenerit, ut nunc potius offensam expirationis timeret, & nisi Galenus hunc locum ad expirationem retulisset, ego ob prædictos locos mallē hanc sententiam ad inspirationem, quam expirationem referre, quod in inspiratione pectus sursum mouetur. Scio iuxta hanc interpretationem aliquo modo distorqueri significatus: sed ego mallem ubique uiolare consuetam significationem ipsorum nominum, quam ueritatem ipsius sententiæ. Ita & nunc in hoc loco faciam, donec cui ista nostra commentatio displicuerit, rationem mihi exposuerit, quare Hippocrates hic potius quam alibi expirationem pro inspiratione offensam deprehenderit. Potest etiam subito suboriri hæc spirandi difficultas, humoribus ad caput aut præcordia sublati: nam in commentariis de Crisibus satis clarè ostendimus, quod raptum humorum ad superiora, plerumque concomitetur, quia multitudine distenti musculi ægrè motui obtemperant. Ad difficultatem spirandi accedunt superciliorum amplificati-
 ones, hoc est, palpebrarum demissiones, quando palpebræ non omnino committuntur, aut rursus penitus suspenduntur, sed medio modo deducuntur. Maxime autem id euenit in dormientibus, aliquando etiam in uigilantibus. Ga-
 lenus

lenus causas varias eius rei habet, aliquando alterius musculi, quippe contrahentis laxationem, aliquando alterius, utpote intendentis aut extendentis conuulsionem: & reuera unumquodque istorum in causa esse potest nam soluto contrahente necessum est, ut ultro palpebre decidat, sed & conuulso extendente, statim præter consuetudinem demittatur, quod conuulsio partem eodem moueat, quo ipsa uirtus animalis: non tamen solo musculo contrahente omnino conuulso palpebra decideret, sed contra omnino suspenderetur: uerum ambobus conuulsis contrarii fient motus, ut neque omnino contrahi, neque omnino extendi supercilia poterint: & quidem ea omnino demitti in uigilantibus non conuenit, sed maximè id ipsum suspicatur in dormientibus, quod in his naturaliter clauduntur: uerum aliquando obstat siccitas musculi, propter quam periclitatur conuelli: atque hic uel in uigilantibus ægrè clauduntur. Aliquando id ipsum euenit propter solam imbecillitatē musculi intendentis: & hoc symptoma magis depræhenditur in dormientibus, quod in dormientibus uirtus animalis segnior sit quàm in uigilantibus. Idem nunc puto cogitalle Hippocratem, quomodo in aphorismis ac prognosticis præcepit, ut obseruentur in ægris dormientibus oculorum suspensiones, si quid album subappareat. Tantum nomen ampliationis refragari apparet, ut quod magis extensionem quàm contractionem significat. fortè eo alludit, quod huiusmodi homines uigilare apparent, & præter consuetudinem uigilantium extensas palpebras, & uelut amplificationes superciliorum ostendant. De reliquis duobus symptomatibus, atque adeo postremis quid faciam, nescio. Galenus ualde breuiter ea perstringit, atque tremorem manuum ad magnum æstum refert. Neque ego diffiteri possum, quin aliquando caliditas, ut frigiditas animalē facultatem offendat: nam frigiditas spiritum animale extinguat, caliditas uerò dissoluit. Sed ne hoc quidē symptoma perniciosum existit, duntaxat ubi imbecillitatem ex siccitate sequitur, qualis per longā inediam facile committitur: ita & labri commotio, ut oculorum, ex eadem imbecillitate fieri potest, non sine magno ægrotantis discrimine: quoniā omnis magnus casus qui siccitatē sequitur, ferè mortalis existit. Gale. per consensum uentriculi euenire putat, propter commu-

mitatem membranæ, quippe morso uentriculo ferè labrum inferius commouetur, & ut alibi ostensum est, uomitum futurum significat. Huc uidetur spectasse Hippocrates, qui in sequenti particula dixit huiusmodi ægros iterire, aut per abscellum, aut aliquam ex eruptionibus superioribus per nares, aut per screationem euadere: nam quæ ex his imbecillitatem sequuntur, ægrum moriturum, quæ uerò commotiones ad superiora, crîsim per superiora pronuntiant: nā quæ feruntur ad caput, per nares in salubribus erumpunt, quæ uerò ad loca thoracis, præsertim pulmonem, per scrazum ac tussim exeunt. Sed neq; id rursus est impossibile aut absurdum, ut humoribus ad caput deorsum ascendentibus, tremor manuum fiat, aut concussio labri inferioris: cholera enim mordax est, & aliquādo obiter in partes sensibiles ac medias excutitur: atq; hic sepe partes, atque adeo uniuersum corpus cōcutitur, quia sine indignatione à tali humore partes sensibiles perstringi nō possunt. Huc fortè respexit Hippocrates in aphorîsmis, ubi ait, quod tremores delirio soluiuntur: nam sublata materia, ac iam quiescente, mordicationes desinunt. Scio quod paulò aliter in aphorîsmis nostris diximus, sed nunc non displicet nobis ipsa cōmentatio: nam si rectè memini, & ibidem quoq; à nobis dictum est, quod omnibus uidentibus sepe tremores & contractiones manuum delirium antecedunt. Videte ergo in hoc uno loco quàm multa Galeni ipsius commentarius adhuc desideret.

H A E C si ab initio apparuerint, deliriū graue, uehemensq; indicant: atque ut plurimum ægri moriuntur.

D V P L E X erat antea natura signorum, altera eorum pars pertinebat ad loca thoracis, atque hæc neque semper, neque per se, sed per accidens minantur delirium, dum materiæ sublatae ad pectus, aliqua eius pars obiter aut certè fumus ferit caput. Alia declarabant motum ad caput, atq; hæc per se, aut delirium, aut crîsim aliquā superiorem, sepe utrinque prænuntiant, & delirium quidem semper, crîsim non nisi aliquando; hoc est, ubi potius naturæ motum atq; impetum, quàm partium superiorum attractum (qualis in diuturna solet fieri inedia) sequuntur, sed & ex præcedenti

quoque inedia distinguuntur:uerum an inedia crifim citare potest, alius uiderit: ego profecto non detrectabo ita asserere, quando & multi alij errores crifim accelerant, & rursus differunt: nam & plenius alimentum sepe malam crifim precipitauit, aut bonam distulit. Neutro igitur casu delirium bono esse potest: nam ut simplex delirium per se malum symptoma est, & crifis plerumque in principio interficit, sicuti in augmento facta, recidiuam presagit.

QVI autem euadunt, hi uel cum apostemate, uel sanguinis è naribus fluxione, uel puris crassi excreatione euadunt, neque aliter.

NON semper crifis in principio interficit, sepe natura tolerat, donec secunda crifis postea succedat: uerum plerumque impotentior est, quam ut simpliciter euacuet, sapius in abscessum morbum transmutat, & tamè euacuat, aliquando per nares quidè, ubi humores ad caput euadunt: per screationem uerò magis, quando in pectore maior pars substitit. per sudorem certè, aut uentrem horum morborum crifis fieri nequit.

NEQVE sane horum ita peritos uideo medicos, qui ut oportet, dignoscant eas, quæ in morbis contingunt uirium infirmitates, & quæ ob uasorum inanitionem, & quæ ob aliam quampiam iritationem, & quæ ob laborem, & quæ ob morbi acumen fiant, quas itè natura nostra habitusq: singulis affectuum species omnigenas fabrefaciat, quamuis cognite salutem, & mortem ignoratæ adferat.

ETIAM uulgus debilem egrum à robusto potest distinguere, uerum medicus eius causas debet internoscere: non enim sola inanitio ægrum debilitat, aliquando etiam ipsa plenitudo, & sunt manifesta discrimina. Hic enim corpus subhumidum, aut certè liberale, illic autem aridum & squalidum

Squalidum: intelligo autem per inanitionem non tantum in ediam, sed & omnem aliam euacuationem: aliquando importunum aut malignum medicamentum in causa est, quod alium humorem, licet modicum, ducit quam debet: atque hoc est quod forte Hippocrates per irritationem indicauit. Sepius dolor est in causa: nam omnis dolor examinare potest, praesertim uentriculi, nec dolor tantum, sed & omnia alia graua accidentia: hac de causa egri frequentius in morbi acumine, hoc est, uigore, deficiunt animo, sunt enim hic accidentia omnino rariissima. Aliquando etiam ista ad naturam morbi, aut loci affecti attinent: nam ut morbi in hepate morantur, ita in corde subito interficiunt, in cerebro uero plerique sensum & intellectum adimunt: sic strangulatio ex utero mulierem quodammodo statim exanimat: idem facit saepe affectus stomachi, frequentius affectus ipsius cordis: adijcimus quod & habitus corporis multam adfert diuersitatem. omnia ergo haec inuicem oportet distinguere, quod pro diuersitate causarum ipsarum uariet procuratio, & praecognitio.

MAIVS siquidem malum est, si ob laborem, morbiq; acumen, debilitato porrexerit quis potum, uel sorbitionem copiosiore, uel cibum, debilitate eam ex uasorum inanitione contigisse arbitratus. Neque calumniam effugere potest, qui aegre ualentem ex uasorum inanitione non cognoscit, torquetq; uictus genere: periculum siquidem affert aliquod erratum hoc, sed longe minus quam alterum, atque risu dignus magis quam alter hic error: nam si medicus alius, uel plebeius aegrum interuiserit, cognoueritq; ea quae contigerunt, dederit tum edendum, tum bibendum quod alter uetuerit, is praesidium manifeste attulisse existimabitur: talia autem ma-

ximè si artifices commiserint, uulgo uituperantur: nam ipsi qui ægrum interuifit, uel medicus uel plebeius, ueluti à mortuis suscitasse uidetur.

IMBECILLITAS ex morbi magnitudine, aut multo dolore nata, recreatur medicamentis mitigantibus, quo casu sæpe oportet morbum dissimulare, & solis accidentibus incumbere: fere autem per cibum exasperantur magis, saltem plerunque tenuius alimentum requirunt: e contrario inedia paulò plenius: sæpe utrobique peccatur: & est prior error, assereñt e Hippocr. multo periculosior. Miror quòd Galenus causam omiserit, mihi latere apparent in comparatione morborum, quòd morbi acuti plerunque constantes uires habent, quocirca multo magis peccat, qui in plenius, quàm tenuius declinat.

SCRIBEMVS autem & horum notas, quibus singula dignosci possunt.

ET nos quoque paulò antè uniuersalem distinguendorum rationem perstrinximus.

SIMILIA porrò his quæ uentriculo contingunt, hæc etiam sunt: nã si corpus totum præter consuetudinem otiatum fuerit, non cõfestim robustum magis euadet: quòd si diutius otiatum, ad labores sese repète uerterit, uile profectò quippiam euidenter operabitur. Ita autem & de cæteris corporis partibus est existimandum, nempe & pedes talia quippiam operabuntur, atque alij articuli laborare non consueti, si longo post intervallo ad laborem sese uertant: hoc patiètur oculi & dentes, & quicquid huiusmodi est: præterea & cubile præter consuetudinem & molle

molle & durum laborem facit, cubile sub di-
uo præter solitum corpus indurat.

QVICUNQUE rem aliquam longo volumine de-
scribit, aut etiam breuem disputationem in initio ordine quodā
omnem narrationem facere debet, secundum quem pri-
mum expectet secundum, & rursus tertium excipiat secun-
dum. Verum ut qui ædificant, primum lapides congerunt,
postea in murum digerunt, ita sæpe scriptores primo ali-
quod rudimentum faciunt, & tandem singulis legitimū
ordinem statuūt: sed aliquādo mors interuenit, priusquam
recensere aut digerere possint: atque hæc est causa quare
ueterum opera aliquando appareant peruersa: ita & nunc
suspiciatur Galenus in fine huius libri: nam certū est quod
ea quæ hic dicuntur, potius conueniebant cum his quæ an-
tea scripta sunt: oportebat enim quæcūq; de mutatione di-
cere uolebat, eodem loco conscribere, ac ijs quæ dixit de
insolentia uentriculi, aliarum partium, atque adeo totius
corporis molestia, ex cōmutatione cōsuetudinis adijcere:
non enim solus uenter subitam cibi mutationem in
qualitate aut quantitate, uerum & partes, & totum corpus
commutatam rationem exercitij ægrè ferunt. Neque enim
multum itineris faciet uno die, qui sedetaria uite assuetus
est, neque admodum poterit fodere qui solitus est manib;
parcere. Sed & tyrannis illius sepe audita est, qui captiuos
lōgo tempore in tenebris abditos, in subitam lucem reuo-
cauit, quos excæcare uoluit. De dētib; miror ab Hippo-
crate appositum exemplum, tam rara est in his insolentia.
quod si singulæ partes ipsam ægrè ferant insolentiam, non
est dubitandum, quin totum corpus feret difficilime: neq;
enim assuetum multo otio, subitum idoneum aut promptū
erit ad uehementia exercitia: neq; in his solis continetur
mutatio consuetudinis, sed & in cubilibus. uerū de ijs ante
dictū est. Ecquid ergo mirū est, qd is qui sub tecto molliter
dormire solet, nunc in castris sub diuo magis induratur: nā
aër nocturnus infrigidat, atque hætenus licet humidus,
exiccat.

SED horum omnium exempla scribere
satis fuerit: nam si quis ulcus neque admo-

dum infigne, neque ualde uile in tibia accepit, fueritq; homo, cui neq; admodum difficulter, neq; ualde promptè ulcera sanantur, & prima protinus die ita iacens curetur, ut nequaquam crus extollat: hoc sane pacto sine inflammatione manebit, citiusq; sanitati restituet, quàm si oberrans curaretur. Quòd si uel quinto, uel sexto, uel superiore adhuc die surrexerit, atq; obambulare uoluerit, magis laborabit, quàm si ab initio errans curatus fuisset. Porro si & multum, & repente se fatigauerit, multò magis laborabit, quàm si ita curatus in diebus iisdem sese lassum & defatigatum reddiderit.

PARTES sanas obscurius uiolat mutatio consuetudinis, quàm aegras, & rursus parū affectas minus, quàm multū affectas maxime: adeo ego miror Galenum paulò post principium commenti eam dubitationem dignatum fuisse. Igitur soli in mediocriter offenduntur, qui mediocriter lesi sunt. Inter mediocres affectus est ulcus in tibia, neque admodum uile, neque admodum infigne, hoc est, mediocre, ac si dicas, neque magnum, neque paruum: & quidem parua ulcera, non obstante mediocri errore, facile coalescunt: magna uero etiā citra omnem errorem aegre: ita quidā sunt, qui uel ex paruis ulceribus sanari nequeunt, ut quibus habitus est uitiat: rursus quibus habitus plenior & liberior, etiam per se contemptis erroribus fere sanantur. Hæc est causa quare Hippo. medium habitū atq; affectū accepit, atq; hæcenus nulla est difficultas: certum & hoc est, quòd optimum sit particulam lesam ferari usq; ad perfectam curationem. Verum quòd hæc ipsa ulcera in tibia, tam paruos quàm magnos motus melius ferat in principio, quàm post multam quietem, est admirabile, donec hoc cognouerimus

mus, quod per longā quietem musculi rigidiores quodam modo euadunt, & ad omnē motū ineptiores, adeo ut postea non nisi magnis uiribus atque irritamentis obiri possunt: quocirca tam magnus quā paruius error multo minus offendit in principio, quā postremo: ausim tamē hic in uulneribus ipsis excipere primum diem: nam si quis statim fatiget, periculum fluxus sanguinis imminet, sed id per accidens est: adde quod nunc potius ulceris Hippocrates, quā uulneris recentis meminit.

OMNIA igitur hæc inter se subitam omnem supra modum huc & illuc mutationē nocumentum inferre perpetuò testantur.

EX multis particularibus rectè colligit dignitatem uniuersalem.

MULTO itaque maior in uentre est læsio, si ex multa uasorum inanitione repentē quid plus iusto ingeratur. Similiter si reliquum corpus diutius otiatum subito ad laborem uehementiorem sese uerterit, multo magis lædetur, quā si ex multo cibo ad uasorum inanitionem transferatur. Corpus reuera his cessare oportet, & si ex multa fatigatione, subito ad otium ignauiamq; descuerit: oportet & illis uentrem à ciborū cessare multitudine, alioqui læsio in corpore fiet, corpusq; totum grauabitur.

VTRINQUE subita in contrarium mutatio nocet, sed magis ex multa inedia, multa repletio, quā ex multa repletionē, multa inanitio: scio quod sani, & morbo longo affectu egrius ferant errorem in tenuitate, quā plenitudine: sed de subita cōmutatione nobis est sermo propositus: causa est in promptu, quia uirēs per inediā fractę sub pleniori alimento necessum est ut succumbant: uerū multo

alimento antea suffulte, non solum non ægre inediam ferunt, sed aliquando expostulant: ita magis affligitur qui à quiete subita ad multum laborem, quam qui à multo labore ad multam quietem & otium sese traduxerit: nam prior mutatio subito vires exoluit, posterior uero duntaxat quædam excrementa colligit. Sed & hoc faciliè uitari potest, modo tantum detrahatur alimento, quantum imminutum est exercitium. Non est dubium quin hæc fuerit mens ipsius Hippocratis, uerum tota dictio in principio est uitiata: nã altera pars quæ de mutatione laboris & quietis est, alteram partem desiderat: & altera pars quæ multum cibum in multam inediam conuertit, cum priori coniungi debet, ut sic constet sermo, Multo magis lædit multa repletio ex multa inanitione, quam multa inanitio ex multa repletionem: ita magis rursus offendit multus labor ex multa quiete, quam multa quies post multum laborem: sed & facilior huius mali cõparatio, ut hoc ipsum corpus minus ingerat, quam consuevit. Verum & hanc partem Galenus in commento (nescio quomodo) obscurat, quando unum & idem quasi diuersum repetit, & malè ad hunc aphorismum, ubi fame laborandum non est, alludit. Suspicio & hic commentum esse uitiatum, & tale fuisse ab initio scriptum, Qui ex crapula in inediam transeunt, toto corpore quiescendum: quoniam ubi fame laborandum non est, sed qui ex fatione multa in quietem multam conuertuntur, hic alimentum parumper subtrahendum, ut hic uentriculus quiescat, quemadmodum illic uniuersum corpus. Quod si ita commentum castigare liceat, decebit & in ipsa sententia similem fere scripturam facere, ut sic dicatur, Atque hic reuera scilicet, ubi à multo cibo ad multam inediam sit demutatio, corpus totum cessare oportet, quemadmodum ubi ex multa fatione quis subito ad otium transfertur, pauciora oportet ingerere.

DE mutatione quæ in hæc uel illa fit, plurima sum loquutus, & reuera hæc uenisse cõmodum sit, cum ad omnia, tum ad id de quo nunc agitur: nempe quod in morbis acutis ex uasorù inanitione, ad sorbitiones transi-

tur: transeundum quidem præcipio ego, sed
 sorbitionibus haudquaquam utendum, pri-
 usquam morbus ad maturitatem perductus
 fuerit, aut signum aliquod aliud apparuerit,
 ut in intestinis uacuatorium, uel proritato-
 rium, uel qualia in hypochondrijs scriben-
 tur signa.

NON negat quin ex inanitionibus aliquando sit ad
 sorbitiones transeundum, sed paulatim id cupit fieri: id
 autem fiet, si inanitionem paucorum dierum excipiat a-
 qua malsa, mulsam uero cremor ptisanæ, ptisanæ cremorē
 tandē ipsa ptisana: tandem dico, hoc est, in augmento, quū
 morbus concoqui cœperit. Adiicit Hippocrates, Aut signū
 aliquod aliud apparuerit, ut in intestinis euacuatorium,
 uel proratorium, uel qualia in hypochondrijs scribentur
 signa, quorum unumquodq; Galenus seorsum accipit: uacu-
 atorium intelligit, ubi uacuatio per uentrem exercetur: ita
 torium, ubi dolor aliquis fatigat: magis est extranea cōie-
 ctura, ubi per signa in hypochondrijs magnam siccitatem
 & colliquationem intelligit. Non nego quin in omni uirtu-
 tis deiectione quacunque ex causa accesserit, uirtuti per ali-
 mentum succurrēdum sit, uerū Hippocrates his omnibus
 uerbis unum mihi uentris affectum, hoc est, inanem ipsius
 conatū medicari apparet: nam iuxta quod ipse alibi scrip-
 sit, quō natura uergit, eō ducere conuenit: ita hic ubi uen-
 ter turgere incipit, aut intestina stimulari, aut secundū ea
 quæ alibi animaduertit, tormina fiāt, lumborum dolor, &c.
 naturæ adnitendū est, maxime post morbi concoctio-
 nem. fiet autem id commodissime, non quidem magnis &
 grauibus remediis, sed paruis, qualis est ipsa ptisana: nam
 uel hæc satis leuiter uentrem radit, & abstergit, atq; hæc qui-
 dem mea est cōiectura. quōd si quis Galenum sequi malit,
 non laboro.

FORTIS uigilia, potus cibosq; tum
 crudos, tum incoctiores reddit: uerū ea
 quæ

quæ in alia fit trāsmutatio, corpus dissoluit, excoctionemq; & capitis grauitatem parit.

QVOD magna præter consuetudinem uigilia concoctionem alimenti moratur, omnibus in confesso est, quia solus calor in internis uisceribus concoctionem obit, quæ foras uigilia distrahit: ueruntamen longa uigilia, cibo cōcocto digerit, exiccat, incalfacit, paucis uniuersum corpus insigniter biliōsum reddit. Id satis recte Hippocrates reddidit, duntaxat in somno obliquum; ut mihi apparet, sermonem scripsit, ubi inquit, Corpus dissoluit &c. nam contra magis decorē dixisset, excoctionem facit, corpus dissoluit, & capitis grauitatē parit: quippe ut uigilia solito prolixior cruditatem, ita somnus solito longior excoctionem facit. Videtur & hic Galenus, nescio quid alienum per excoctionem intelligere, quum certum sit, quod ipse Hippocrates per excoctionem nihil aliud quàm cruditatis contrarium, hoc est, superfluam alimenti concoctionem cogitat: non enim poterit immodica uigilia concoctionem impedire, & longior somnus mediocritatem concoctionis tenere. Ex eo autem quod somnus superfluam excoctionem molitur, fere fit ut corpus exoluatur, & flaccēscat: non quidem ut Galenus putat, quia corpus excrementis replet, sed potius, quia calor naturalis longioris somni spatio, ubi alimentum percoxit, ipsum sanguinem, & præcipue spiritum in interioribus dissoluit, in quo uirtus nostra consistit. Scio quod Galenus in hoc loco per somnum, spiritum, & reliqua effluuia cohibet, & e contrario de ipsa uigilia asseuerat, uerum hic ipse Galenus de externo effluuiō loquitur, quod in corporis habitu sedet, aut spargitur: ita & somnus omnem excretionem uulgo retinet, & tamen sudorem mouet: quippe corporum dispositiones oportet distinguere, quippe quæ ueterum humorū saburram habent in profundo corporis collectam, aut ex recenti alimento contrariam, hæc facile tempore somni sudore profluunt. Sunt alia quæ nulla insigni copia onerantur, sed duntaxat quotidianum habent in corporis habitu excrementum diffusum, & hæc corpora magis resoluit uigilia: nam uigilia exteriora, somnus uero interiora magis coquit & expurgat, quod tempore uigiliæ in exterioribus, tempore uero somni in interioribus

rioribus calor naturalis magis ualeat. Dixi autem prius simpliciter uigiliam: nam multum exercitium tempore uigiliæ nihilo segnius, quàm somnus ex profundo sudorem fundit, & hæc de somno prolixiore uno die aut altero: nam qui per multum dierum ac noctium spatium durat, successu longioris temporis non solum corpus excrementis, uel interioribus non exonerat, sed magis onerat ac grauatur. Ratio est, quia calor naturalis spatio temporis non minus contabescit citra exercitium, quàm modica flamma citra motum. Idem testatur experientia: nam ut homines à somno breuiori, atque adeo interrupto pandiculantur, oscitant, ita ferè ii, qui longo tēpore longiori somno assueuerunt, sed contrariis ex causis: nam in iis qui breuius dormiunt, natura ex profundo corporis excrementa leuat, non autem dissipat: in iis uerò qui prolixiori somno ex cōsuetudine dediti sunt, natura plura generat, quàm dissipat. Idem aliquando euenit uel unico somno, sed prolixissimo. Quæ ergo excrementa somnus retinet, & quæ rursum excernit, dictum est satis: nam interiora leuat, exteriora retinet, quia uerò nusquam plura colliguntur, quàm in capite, hac de causa nunc potius capitis, quàm aliarum partium meminit, neq; nunc ex nobis rationem quæres, quare mediocris somnus potius excrementa, quàm spiritū & sanguinem dissoluat: ubiq; enim natura operatur pro ratione sui obiecti, idq; à principio, nam tandem ne ab aliis quidē abstinet, sed rursus longo tēpore exoluta noua excrementa ex quotidiano alimento in corpore colligit. Nouissime ergo illud solum nobis dicendum restat, ecquid Galenus hanc excoctionem aut resolutionem calidæ humiditati tribuit: nam ex iis quæ diximus, constat quòd natura longiore somno nō solum calido non excellit, sed multæ frigidi tati obnoxia sit: nunquid ergo ob eam causam hoc solum dixit, quia omnis resolutio à calore fit. Ita & humidam caliditatem nunc per accidens uocauit, quia humiditas caliditati coniuncta existit. Verum in hoc loco parum ad resolutionem condu-

cit

HIPPO

HIPPOCRATIS

DE RATIONE VI-

CTVS IN MOR. ACVTIS,

LIBER III.



QVIBVS autem uinum dulce, uinosumq; & albū, & nigrum, melicratumq;, & aqua, & oxy meli in morbis acutis imperentur, distinguere oportet.

NON semper ueteres in uno & eodem loco totam rerum differentiam perscribunt, satis iis est, quod in sequentiis locis nihil earum omittant. Melior ergo est Galeni in fine commenti excusatio, quam in principio eiusdem accusatio, uel ob eam causam, quod differentie ab odore ualde accidentales existant, & authores non nisi maxime proprias respiciant. forsitan etiam paucis uerbis omnes insinuauit: nam qui dulce uinum distinguit, & reliquas à sapore differentias uidetur cogitare: uinosum uero ad uirtutem pertinet, albū & nigrum nihilo minus quam odorum accidentale existit: uerum uulgarior hæc est definitio, & substantie etiam quodammodo nos admonet, quod nigra uina fere crassa, alba tenuia. De odore ipse dixit, quod non quidem per se, sed per accidens lædit aut offendit, quatenus odora aut in odora diuersam uirtutem aut substantiam indicant: ac fortassis de colore certus est sermo, sed de odore paulo durior: etenim is uel per se afficere apparet non solum priores uentriculos, sed uniuersum caput, nequaquam tamen aut uentriculum, aut hepar, ac reliquas particulas, ut sapor afficit: atque hoc est quod nunc forsitan Galenus respexit. Sed age iuxta enim, nunc omnes uinorum exequamur differentias, non quidem per se, sed ut illorum uirtutem recte teneamus: nam hæc sola est causa, quare earum discrimina petimus. Prima ergo differentia à uirtute sumitur: etenim aliud uinum, melicratum & uinosum, aliud tenue & infirmum, aliud rursum exqui

exquisite medium, aliud rursum parum, sed ad hoc aut illud extremum magis incumbens: ita enim & in aliis omnibus fere media variant: dulce autem cum uinoso neque contrarii neque mediū ullam rationem obtinet, tanto est mirabilius, quod Hippocrates ista coniunxerit, qui in sequentibus contrariorum rationem habuerit. aut certe uinosum (relicta Galeni expositione) aliter audire oporteret, pro eo quod potius multam uini qualitatem, quam dulcedinem exhiberet: est enim quibusdam uinis peculiaris, tamē inexpressibilis sapor: atque hæc alius uiderit, nos interim Galeni expositionem sequuti, uinoso aquosum opponimus, hoc est, firmo infirmum, potenti impotēs: dulcia uero in medio amarorum & fatuorum collocamus, quāuis uel hic difficile sit ipsa extrema contraria dare: neque enim facile dices an fatuum & amarum, an potius fatuum & acidum sint extrema: atqui ego acidum inter media collocare malo, ita astringēs & acerbum acre. Scio quod Galenus aliter facit, sequatur qui uelit, tamen si diligenter respexeris, nullus sapor magis ad medium pertinere apparet, quam dulcis: quoniam ut alibi ab altero extremorum, ad alterum uenire nemo possit nisi per medium, ita pleraque ex ijs quę insipida sunt, prius sunt dulcia quā amara: & e contrario amara prius dulcia, quā insipida: sed hæc logicis relinquimus, ac phisicis, nos ad nostras differentias properamus, quarū tertiā sumitur à substantia: quoniam alia crassa sunt, alia tenuia, alia uariē ad medium pertinentia. Coloris differentię omnibus notę. Ita & odor in uino sua discrimina ostēdit: nā alia uehementer odora, alia ignaua, alia medio modo affecta. Quomodo autem singulę differentię proueniant, nequaquam ad hunc locum pertinet, sed ad libros quinque de medicamentorum facultatibus, ubi unicuique suam facultatem attributam uidebis: idem tamen & his præsertim sparsim fiet locis. Possemus adijcere sextam ex ætate differentiam, sed rectē Galenus eam reiicit, quia per se nihil facit, nisi quatenus colorem, saporem, substantiam mutet. præstat ergo deinceps singulorū ex ipso Hippocrate audire uires.

VINVM dulce uinoso minus caput grauat, minusq; mentē ferit, atq; quā alterū
magis

magis deiectoria quadam pollet in intestinis facultate, sed lienem heparq; tum farcit, picrocholiq; nullo pacto idoneum: nempe & his sitim facit, superiusq; inflat intestinũ, non tamẽ inferiori pro ratione flatus est inimicũ, etsi non admodum penetret, qui à dulci uino est flatus, sed circa hypochondria cunctetur.

FORTE fuisset liberalior sermo, si prius in uniuersũ scripisset Hippocr. quibus morbis uinum in genere competeret, & in quibus rursus officeret. nec est difficile dictum: nam in morbis frigidis plerunq; in calidis autẽ raro, & tamen aliquando, utpote in quibus urget, magis materie cruditas, uiscositas, quàm morbi caliditas. Sic in febribus quartanis, quotidianis, etiam ante concoctionem indulgetur, ita in tertianis illegitimis. Verũ in exquisitis non nisi in augmento utiliter assumitur, multò minus in acutis morbis ante concoctionem permittitur: nam postea utiliter paulatim per urinam quod putridum est, expurgat. Atque hæcenus in genere: nunc audiamus quid in morbis unum quodque potest in specie. Dulce, inquit Hippocrates, minus grauat caput, quàm uinosum. Mirabilis comparatio: nemo enim libenter diceret, aut etiamdum grate audiret, quod uinum rubrum magis offendit quàm crassum, uinosum, dulce, aut inodorum. Sed contraria solemus comparare contrariis. Melius est ergo uinosum nequaquam simpliciter aut dire scilicet potens uinum, sed cum eo quod eximie referat uini saporem: habet enim uinum sibi peculiarem, minimè autem reddit uinum album ac dulce, de quo nunc Hippocrates loqui apparet, ut est conicere ex sequentibus sententiis. Sed neque dulce uinum admodum multum calorem edere solet, quod plerunque dulcedo caliditatem & humiditatem sequitur, atq; adeo hac nunc forsitan ratione ab Hippocrate dictum est, quod uinum dulce minus caput grauat, quàm uinosum, mentemq; minus obscuret, feriat, aut impediat. Solum hoc Galenus cotrouersum fecit, in li-
bro

bro de Facultatibus alimētorum, qui in eodem loco uuas dulces calidas, uinosas uerò in medio caloris & frigoris posuit: nam de uuis eadem uidetur ratio: alterum ergo ē duobus oportet facere, scilicet, aut uinosum paulò aliter hic, quàm illic accipere, aut uinosum nūc aliter, quàm Gale- nus, exponere. Et quidē uinosū uinū illic dicebamus, quod haberet plus uinosē, quàm fumosē substantiā: aut plus substantiā uini, quàm caliditatis. ita est inuenire quēdā acria uina, quę quidem egregiē caput caliditate tentant, sed parum nutriunt, parum uini continent: talia etiam romancia, & quę appellāt uulgò bastardica, eadē uulgus hodie appellat dulcia, sed fortassis erunt qui hęc dulcia appellare nolint, & reuera ad quandam acrimoniam accedere apparent. Saltem minimē nūc hoc modo uina dulcia audire decet, quoniam hęc egregiē caput tentant, mentem ledunt: uinosum uerò fortassis eodem modo audire licebit: non enim caput sola offenditur uini caliditate, sepe etiam illius copioso fumo: maximē tamen offenditur, quando utrunq; uino inest, & caliditas, & multa fumositas: ergo dulce in hoc loco altero duntaxat, uinosum uerò utroque modo caput ferit. Habet uinum dulce & alterum priuilegium, quod præ aliis plerisq; uentrem leuiter citat: nam acida, austera magis astringunt, uinosa autem hactenus medio modo sese habent. Quod autē ita sit, ferē uulgo notū est, dū alba uina, ac propria Rhenana uentrem radere, Gallica uerò putant astringere. & quod rubra quēdam astringant, ex eo est, quia ferē aliquid astringitorium obtinent: dulcia uerò uina semper aliquid humiditatis habent, quę uentrem leuiter diluit: contrario uinosa ferē pro ratione caliditatis siccitatem cōiunctam habent, quę plerūque uentrem retinet. Sequitur deinceps, quod uina dulcia lieneim & hepar magis tumesciant: non decet autem intelligere, quod tumescant, hoc est, inflent: nam statim sum longē prius amittunt, quàm huc ueniunt: sed hoc intelligit, quod ad obstructions idonee sese habeāt: atqui hic quidem facilius euadet, qui Galeni, quàm qui nostram sequitur expositionem, quoniam Galenus omnia uina dulcia crassarū partiū habet: atqui id ego satis demirari nō possū: nā ut nostra Rhenana dulcia quis neget, tamē romancia, & quēdā alia alba & tenuia, & dulcia existunt, imò inter ea quę sunt eiusdē generis plerū

que alba, ut dulciora, ita tenuiora existunt, iam ut asserere possit Galenus omnia uina dulcia crassa, & hac ratione in angustias impingere, nō tamen id duntaxat de dulcibus & crassis, sed in genere de omnib⁹ dulcib⁹ audire oporteret, quādo & ipse dixit in libris de Facultatibus alimentorū, quod ficus, licet subtiliū partiū, sepe obstructions in hepate pariatur nec id solū de ficibus, sed & de omnibus dulcibus æsti madum est, quæ sumuntur immodicē. causam diximus alibi, quia ut amara, acerbā, acidā non solū ori & palato ingrata, uerū & aliis plerisque uisceribus iniucunda, ita dulcia omnibus iisdem accepta, adeo ut ab illis sepe attrahantur immaturē: itaque semper periculum obstructions minantur, quod elaborata, tenuiora, crassiora uerō crudiora. Scio quod uinum totum sit serosum, uerū partes serosas per urinam interim demittit, & crassiores retinet, quæ elaboratæ nullo modo impingere possunt: sed & uina dulcia per se Galeno obstructions potius augent, quā nouas inferunt, & tamen inferunt aliquando, uerū admodū leues. Ob hanc causam uulgus dulcia ueretur in mēse principio, sed neq; admodū cōueniūt in fine, quod os uentris infirmit, & omnino satius mihi apparet ea in prima mensa accipere: nam ne subito rapiantur ad hepar, præsens est remedium, ut frugaliter assumantur ac modicē: nam ut particulæ singulæ dulcia tanquam similia uehementer appetunt, ita amara retinent, donec satiatæ fuerint. Non est autem id peculiare hepatis, ut dulcia appetat, sed ut diximus, uniuerso corpori: uerū quia frequentius lædunt hepar quā alia uiscera, apud uulgum hepatis magis fuere suspecta. quippe quod contingit, uulgus notauit: sed ut alibi, ferē ratio nem nescit: est enim ea sola, ut nunc Galenus describit, in commento, quia primò uenæ hepatis, deinde lienis maiorem patiuntur angustiam, accedit, quod quo magis uina elaborantur, eo magis attenuantur, & quomodo ergo tam frequenter obstruuntur secunda uiscera, quā prima, atq; hoc quidem primum dulcis uini incommodum. Secundū est, quod sitim faciat: atque hic quidem magis experientia patet quā ratio. Galeno satis fuit, quod uinum dulce sua caliditate exiccet, & nos quoq; scimus, quod siccitas prima causa sitis existat: uerū hac ratione uinum uinosum maiorem sitim excitabit: non est enim dulce tantū calidius,

uerum

uerumetiam ficius. & quomodo ergo in plerisq; uinum uinosum sitim mitigat, in quibus dulce excitat? Possem dicere hoc euenire ex eo, quod uinū dulce, licet sit humidius, & uinoso frigidius, tamē diutius in uentriculo (ubi sitis oritur) suspenditur, sed mihi nō sufficit, malo respicere quod hic euenit accidens: est autem id, quod uinum dulce citius in choleram, quā uinum uinosum, uertitur, cuius rationē quicumque sciuerit, alterum facili dabit. Sed neque illam procul oportet inquirere: non enim id peculiare est ipsi uino, sed & lacti commune, ut subito in pycrocholis uertatur in choleram: scio quod uera cholera primum suum principium accipiat in hepate, ueruntamen corruptam ferē ac precipuē uiridem sepe uenterculus inchoat. Causa autem in uino, lacte, & alijs quibusdā dulcibus ferē eadē est, quod dulcia multas partes aëreas & pingues habent, quæ facili in choleram uertuntur, quum & foris oleum facili uertitur in flammam: ac fortē per se aliquid tale debebant pati uina egregie calida, & sicca, sed per accidens aliter euenit: non enim diu hæc in stomacho morantur, sed quia quedam ex ijs tenuiorum partium sunt, & ad hepar festinant, iam uel citra hæc, quæ egregie calida & sicca sunt, non facili in uentriculo peruertuntur, præsertim quando ultra hæc substantiā uinosam habuerint: hæc enim uina neutro modo passibilia existunt, atqui dulcia omnibus affectionibus obnoxia sunt: nam ut in cholericis facili cōuertuntur in choleram, ita in pituitosis facili in flatum, quod & lacti euenire diximus pro diuersitate uentriculorum. Neq; id tantum euenit uino dulci, quod in frigidos ac crassos humores incidit, uerumetiam cui purus uenterculus obtingit: etenim humiditatem habet, quæ à modico calido facili inflatur, & in uentre suspenditur: quod si flatum excitat uini dulcis caliditas ex ipsis frigidis humoribus, multo magis id ipsum eueniet uinosi uinis, utpote magis calidis: fortē hoc & ipsi Galeno suboluit, atq; ob id postea adscripsit, quod flatus ex uino uinoso, utpote tenui, nequaquā crassi sint, ut qui ex dulcibus nati, sed aërei: nam ipse omne uinum dulce crassarum partium habuit, sed frustra: saltem hoc hic quæsiuit, nam tamen si tenuium partium fuerit, ferē eandem inflationem committit. Ne tamen nimis morosi erga Galeni commentationem uideamur, scpius modicē calida, quā multum ferē

ta flatus generant, quod immodicè calida illum dissipant. Sed nō est uerisimile, quod huc Galenus respexerit, multò minus cum proposito conuenit, quod uinum tenue tenues, crassū uerò crassos nāpores edit: opportunius poterat adferre, quod uinosum & calidum flatus leuat & dissipat, dulce uerò duntaxat generat. Rectè autem adiecit Hippocrates, quod nequaquam ubiq; flatum pariat, sed maximè in primo intestino, hoc est, uētriculo: nam in ipso uentriculo flatum tandem omnem deponit: causam ipse asseripit, sed interpres obscurauit, dum in hac sententia, & ea commentiparte, coniunctionem occupantem pro causali, hoc est, quāquam, pro quia exposuit: nam certum est, quod Hippocrates aliter scripsit, ut sic stet sermo, Non tamē pro ratione flatus inimicum est inferiori, quia non faciliè uinum dulce permeat, quod idem est cum eo, quod postea sequitur, sed circa hypochondria, hoc est, in uētriculo moratur: imperfecta quidem ratiocinatio, sed quam faciliè perficere possumus, quod ea quæ diutius in uentriculo moratur, necessariò exquisitè conficiuntur, erudiuntur: itaq; flatum deponunt, nisi admodum crassæ & flatulentæ substantiæ fuerint, quales fabæ, quæ ferè uniuersū corpus inflāt, & pro suo more fungosum reddunt. Quæ autem hæc sit optima ipsius sententiæ commentatio, ex sequenti aphorismo patet: nam eorū quæ ad hūc aphorismū spectant, aut eius commentū, nihil uidetur omissum. Quippe quod Galenus hic inquit, quomodo dulcia promoueāt sputum, nos prosequemur cōmodius in ea, quæ tertia sequitur sententia.

VRINAS siquidem hoc minus, quàm uinum album omnino mouet.

CVR uinum dulce moretur in præcordiis, antea dictū est. accedit & alia causa, quod sit frigidius; nā frigida omnia tardè ex uentriculo meant, calida uerò plerūq; intro rapiuntur. Est autem huius rei & hoc signum manifestum, quod ægrius ipsam urinam quàm uinosum moueat, nec dubium est, quin hic de albo simul & dolci loquatur: non est enim uerisimile, quod dulce & nigrum cum albo & uinoso comparat, ergo talis erit sermo, Inter uina alba dulce minus mouet urinas, quàm uinosum: causa est manifesta, quia uinum dulce minus calidum, sæpe etiam crassiorum partium

partium: ferè idem & uulgo notum est: adeo ego Galenum demiror, qui in hoc loco, nescio quid indignatur, quasi nulum album uinum calidum esse possit: nam ipse credo, uulgo suum modum loquendi condonabit, qui interim fulua uina, aut flaua alba appellat: atq; hæc ferè uinosa existunt: iam nemo inficias ire poterit, quin inter Rhenana atque adeo omnia uina alba, alterum altero uinosius erit. & quomodo ergo detrectare poterit, quin album uinosum magis quàm dulce in suo genere urinam citet ac profundat? mirum quorsum doctissimos homines aliquando rapiat negligentia, laborum perplexitas, aut negotiorum multitudo. Vide precor, quid Galenus ipse adferat: putat tandem Hippocratem in hoc loco comparare dulce ac nigrum, cum uino albo, & subaustero: nã nigrum, licet uinosius, nihilo magis citat urinam ipso dicente, quàm album, præsertim subaustum, quia nigra semper crassa. Nam duo sunt, quæ uinum in uentre morantur, frigiditas, & substantiæ crassitas. Sed quid iis rebus precor faciet? nã ut ex iis obtineat, quod uinum album modicè austorū magis mouet urinam, quàm simpliciter austerū, aut nigrum: & quod austera maxime fluctionibus uentris sunt idonea, ita parum obtinebit, quod nunc per album uinosum subaustum intelligat, aut quod id ipsum ad nigrum & dulce comparet: nam simplicior & liberalior erit sermo, si quidem audiamus inter alba uina comparari tenuius, & aquosius uinoso.

SPVTVM autem, quàm aliud efficacius educit quod dulce est.

D. VBI T. A. T. Galenus, an dulce comparet duntaxat cum uinoso albo, an cum quouis alio: deinceps autè & de eo ambigit, an per album uinosum intelligat uinum acerbum, potens in calfaciendo, an potius moderatè austerum: mirabilis profectò dubitatio: quum austera uina, & magis acerba parū uideantur uinosa: quod si alba uina respectu fuluorū parū sint calida, tamē inter se alia dilutiora, alia uinofiora. Et mihi quidem uidetur, quod Hippocrates hic uinū dulce cōparet ad quoduis aliud, & est liberalis ac uera cōparatio: nã uina inlipida sputis nihil cōferunt, austera uerò atque acerba non solum non conferunt, uerum etiam uehementer obsunt. Idem est de acribus, est tamen ubi acida cō-

ueniunt:

ueniunt: nam & materiam incidunt, & tūsim excitant
 uerūm huiusmodi uina nix unquam ex natura inuenies, dē
 taxat per statem talia euadunt: rectē ergo Hippocrates dē
 xit, quōd dulce, quouis alio sputum magis promittit, causa
 ex eo est, quia quōd sputum promouet, prāter caliditatem
 quādān humiditatem admixtam habere debet. Hoc ipsum
 Galenus & in quinto libro de Facultatibus simplicium scri
 psit, & paulō antē in commento illius sententiæ, uinum
 dulce, &c. repetit: uerūm obscura est ibidem ipsius ratio
 cinatio, quæ quoniam potius ad hanc, quā ad prædi
 ctam pertinebat sententiam, hucusque distulimus: est au
 tem in hac parte dura & spinosa, idque non uno modo.
 Primō dubium est, quid de aquosis humoribus ibidem ue
 rit quum dicit, quōd aquosi & tennes humores aërem, qui
 extrā mittitur, circūfluunt: & mihi quidem (ut ex alijs locis
 colligo) hoc solum apparet dicere, quōd aquosi humores
 agrē per tūsim expuantur, quia aërem tenue sputum sua
 tenuitate prius præterfluit, aut præterlabitur, quā effertur.
 Sed neque crassum quoduis sputum per ipsum aërem, aut
 spiritū efferri potest, sed prius ipsum mediocriter attenua
 ri debet. atque hac quidem ratione Galenus ab ijs medi
 camentis, quæ sputum prouocant, quandam humiditatem po
 stulat, quæ crassitudinem aliqua ex parte diluāt. Et nos qui
 dem scimus, quōd lutum & alia huiusmodi crassa perfula a
 qua nonnihil attenuantur: scimus etiam quōd medicamenta
 pectoralia plerūq; quadam leui humiditate sunt prædita:
 sic glycyrrisa, sic zynziber, & eiusmodi alia. Verūm quōd ea
 sua humiditate crassa diluant, nondum bene accipio: non
 est enim ea humiditas actu, sed magis potentia. Cur ergo
 medicamenta pectoralia magis, quā ea quæ prouocāt urī
 nam, humiditate quadam debent esse permixta, nondū cla
 re constat: sed ego eam solam puto esse causam, quōd mul
 ti sint anfractus in pectore, aut bronchijs ipsius, unde spu
 tum, nel duntaxat mediocriter crassum agrē effertur, nisi
 leniter abstergetur. Verūm quæ in renibus sunt, utero, uesi
 ca, potius prouocatione, quā abstersione indigēt. Cur er
 go uesicæ sicca, pectori uerō humidiora paululum medica
 menta conueniunt, dictum est utcumque: quōd si materia
 non tantum crassa, sed & uiscosa fuerit, ne hæc quidem hu
 mida sufficiunt, sed acida quæ amplius extenuant & abster
 gunt

gunt, requiruntur. Est autem & hic quæstio, ecquid potius acida quam acria: nunquid & id est ob eā causam, quia acida frigida? Sed hæc amplius in quinto de Facultatibus simplicium perquiremus, nūc nobis satis est, quod uinū dulce ob eā causam cæteris uinis ad tussim magis expediat, quod calidum & humidum existat. Quod autem Galenus ipsius causam non nisi per nubem quandam ac caliginem intellexerit, ex iis patet, quæ paulo antè scripsit, & quæ mox sequuntur, ubi adiicit, Vinū dulce in morbo acuto ad excretionem idoneū existit, tū propter dictas ipsius actiones, tū communē omnium uinorū, quæ uires corroborant, rationem: nam si prior suffecerat, parum erat necessarium secundam adicere: uerū ita solemus facere, quando prior nō satisfacit: atqui multo minus priorem perficere poterit: nā hac ratione nō solum uinum, sed & aliud quoduis alimentum sputum promouebit, utpote quod naturam corroborat, sine cuius firmitate nihil euacuari potest. Non parum autem obscurauit hunc sermonem uel sequenti appendice, ubi dixit, Et maximè iis, qui quæuis humida expuunt. Nam hac ratione excreationem humidorum & siccorum distinguere apparet. Neque negare possumus, quin aliquando tussis sicca, aliquando humida, & rursus quod excrementum in pectore sæpe pituitosum, aliquando siccum, melancholicum, uel biliosum, sed ad quod nunc ista propositum? Credo per humida intelligit non quidem summè crassa, sed mediocriter humida, & attenuata: nā uinum dulce ad sputum mediocriter crassum quidem satis confert: ad id uerò quod admodum crassum est, parum conducit. Forsitan etiam nunc humidorum in genere meminit, ut postea magis idoneè differentiarum humidorum admoneret: ita enim scriptores priori sermone aliquando aliquid adiiciunt, ut sequens sermo ex eo liberalius sequatur, aut cum eo maiorem societatem obtineat. Atqui certissimum est, quod in hoc loco particula hæc, tota, duriter sit adiecta. Ac nunc quidem tota difficultas in hac sententia eruta uidetur, & reuera non est: nam superest inquirere, quando uinum dulce sputum facilius reddat, an quando obiter per gulam transeat, an posteaquam concoctum in hepate & uentriculo ad pectus peruenit: atque id quidem mihi uerisimilius: nam nunquam alimentum tota

tam suam naturam amittit, nisi interim uitiatum fuerit: ita alimentum ex mino dulci quandā dulcedinem pectori affundit, nisi interim in bilem corruptam euaserit. & tamen negare non possumus, quin & obiter, dum per gulam transit aliquid, eius transfluens aut transsudans in asperam arteriam pectus bene afficere possit, quum & acetū affatim sumptum, aliquando subito tussim excitet: nam si inter deglutendum quædam possint offendere, consequens omnino est, ut iis contraria possint utrumque inuare: ergo quicquid ad hanc rem pertinet, uidetur dixisse satis. Proinde tempus est, ut rursus redeamus ad propositū præsentis sententiæ commentum, in quo Galenus quasi omnia Hippocratis obscuritate, seorsum inquirat, quæ uina primo, secundo, ac tertio loco ad excreationem compendium faciant. res proculdubio imitatione digna: nam quotiescūq; locus admodum obscurus fuerit, & de mente scriptoris potius diuinandum, quàm coniectandum, stultū est sese multa inquisitione fatigare: satius est & frugalius (quasi autore dissimulato) ipsam rem uel ratione, uel experientia, uel ex aliis autoribus inquirere: multa enim à scriptoribus ipsis aliquando negliguntur, subinde ab his qui transcribunt, adeo uitiantur, ut nunquam possis dirigere. Est autem summa sermonis Galeni ista, Vinum dulce mediocriter crassum ad sputum primo loco est optimum, malum est fuluum, in quo exoluta est crassities & dulcedo, hoc est, tenue & acre: nam ut uina per ætatem magis fulua fiunt, ita paulatim crassities & dulcedinem suam deponunt: & quidem quod fulua, hoc est, potenter calida, & acria sputo obsint, ex eo est, quia caliditas multa facit sputum magis uiscosum. exemplum aliquando præbet febris ardens, in qua interim sputū adeo procedit uiscosum, ut medicus inexpertus, & ex uulgaribus aliquis sæpe putet febrem pituitosam: ergo dulce ad prouocationem sputi maius habet compendium. Verum cur crassum tenui præferat, ego coniectari non possum: nam crassitudo sputum retinet magis, quàm mouet. Nunquid crassum potius actu, quàm potentia cogitet, profecto ipse uiderit. recte autem tandem adiecit, quod uinum aquosum atque adeo album, secundo loco sputum prouocet: nam & id quodammodo dulce existit, & de eo ac fere solo ego puto scriptas priores Hippocratis sententias.

ET sanè quibus epotum sitim facit, his minus quàm uinum aliud educit: quibus uerò siticulosum non est, magis alio educit.

ANTEA dictum est, quòd uinum dulce, quemadmodum ipsum lac, sepe in uentriculo bilioso biscescat, atque hoc unum tantum abest, ut sputum facile reddat, ut omnino ipsum segnius faciat: primò quòd nihil ipsius, aut parũ ad pectus perueniat: secundò quòd si quid eò euadat, prius quàm eò perferatur, ferè humiditatem suam amittit, atq; siccum & adustum sputum pertinacius facit: omitto quòd uinum humorum febrem auget, quæ multò magis sputũ moratur: facile autem est ex hoc loco colligere, quòd uinum dulce tussim potius mitigat, posteaquam fuerit cõcoctum, quàm quando obiter per gulam descēdit ad uentriculum.

VINVM autem album uinosum, laudatum quidem & uituperatum plurima ex parte, & maximè iam in uini dulcis enarratione. Ad uesicam autem uino alio magis penetrat, urinasq; prouocat, & perpetuò purgat, atque multa ad opem ferendam his morbis facit: nempe etsi uino alio ad cætera inhabilius existat, ueruntamen quæ in uesica sit ab ipso purgatio, liberat, si propinetur quale oportet. Bonæ hæc coniecturæ sunt de uino, tum profectus, tum detrimenti, quas seniores me non didicerunt.

DULCE uinum ferè ubiq; comparauit enim albo uino: est autem ea differentia, quòd uinum dulce uentrem & pectus, uinosum uerò felicius expurgat uesicam & renes: causa est manifesta, quia urina eget prouocantibus: pectus uerò & uenter abstergentibus. Itaque uinosum uinum præcipuè cõuenit affectibus in renibus & uesica. adiicit, Si quidem propinetur quale oportet. Quid autem per hanc ad-

iectionem uelit, neq; Galenus scripsit, neq; ego satis scio, nunquid tenuè intelligat. Credo quòd respiciat ipsum assu mendi tempus: non enim quolibet tempore uinum album uinosum bibere conuenit, sed more eorum medicamento rum, quæ prouocant urinam, sudorem summo mane, atque id tantum.

FVLVO autem uino, & nigro austero in his morbis ad hæc uteris, si neque capitis grauitas fuerit, neque mentis concussio, neque sputo uia cohibeatur, neq; teneatur urina: deiectiones uerò & humentiores, & ramentosiores fuerint: in his enim ex albo maxime migrandum, atq; ijs quæ huic uirtuti similia existunt.

PLVS uerborum, quàm sententia postulat: breuiter enim dici poterat, quod in morbis acutis ubi fluxus uentris imminet, potius fuluum & nigrum conuenit, quodammodo austrum, quàm album. Duplex huius rei causa est: altera quòd flauum, fuluum, nigrum, per se sit calidius & siccius: econtrario album uinum non solum minus calidum, uerum etiam magis humidum: igitur duobus modis uinum fuluum, nigrum magis stringit uentrem, quàm album: nam calida & frigida cogunt, sola tepida exoluunt. Iam nequaquam simpliciter de fuluo aut nigro uino loquitur, sed simul modo dice austro: quanquàm ne illa quidem appendice admodum opus erat: quoniam ut alba plerumq; dulcia, ita nigra, rubra ferè aliquid habent austeritatis. Neque ista tantum discriminat Hippocrates, quippe uel uulgo cognitum est, quod alba uentrem magis diluunt, quàm rubra: sed hoc perpedit, quod hæc ferè albis calidiora: proinde parum conueniunt, ubi febris suo æstu hominem urit, aut secus caput oblesioni paratum existit, atque hæc quidem sententiæ Hippocratis satisfacere possunt. Verum Galenus in commento rursus nouam nobis difficultatem facit, qui in principio commenti quadam uirtute, omne uinum dulce nigrum habet, ac paulò post fuluum similiter: ac nigrum diuidit in dulce, austum

austerum & medium. quis non uidet manifestam controuersiam: profectio nisi ego ipse cecutio, maxima est: at qui ego hic cecutiam, donec alius controuersiam diremerit.

QVOD autē superiora quidem omnia, uesciamq; minus offendet, si dilutius fuerit: intestina uerò magis iuuabit, si mercacius fuerit, neminem latere debet.

LOQVITVR de uino fuluo & nigro, austero, atq; adeo meraco, qualia plerunque in regionibus nascuntur calidis: nam regiones frigidae uix aquosum reddunt: & qui dem natura illorum antea dicta: calida enim sunt, neq; astringentis expertia, quocirca caput duobus modis offendunt, & quia calent, & amplius, quia ferè in uentre cunctantur. hisdem modis & pectus: nam affectus pectorales laxari postulant, neq; calida admodum tolerant, sed & urinam morari cogit. Itaque in iis affectibus, si quando aquosioris uini est inopia, talia uina lymphare oportet: nam & calorem tollit, & nimiam astringentem repræhendit. Verum intestinis lubricis, ac molliter sese habentibus, meracius conuenit, non solum ob eam causam, quia magis astringit, uerum etiam quia aquosum flatibus sæpe uentrem distendit: atq; hæcenus de uini affectibus satis, adeo ut ego demiror Galenum aliquid desiderare de uino albo aquoso: nam rectè idem colligit, quòd nullius alterius magis in hoc loco, quàm illius mentionem facere debuit, utpote quod ferè solum in acutis conuenit. Nescio igitur quare in hac doctrina omisum queritur: nam ego eius historiam in uino dulci audiui, quòd album uinosum nulli alteri oppositum existit.

MELICRATVM, id est, mulsæ per totum morbum in acutis epota, prorsus quidem tum picrocholis, tum ijs quibus tumefacta sunt uiscera, minus, quòd non huiusmodi est idonea.

ERRANT qui oxymeli cum mulsæ aut melicrato idè putant: nam melicratum duntaxat ex melle & aqua est compositum, aut mistum: ita enim hic crassum interpretor. non
refert

refert autem an mulsam dixeris, an mulsū: uerūm ab aqua malsa, aut hydromelite differt concoctione, atque ea tantū: quippe hydromeli coctum atque maiore melle saturatum, & tamen aliquando idem mulsū appellatur, in quo communiter una pars mellis, octo partes aque accipit: sed decoquitur, donec omnino mel suam spumam abiecerit. Quidam amplius quartam aquæ partem, quidam tertiā excoquunt, atque hæc est simplicissima mellicrati comparatio: quidā ipsi aromata incoquunt, zaccharum, cassiam, cinnamomum, piper, & eius generis alia: atq; hæc eadem sunt cum his quæ uocant uulgo hippocratica. neq; satis scio, unde hoc nomen sibi usurpant: possum cōiicere tamen, quod hippocraticum pro mellicrato dictum sit: una est differentia, quod recētiōres zaccharo, ueteres melle utebantur eius loco, uel quia zaccharum illis erat incognitum, uel quia apud illos illius copia erat illiberalior, uel quod est uerisimilius, quia zacchari uis multo ignauior quā mellis. magno argumento, quod uel hodie ea quæ zaccharum accipiunt, citius putrescunt, quā quæ mel habent admistum: & quidem quondam uis utebantur. mane ad uentriculi hepatis corroboratōnem, nunc uerō à cœna ad ganeas & luxuriā. Sed ad aquam mulsam redeo, quæ quidem per se calida est & humida, & nisi diligenter fuerit excocta, flatulenta, cholerici non conuenit, quia similiter cum uino dulci in bilem uertitur. atq; huius quidem causam Galenus ubiq; uidetur querere, & nunc eius moram, nūc illius caliditatem accusare. Præcipua autem causa est, quod dulcia partes pingues habent, quæ in calido uentriculo facillē mutantur in chole ram, eodem modo, quo pingue externum in stridentem flammam. Libenter tamen concedam, quod omnibus dulcibus ne bilecant, maius periculum imminet in uentriculo, quā posterioribus uisceribus: nam semel in bonum succum demutata passionibus minus sunt obnoxia. Quod autem diutius cunctentur in uentriculo, Galenus in causa putat esse partiū crassitudinē: ego magis in causa puto, quia dulcia sunt: nā ut hæc auidiſsimē attrahūtur à uisceribus, ita auarissimē retinētur: accedit quod flatulēta ferē sunt, ac ne hoc quidē illa minimū remoratur. Cur ergo cholerici mulsū obſit, dictū est satis: cur uerō obſit quibus inturgescunt uiscera, & hoc quoq; partim antē in uini dulcis enarratio-

ne est

ne est disceptatū, non quidē ut Galenus apparet cōiectari, quia dum hic impingūt, bilefcunt: uerū ob eā causā magis, quia mullum ipsā obstructionem auget, quando precociter & crudum attrahitur, ac fortē per se obstructionem leniorem facere potest, minus tamen quā uinum dulce, quōd ratione mellis maiorem facultatem abstergerendi obtineat. Ergo in solis temperatis, aut certē frigidis corporibus conuenit, maximē tamen in acutis, atq; iis qui quarto, quinto, uel septimo relinquunt: nam qui diutius durant, aut cremorem ptisanæ, aut ipsā ptisanam postulant: habet tamē hoc priuilegii mullum, quōd ptisana in his expectet concoctionem, mullum uerō per totum ferē conuenit morbi decursum.

PORRO & siticulosa minus quā uinū dulce, nēpe & pulmonem mollit, & sputū mediocriter educit, & tusses mitigat: habet enim aliquid deterforij, quōd plusquam mediocriter viscosum facit sputum.

NON memini (quamuis eius ipse nunc admonet) ubi Galenus antea ostēdit mullum quā uinum dulce minus siticulosum esse: uerū nec ea causā quam ipse nunc subtexit, admodum mihi placet, ubi affert, quōd mullum minus moretur in uentriculo, quā uinum dulce: nam principalis mihi causā apparet, quōd mullum partes pingues pauciores habet: dulce autem uinum plures. Neq; rursus hoc est difficile ex prioribus colligere: nam si dulcia ob eam causam sitim faciant, quia in cholera uertuntur, atque iterum in cholera uertuntur, quæ sunt pinguiuscula, uecessum est ut ea quoque sunt magis siticulosa, quæ ad cholera sunt magis idonea. Habet autē ad hoc se minus opportunē mullum quā uinum, quōd mullæ partes plurimæ aquæ sunt, una tantum mellis: neq; mullum hac tantum ratione uino dulci nobilius, uerum etiam quōd ad affectus pectoris, etiā acutos, multo efficacius, & iucundius: nam & pectus eximie lenit, & præterea tusses mitigat, ferē autē tusses tribus exasperantur rationibus: materiæ multitudine, eius mordacitate, maximē autem ipso motu: nam mota materia semper molestior quæta. Itaque ut pruritus, ita tusses maximē laceffunt

laccassunt noctu & vesperi: nam vt materia maxime moueri incipit initio veris & autumnii, ita similiter mane & vesperi, & quidem inter medicamenta iuuenes acetum & similia, quæ sua acrimonia aut aciditate pectus vellicant, ac tussim mouent: quæ autem eius motum sedant, uariât, quædam materiæ multitudinem tollunt, quædam eius acrimoniam obtundunt, aut ipsius crassitudinem incidunt, tenacitatem abstergunt, ac ferè omnibus his modis aqua mulsa tusses mitigat: adeo ego miror Hippocratem, qui nunc contra per mulsam tenacius reddi sputum scribit. Conatur illi patrocinari Galenus, per iniuriam uerbi, facit: non enim intelligit, quod mellicratum sua ni absterforia sputum reddit crudius, uiscosius: sed hoc putat, Hippocratem dütaxat conueniri eius imbecillitatem: ac reuera, imbecillior est, quàm quæ sputum admodum crassum potest tollere. Sed uel condonata uerbi iniuria, nullo modo hæc sententia, licet uerissima, cum reliquis, hoc est, priori parte conuenit. quomodo enim id sedet, tusses mitigat, quia imbecillior est, quàm ut sputum crassum abstergat? uereor profectò ne Hippocrates si uiueret, talè expositionè nollat: nã alia obuia magis propior & liberalior erit, si per uerbum *αἰσὰ γλῆς χρεαίταιν*, nos audiamus lubricum fieri: utrumque enim hoc uerbū significat, & lubricum, & uiscosum facere: atqui mellicratum plusquam mediocriter sputum lubricū facere potest. Quod autem sputum eo facilius exit, quo magis lubricum existit, omnibus notum est: ecquid ergo Galeno in mentem uenit ut in prædicto verbo potius uiscosum, quàm lubricum audiret? mirum quorsum aliquando grauissimos uiros rapit laboris perpetuitas. profectò ego sic Hippocratem intellexisse autum oneque enim decet uerbis, ac multo minus auctori iniuriam facere, ubi obuia est expositio.

CIET autem & urinas abunde mulsa, nisi ex uisceribus aliquod prohibuerit.

QUOD aqua mulsa & per uentrem, & per uesicam citius descendit, quàm uinum dulce, antea dictum est. Putat Galenus rationem esse, quod uinum citius mutetur in choleram: ego eius principalè causam arbitror, quia aqua mulsa magis absterforia est, quàm uinum dulce: itaque & per renes ad uesicam descendit, & festinat, nisi, inquit, ex uisceri-

bus aliquid prohibuerit: hoc est, nisi in mezaraicis, aut hepate aliqua obstructio intercesserit: nā ut obstructa hæc uiscera, humorum ex alto regurgitationem prohibent, ita ascensum eorum ex uentriculo impediunt. Timet Galenus, ne occurrens aqua mulsa inflammationibus ab ipsis mutetur in bilem, & fieri potest: est autem & aliud periculum, ne obstructions augeat, præsertim ubi importunè, & præcociter rapitur ad hepar, priusquam fuerit cōcocta: nam, ut antea diximus, non solum uenterculus delectatur dulcibus, sed & alia uiscera festinant ad capiendum id quod dulce est: nullus tamen maximè hoc tribuit hepati, quia hepar, quàm uiscera alia, magis obstructionibus obnoxium non est ergo iste tantum sermo, ut antè, de dulcibus crassarum partium, uerū etiam quodammodo tenuium.

BILIOSA quoque alui deiicit, interdum quidem bona, sed interdum quàm decet redundantiora spumantioraq; quòd biliosis magis, atque his, quibus tumefacta sunt uiscera, contingit.

MEL, & eius ratione mulsum in intestinis multa præclare facit, pituitam in ipsis abstergit, ipsam quoq; fecem sæpe simul deducit, multo promptius ipsam choleram ab intestinis abradit: atque hætenus quidem bono est: uerū aliquando mulso assumpto abundans, spumans, ac bene calida deiectio sequitur, idq; ut Galenus commentatur, quia mulsum in bilem uertitur: atque id quidem promptè euenit in iis, quibus per se natura est admodū biliosa, aut per accidens inflammationibus biliosis affecta: utrobique enim caliditas talis est, quæ mulsum faciliè in bilem demutat, atq; adeo egregiè calidam. Eadem sæpe & spumans est: non enim motus tantum, sed & calor spumam generare potest, non uideo tamen quomodo huiusmodi deiectio, tabem, aut colliquationem significet, quam usur mulsi sequitur. id enim duntaxat illi euenit, quæ per se & ratione febris, talis decedit: nam calorem multum in bili crassum significat, qui hominem colliquare solet, ac ferè diu durat: at quæ mulsum sequitur, temporaria existit. Potest tertio euenire.

talis

ea crudam materiam admodum colluctatur: ferè autem huiusmodi colluctatio, aut turbatio, in corpore fitim facit: nam præterquam quòd medicamentum est calidum, uiolenter etià motus insigniter incalfacit. Facit eadem perturbatio & alia ratione anxietatem: quia ferè plus abstergit boni succi, quàm mali: nam ut alibi diximus, anxietatis causa aut dolor stomachi est, aut multa imbecillitas, quæ faciliè malas purgationes cõsequitur. Eadem purgationes, modo biliosæ fuerint, intestina & sedem exulcerare apparent. ac reuera aliquando exulcerant: nam ægrè humor crudus sequitur, ubiq; moratur, addè quòd cruda bilis multo calidior, quàm concocta existit. Videtis ut huiusmodi deiectiones nequaquam mala ostendunt, sed etiam faciunt. adeo Galenum miror, qui in uerbo habent, nouam expositionem quæsiuit, saltem hoc loco parum necessariã. Quòd autem hæc egrè referri poterint ad bilem, quæ recēs ex melle oritur, est manifestum: nam huiusmodi bilis melius est excerni quàm retineri. Nec tamen laboro, si quis Galeni expositionem seruare uoluerit: nam & bilis in quam mulsam uertitur, hæc omnia mala facere potest: id propter eos dico, quibus durum uidebitur, quòd mulsam quasi medicamentum aliquam uim crude bili adferre poterit, qui facile obmutescent, ubi postea audiuerint, quòd mulsam aliquando egregiè uentrem & uniuersum corpus turbet.

S E D horum auxilia scribentur.

C A P V T huius remediū est, tales deiectiones continere, donec huiusmodi humor cõcoctus fuerit & attenuatus.

Q V I ergo in morbis huiusmodi relictis sorbitionibus, mulsæ potionis alterius uice utetur, is ut multa feliciter consequetur, sic & nequaquam præter animi sententiam succedent multa. Verum quibus danda sit, & quibus non, & quam ob causam, maxime est dictum.

N E Q V A Q V A M passim pro sorbitione ptisanæ aqua mulsæ uti licebit, duntaxat ubi uirtus fortior, nec ullū
h aliud

aliud accidens inturbet: inter reliqua autē impedimenta illud est, si quidem corpus egregie biliosum fuerit, aut per se, aut inflammationibus biliosis circa hepar obnoxium: est aliud quando uenter ex natura admodum lubricus fuerit.

DAMNATVM autem præterea ab hominibus melicratum, quòd bibentes ad ultimum imbecillitatis agat: atque ob id citā adferre mortem est creditum. Vocatum autem id *διὰ τοὺς ἀποκατρεσντας*, id est, qui inedia absumentur: sunt enim qui sola utuntur mulsā, tanquam huiusmodi maxime existat.

QVARE ij, qui sese ipsos interimere uoluerint, potius aqua mulsā quā simplice inedia usi fuerint, duplex potest esse suspicio: altera est, ut paulo facili⁹, licet tardius morerentur: dura enim est omnimoda inedia: potuerint etiam ea uti ad uentris prouocationem: nam licet mulsā plus quā aqua nutriet, certum tamen est, quòd ubi uentrem fatigat, citius quā sola inedia interficiat: certe per se nullam uim interficiendi aut debilitandi habet.

SED hoc non prorsus ita habet.

PRORSVS adiecit, fortè quia per accidens aliquando mortem plusquam inedia accelerat: id ipsum ipse sequenti sententia declarare apparet.

EPOTA autem sola mulsā, quā aqua longe potentior existit, nisi uentrem turbauerit.

REFORMIDAT Galenus admittere quòd aqua nutriet, sed ob eam causā commentatur, aquam uitam protrahere, quia humectat. Et nos quoque scimus, quòd sic citas sit præcipua mortalitatis nostræ causa, quā aqua nō nihil remoratur ac medicatur. uerū nequaquam ego ue-rebor dicere, quòd aqua utrunque nutriet: non enim simplex elementum nūc est, sed aliis quibusdam fermentatū: deinde ut simplex elementum per se nutrire non potest
diu,

diu, ita in se aliquam partem nutrimenti obtinet, quatenus unum ex quatuor elementis existit: quippe & aër ipse nutrit. Hoc ergo tantum dabo phisicis, quod unum elementum perpetuò, aut admodum diu, corpus nutrire nequit, ut pote quod ex quatuor elementis consistit.

CAETERVM uino albo tenui, paucifero & inodoro quodammodo fortior est, & quodammodo infirmior.

IN tribus consistit corpus nostrum, aut eiusdem robur: in spiritu hic promptè nutritur: aëre liquida facile commutantur in sanguinem, eumq; tenuè: quocirca saepe multa illorum pars diffatur, priusquam in solida commutentur. Hæc maxime nutrit sanguis, qui ex crassis & solidis profiscitur edulis: rectè ergo odorum uinum accipit: non enim minimum ad nutritionem compendium facit: at saepe elegantius quàm mullum nutrit. Verùm eodem inodoro, quodammodo minus, quodammodo plus nutrit. Potes hoc bifariam intelligere. Primo ut pauca sit differentia: nam ita solemus de his loqui, quorum differentia sensum subterfugiunt, melius autem est accipere commentationem Galeni, ut sic dicamus, Mulla per se magis nutrit, quàm huiusmodi uinum, minus autem aliquando per accidens, ut quando uentrem exercet.

VINI autem, mellisq; meracitas si robur utriusque contemplatus fueris, in signe recipit discrimen: nam si duplam uini meri mēsuram ad mellis detinctum quis biberit, à solo nimirum melle ualidior longe reddetur, nisi uentrem turbauerit: nempe multò plus stercoreis deijciatur.

QUOD duæ partes mellis plus nutriant, quàm quatuor partes uini, primum docebit ipsa experientia: potes id ipsum antea ratione cōsequi: quia duæ partes mellis plus demittunt stercoreis, quàm quatuor uini: nec est mala aut in idonea sequela: quia quæ plus nutriunt, ferè etiam plus ex-

crementi ostendunt, exempli causa, panis multum, aqua uero nullum: ita & deinceps de plerisq; aliis.

MVLSA tamen post ptisanæ sorbitionem epota ualde replet, inflatque, & hypochondriorum uisceribus est inutilis. At si ante sorbitiones bibatur, non ut superpota lædit, sed iuuat quippiam.

GENERALE edictum est, ut quæ facile corrumpuntur, maxime autem ea quæ uentrem mouent, in prima mensa sumatur: quod si euidenter id faciant, satius est ut hæc alii quot horis præuertant: sic prima longo tempore, saltem duabus horis ante cibum exhibet Galenus, oxymeli quoque postea Hippocrates: nam cibo in uentriculo nulla conuenit uexatio; ergo & mulsam, sorbitionem ptisanæ oportet præuerrere: nam præter reliqua mala posterius assumpta uentrem inflat: quippe os uentriculi sua humiditate laxat, & sua leniore caliditate reliquos cibos partim in flatum mutat, quamuis ex se satis flatulenta existat, nisi subito descendat.

COCTA autem mulla aspectu quidè quàm cruda, longè est pulchrior: splendida siquidem, & tenuis, & alba, & pellucida existit. Sed qua ab ea euariet uirtute, dicere nō possum: neque enim est suauior, si mel bonum fuerit, imbecillior tamen quàm cruda, & minus stercoris habens, quorum neutro ut auxilietur, mulla opus habet: cocta tamen probissimè utendum, si mel prauum fuerit, impurum, nigrum, & mali odoris.

FRVSTRA ergo hydromeli, aut aquam mulsam nitimur admodum distinguere à mulso, aut melicrato: tantum elixatione differunt: quippe uirtutem ferè habent eandem. Cocta, inquit, mulla candidior, sed cruda potentior

& gra

& gratior, est enim dulcior: quippe mel per decoctionem nonnihil suarum tenuium partium amittit, quæ non solum dulcedinem fundunt, uerum etiam uentrem radunt. Itaque hætenus cocta per se insuauior & ignauior, atque in utroque ab aqua mulsæ mulsam uincitur. Hoc est quod dixit Hippocrates, Quorum neutro ut auxilietur, opus habet. plus enim est superstitionis in uerbis, quam difficultatis in sententia. Vnicum habet priuilegium, quod cocta minus est flatulenta: non enim decoctio duntaxat acriores, uerum etiam aquosiores partes tollit. Est etiam paulò securior, ubi mel fuerit aliqua ratione suspectum: nam in aqua, lacte, & multis aliis, nedum melle multa uitia elixatio repræhendit, dum tenuiores superfluitates, in quibus putredo consistere solet, consumit. Vt autem suspecta hæc omnia, decoctione purgantur, ita licet refragetur Auicenna, mea quidem opinione, optima magis uitiantur.

DE OXYMELITE.

OXYMELI, appellatum epotum, sæpius quidem in his morbis commoditatem habere reperies: nam sputum educit, & facilem reddit spirationem.

MIROR quod Galenus tam multa uerba fuderit in explicatione illius uerbi, appellatum: malo ego eius differentiam ostendere. aliter enim quondam Hippocrates, aliter nunc uulgi utitur oxymelite: nam Hippocrates uice potionis utebatur, nunc autem in formam syropi reducitur, ac quasi multorum aliorum syroporum materiam excipit: ac de eo quidem loquemur in eo loco, ubi ex proposito de medicamentis tractabimus. Nunc autem iuxta Hippocratem de eo disputabimus, quod in formam potionis redigitur, neque ab aqua mulsæ in alio differt, quam quod acetum accipit, & quidem in oxymelite, quod ad crassitudinem syroporum excoquitur: quatuor partibus aquæ duas partes aceti, & unam partem mellis incoquunt, sed non est statuta comparatio: nam si plus minus uinum lymphamus pro diuersitate palatorum & affectuum, magis id erit faciendum in ipso oxymelite, quod est magis medicamentosum: utro-

uis etiam modo uti uolueris, & palati sui unusquisque facile rationem dabit. Verum pro diuersitate affectuum nemo aceti quantitatem mutare poterit, nisi qui & affectuum conditione, & aceti uirtute nouerit: at neq; id omnes sciunt: nam quia ex diuersis partibus constitutum est, ab aliis calidum, ab aliis aestimatur frigidum: imò alius appellat ipsum acre, alius acidum, adeo ex diuersitate opinionum eius permissionem colligas: neque enim simpliciter acre ut sinapi, neque rursus acidum ut omphacium: sed ex pluribus acidis, quam acribus partibus compositum. Nam propius accedit ad saporem omphacii, aut agreste, quam synapii: nec ex iis tantum est compositum, sed ex aliis partibus quibusdam ignauis: facile hoc longa aceti decoctio ostendit: nam diutius percoctum, aut totam, aut maiorem suam uim acidam & acrem amittit: & quidem acrem, ut apparet prius, quod in subtilioribus eius uis consistat partibus, scilicet ut cinis in lixiuio primo sic derelinquit suam acrimoniam, ut secundum fiat magis ignauum. atque hactenus cineris & aceti temperaturæ conueniunt. Differunt autem in eo, quod cineres nulla aciditate participant: atque hæc de primis aceti qualitatibus. Secunda eius uirtus duplex, incidit acrimonia, idem facit & sua aciditate: uerum acrimonia expurgat, aciditate sua purum corpus astringit & contrahit, corpora tamen neruosa egregie mordet, uellicat, & magis tamen pectus, quam uentriculum, quod pectus magis membranosum, & ab aliis humoribus, qui uim aceti possint obtundere, purum. Itaq; oxymeli non sine ratione non nihil tussim prouocat, præsertim crudum: nam cōcoctum mitius euadit, sed de iis omnibus paulò liberius in nostris problematibus, & de simplicium medicamentorum facultatibus. Nunc quidem ex iis facile est colligere, quod oxymeli multis modis sputum promoueat, quippe abstergit, incidit, & ut cholera intestina, ita acetum pectus ad expulsionem excitat & inuitat. Non potest autem sputum efferre, & anhelitum difficilem relinquere: nam materiæ tenacitas est quæ spiritum impedit.

TEMPORA uerò hæc habet.

OPPORTUNITATES melius reddidisset interpretes. sententia enim est, quod in hisce locis, quæ sequuntur, quis commodè atq; opportunò eò uti poterit.

QVOD

QUOD ualde acre existit, nihil medio-
criter in his quæ non facile educuntur, spu-
tis efficiet: nam si quæ intus exasperant, edu-
ceret, lubricitatem induceret, & ueluti si
guttur extenderet, pulmonem leniret: est
liquidem ipsius mollitorium, quæ si contin-
gerent, magnum adferrent iuuamentum. At
interdum accidit, cum ualde acre fuerit, ut
sputum non educat, sed uiscosum reddat, &
adferat noxam.

VERBORVM figura facit sententiam paulò obli-
quiores & duriores: est autem sententia prioris partis,
quod oxymeli ualde acre semper magnum bonum, aut ma-
gnum malum affert: nec obest quod Galenus alibi dixerit
polychrestia ubique secuta, sed ferè in magnis affectibus
ignaua: non enim oxymeli ualde acre ex iis, sed magis exi-
miis medicamentis est. Itaque more aliorum grauium me-
dicamentorum, aut presidiorum, nusquam mediocritatem
seruat: est ubi crassissimum sputum attenuat, & expurgat:
atque hoc quidem commodum nequaquam unum est, sed
pluribus modis ad Hippocrate commendatum: nam idem
pulmonem, & asperam arteriam lenit, & quodammodo li-
beraliorem facit: non potest enim humor, qui has partes
oblinebat, euacuari, & asperitas aut angustia manere: sed
nequè sputum potest oxymeli efferre, nisi concoctum &
lubricum: tam multa aliquando bona prestat oxymeli, in
affectu ualde pertinace: uerum eundem affectum aliquan-
do pertinaciorem facit. Sed qua ratione Galenus inquirere
apparet potius quam definire, & tandem eius magnam
siccitatem criminatur. Neque diffiteri possum, quin egre-
giè excet, & in corporibus atque humoribus ualde siccis
difficultatem pariat. Verum non uidetur eò Hippocrates
respexisse, & quidem quò respexerit, dicemus postea: nunc
uerò duplicem casum dabimus, ubi oxymeli ualde acre,
magnum adfert detrimentum. Prior est, ubi materia

magis frigida quàm crassa: hæc enim magis postulat incal-
facientia, quàm attenuantia, talis est pituita vitrea. Alter ca-
sus est, ubi materia ualde crassa & cruda, & ad expurgatio-
nem nullo modo idonea: non enim expurgatio per uen-
trem, per nares suam opportunitatem habere debet, & quo-
uis tempore expurgationem à pectore moliri licebit, sed
uel hic qualemcumq; oportet expectare concoctionem, pri-
usquam ad tussim multam naturam uelis prouocare: nam
multa hæc tussis naturam magis fatigat quàm recreat, &
ut forsitan expurget quod est tenuius, ita reliquum reddit
crassius. Quippe & alibi periculosum est tenuius ascribe-
re, & reliquum relinquere: maxime autem periculosum,
ubi natura ualde debilis: nam talis magis quietem ob im-
becillitatem, quàm ullam uexationem postulat, atque oxy-
meli ualde acre potenter mouet, atq; hæcenus euidenter
naturam uexat. Quòd autem uiscosum faciat (quemadmo-
dum dixit Hippocrates) nondum in totum obtinuimus, ac
forsitan in parte obtinuimus: quoniam tenue à crasso sepa-
rat, quod quandocumque euenerit, quod reliquum est, non
solum redditur crassius, uerumetiam aliquando uiscosius.
Accedit nobis, quòd multa tussis, difficultatem anhelitus,
difficultas anhelitus, magnum æstum pectori adferat, quæ
quanta sequitur sputi uiscositas, antea demonstratum. Vi-
dete ergo quàm solerter & ingeniosè ab Hippocrate di-
ctum, quòd oxymeli ualde acre sputum nunc feliciter pro-
moueat, nunc cum multa difficultate retineat.

POTISSIMUM autem ita afficiun-
tur, qui maxime perniciosè habentes, neque
tussire, neque quæ intus continentur, ex-
creare possunt.

DVO sunt ægri, qui periculosè sese habent, & quibus
uirtus admodum infirma, & rursus quos urget morbi ma-
gnitudo: nam nunc sub morbi magnitudine insignem & pe-
riculosam eius comprehendimus cruditatem. potest autem
uterque casus nunc clam apud Hippocratem audiri. Nam
quòd quis non tussiat, aut ægre admodum, aut nihil extus-
siat, duplex est occasio, materię cruditas, & uirium imbecil-
litas: quippe uirtus imbecillis magis cedit quàm expellit, ne-
que

que uirtus fortis materiam crudam eicere sufficit. Iam non semper materia tussim excitat, sed tunc præsertim quando mouetur, siue à capite in asperæ arteriæ medium decidat, aut aliter in pectore concitetur: medium dixi, quia hoc affatim incidit, uerùm per latera paulatim atque hic motus rarius tussim facit. Concitatur autem maxime mane & uesper, nec ullo tēpore homines frequētius tussunt. denique materia quàm diu cruda, segnis est, & naturam magis obstupescit, quàm lacescit: saltem natura rarò illam mouere aggreditur: ii ergo sunt qui omnino ferè non tussunt, aut certe nihil extussunt, atque adeo quibus oxymeli ualde officere potest. Nunc quomodo iis ipsis oxymeli ualde acre sit, nimirum inquiramus: sed præstat primo ipsum audire Galenum: non enim ipse duos casus, quos nunc diximus, cogitat, sed tantum materiæ cruditatē spectat. Et quòd acetum quidem, atque adeo oxymeli ualde acre, materiæ melancholicæ sit aduersum, fortè etiam pituitæ magis frigida, quàm crassa, ego lubens dabo: sed nequaquam ego puto illuc respexisse Hippocratem: nam rarò talis materia in morbis acutis abundat: accedit quòd Hippocrates nihil tale postea commemorat, sed duntaxat ipsas uires suspectas habet: & quidem rectè: nam nusquam minus oxymeli conuenit, aut periculosius existit, quàm ubi uires fractæ aut labefactæ existunt, non solum ob eam causam, quia à deploratis omnino abstinendum, uerùm ob eam rem, quia in conualituris, sed admodum impotenter habetibus, potius uiribus quàm materiæ incumbendum. Atqui oxymeli non solum uires iacentes nō corroborat, sed per accidēs egregiè fatigat: tussim enim magnā prouocat, quæ ferè magis quàm quouis alius motus naturam exercet. Igitur oxymelite tantum uti debemus ad extenuationem & incisionem, ubi uires tussim ferre possunt: iam esto quòd uires fortes sint, sed materia admodum cruda, utpote eximiè crassa, ne hic quidem oxymeli ualde acre conueniet: magis enim oberit naturam temere excitando, quàm proderit incidendo. Accedit quòd nihil educet, aut tantum tenue, & aquosum: atqui ne hic quidem paruum malum est: nam & alibi, quando educitur duntaxat subtilius, reliquum efficitur pertinacius. Iam nequaquam debemus alibi expectare concoctionem ante purgationem, & hic contemnere: nam

ubique omnium eadem est ratio: igitur siue natura imbecillius fuerit, siue materia admodum cruda, nulla conuenit uexatio, sed quies & tranquillitas. uerum alterum duntaxat uidetur respexisse Hippocrates, qui deinceps scripsit,

CVM hæc ita habuerint, uires hominis perpende: nam si de eo speraueris, dabis.

A deploratis omnino abstinendum, ne simul cum medico infamentur bona remedia: uerum aliquando uires licet infirmæ, spem meliorem promittunt: atque hic quidem quodammodo dissimulato morbo, uiribus indulgendum, non quod morbum omnino negligemus, sed ab his quæ uires exercent, magis cauebimus. Itaque oxymeli quidem dabimus, sed parum acre, ut concoquat quidē, sed uirtutem minime moueat. Galenus rursus aliò se uertit, & multam assatum concoctionem clam timere apparet. mirabilis religio: nemo enim id unquam timuit. sed & omnino materia cruda citius suffocabit, quam concocta.

CVM autem dare uolueris, perquam tepidum, & paulatim dabis, & non largē.

OXYMELI multis modis redditur mitius: nam quantitatem potes minuere, potes etiā aceti portionem breuiorem facere, idem facit ipsa concoctio: nam antea dictum est, quod ipsa uires aceti diluat, & quodammodo frangat, itaque licet alibi hyeme calidum, æstate frigidum est dandum, hoc tamē casu uel æstate conuenit tepidum: nam frigidum concoctioni aduersatur, idque diuersis ex causis, præcipuam Galenus neglexit. est autem ea, quod tussim pronocat, naturam infirmit, ac forte melius est dare utrumque calidum, quia tepidum uomitum mouet. Verum Galenus rectè sitim cauet, adde quod & ipsum calidum non nihil mordet, & tussim ciet.

QUOD autem parū acre est, os faucesque humectat, sputum educit, & sitim sedat, qua occasione hypochondrio uisceribusque est beneuolum, & mellis inhibet noxas, nempe quod in melle biliosum est, castigat.

OXYM

OXYMELI dilutius in plerisque locis utilius : nam & magis tranquille materiam coquit , & modestius expurgat , accedit quod os & fauces humectet : non enim satis est humorem concoctum esse , uerum & partes per quas purgatio ire debet, decet esse leuissimas . Ita & uentrem quidem humectamus, remollimus, priusquàm ex alto purgationem molimur , eodem modo aspera arteria lenièda, ut excrementum per ipsam ascendat modestius, alacrius. neq; ad hoc multum debemus esse solliciti: nam ex se pleraque medicamenta pectoralia huiusmodi humiditate prædita sunt, atq; in hoc differunt ab iis, quæ ducunt urinam: nam quamuis & hæ partes nervosæ sint, tamē perpetua quadam madent lubricitate , neq; alienam humiditatem postulant: neque hæc sunt tantum commoda oxymelitis dilutionis, accedit etiam quod sitim extinguat : quippe unumquodq; ut est acrius, ita siccius. Hac ratione fortè & antea dictum est, quod aqua mulsa magis sitim extinguit quàm oxymeli. Possem etiam econtrario dicere, quod alibi oxymeli magis sitim mitiget, quàm aqua mulsa: nam sitis diuersas causas sequitur, aliquando caliditatem , aliquando siccitatem : atq; hanc quidem magis sedat oxymeli quàm aqua . Omittò quod per accidens aqua mulsa in multa siccitate sitim accendat, quando in bilem euadit, habet & aliud commodum oxymeli , quod uiscera subinde reserat , quæ aqua mulsa per accideus obturat.

FLATVM præterea discutit , & urinas mouet.

DICERE non possum, an hoc sit priuilegium oxymelitis mitioris, an commune utrique: & quidem mulsa per se ferè flatum suscitatur. necessum ergo est, ut oxymeli ratione aceti flatum distingatur . Verumtamen rursum magis quàm aqua mulsa infrigidatur, ac fortè hac ratione flatum mouet. Sic aqua mulsa frequenter per se obstruit, sed ut antè diximus, oxymeli per se aperit: sed fortassis iterum multum aceti, sua frigidityte & siccitate magis astringit, quippe & uentrem aliquando cogit.

SED partem intestini imam reddit humentiorem, facitq; ramenta.

NON

NON potest oxymel lenire pulmonē, asperā arteriam, & exicare uentrem: ac fortassis inferiorem intestinorum partem magis diluit: quia acētum, quod siccum est, sepe aliqua ex parte uirtutem amisit; priusquam eō peruenit: nihilominus enim concoctio interna, quā externa ipsum diluit. Forsitan Hippocrates humiditatem, quā à uentre ab raditur, respexit: ita enim uentrem humidum appellamus, qui multam humiditatē colligit & excipit: excipit autē maiorem pars inferior quā media, aut superior: nam excrementa à superioribus plerunque deuoluuntur ad inferiora, rarō autē inferiora sua transmittūt ad superiora. Simpliciter ergo aqua mulsā magis deorsum agit, aut uentrē diluit quā oxymeli: & rursū magis dilutum oxymeli quā ad modum meracum: nam acetū ex se magis astringit, uerū econtrario impurum uētre magis mouet oxymeli, quā aqua mulsā: nam aqua mulsā duntaxat obiter intestina lauat, oxymeli uerō ratione aceti altius penetrat. nondum tamen dixerim, an hoc magis faciat oxymeli acre, quā dilutum: nam rursū acetum liberaliter assumptum sua frigidityte & siccitate magis astringit. sed is est sermo qui sequitur.

INTERDVM quoq; & in acutis morbis hoc est inutile & potissimum, quod non flatum modo foras prodire uetet, uerū quoque & reuerti faciat: præterea & maxime uires frangit, & extremas infrigidat partes.

INTESTINA à natura & mucco quodam, & pingui interius strata sunt, ne à duritate fecum, aut aliis humoribus obiter patiātur: nusquam ergo oxymeli promptius ea deradit suo lōgo usu, quā in morbis acutis, quod biliosi, qui iis morbis laborare solent, mundissima ea habeant: nā procacitate sua bilis nunquam diu saburram in uentre tolerat, aliquando etiam fecum muccosa & pingua deradit. atque hæcenus duntaxat exterior illorum facies perstringitur. Verū oxymeli superueniens sæpe in profundum agitur, atq; ipsam intestinorum substantiam carpit, non sine dolore,

dolore : quo fit ut uenter aliquando omnino subsistat, aut certe tardius eat : nam tamen alibi dolor multitudinem aduocet, & excipiat, tamen ubique natura horret, & cauet excrementum ducere per locum dolentem: quippe dolentes particulæ quicquid possunt à se reiciunt: ut proximæ ergo particulæ, aliquando per consensum afflicte, sanguinem & reliquos humores uomunt in locum affectum, ita contrario aliquando locus affectus excrementum quod per illum uenire solebat, à se repellit, atque intestina interdum sursum propellunt. Proinde ut grauior in intestinis ulceratio causa fluxus existit, ita lenior ibidem dolor aliquando ipsum uentrem cogit, & flatus fortè fortuna genitos retinet, aliquando sursum remittit: qui quantum uires frangit, ex dolore colico discere licet: est autem imbecillitas uirium suspecta alibi, maximè tamè in morbis acutis, propter morbi magnitudinem: maximè autem earum impotentiam arguit extremorum frigiditas, quia nusquam nisi in extremis anxietatibus spiritus & sanguis ad interiora recurrunt: quod si id propter magnam caloris naturalis inopiam euenit, iam ferè eger proximus morti existit.

ET hæc sola est quam nouerim, oxymelitis noxa, quæ scribi digna sit.

IM O ne hoc quidè postremum uitium admodum frequens est, sed Hippocrates uidetur potius quæ possunt nocere, quesuisse, quàm quæ frequenter offendunt, disserruisse.

EXIGVVM autem eiusmodi potum, nocte quidem & ieiunio ante sorbitionem dare expedit, quanquam & à sorbitione, modo longum intersit tempus, nihil uetet bibere.

MEDICAMENTA solutiua, non solum uentrem uacuum postulant, sed & uenas mezaraicas, per quas humor ex alto trahitur: ita & medicamentorum quæ sudorè mouent, urinam, menses, hemorrhoides, unica est differentia, quod nec post solutiuum assumptum, quarta, quinta hora, quicquam accipere deceat, sed omne alimentum tantisper differre,

differre, donec medicamentum suo munere functum fuerit. Verum reliqua medicamenta paulò post cibis excipere potest: non enim ipsa quicquam ad uentrem trahunt, sed per se ad superiora festinât. Multò liberius assumuntur reliqua medicamenta, attenuantia, dissecantia: nam hæc quæ una aut altera hora ante cœnam accipere licet, modo sorbitio in prandio fuerit tenuior, & uerilimiliter uentrem reliquerit: nam dum ipsa in uentre moratur, interim medicamentum mezeraiacas, & hepar transmittit. Non tamen simul & sorbitionem, & medicamentum eodem tempore accipere licet: primum quia ut in ciuitate aliqua, ipsorum morum, ita ciborum diuersitas, facit seditionem in uentre: proximior causa est, quia uis medicamentorum à cibo confunditur, aut certe ignauior redditur, ne nunc dicam, quod aliquando medicamentum ipsum cibum uiolat, uel per uentrem subito præcipitat, aliquando etiam præcociter ipsum secum in corpus abducit. Non ergo hæc tantum obseruari debent in assumptione cremoris ptisanæ (quam nunc sorbitionem Galenus appellat) sed & ipsius ptisanæ & cuiusuis alterius cibi.

QVI autem non sorbitionibus, sed potu solo utuntur, his non semper oxymelite uti expedit, maximè quidem propter intestini, uel abrasionem, uel diuexationem: nam cum stercore uiduum & destitutû sit, uacua item uenæ atque sublatæ, à melicrato uinò citius hæc inducuntur.

NON est admodum tutum, perpetuo morbi decursu oxymelite uti, præsertim admodû acri, propter abrasionis, quod antè diximus, periculû: nam antè dictû est, quod oxymeli, ratione aquæ mulsæ, utcumque uentrem detergit: detersum autem oxymeli ratione aceti penetrat: omitto quòd aqua mulsæ uentrem minus moneat, atque uires infirmet.

QVOD si potum hunc & quidem multum per totum morbi tempus profecturum existim

existimaueris, paulum aceti affunde, & tantum ut duntaxat sentiri possit: sic enim quæ lædere solebat, minime lædet: & quæ adiuuare indigent, iuuabit.

E G E N T perpetuo oxymelite siticulosi, & multa cruditate afflicti: proinde iis unicum est remedium, idque solum, ut oxymelite utantur parum acri.

V T autem in summa dicatur; quæ ab aceto est aciditas, picrocholis magis quam melancholicis prodest: amara siquidem soluuntur, desciscuntque; in pituitam, cum ab aceto ipso in sublime attolluntur, & multiplicantur: nigra etenim educit acetum.

A C E T V M pugnat cum cholera, ferè utraque qualitate: conuenit cum melancholia altera, demolitur autem & aliter cholera, utpote quam rarefacit & attenuat. Hoc est quod nunc Hippocrates testioribus uerbis dixit, amara in sublime attollit, dissoluit, & in pituitam traducit. Nam quæ attenuantur & dissoluuntur, quodammodo in sublime attolluntur, dum intumescunt & rarefiunt. Eadem ratione quodammodo ad pituitosum tendunt, utpote, quæ aquosiora, atque adeo frigidiora fiunt: nam sæpe antè dictum est, quod bilis naturalis aut cōcocta, frigidior cruda. Sic & ipsa melancholia fermentatur, hoc est, in altum attollitur, rarefit aut dissoluitur ab aceto. Forsitan fermentum ultra hæc significat quid spumosum: ita enim dicimus, quod uera melancholia in terram effusa, terram fermentat, & in eadem ampullas excitat: nam sua ariditate terram radit, & secum cōmifcet, in qua commixtione ferè spuma & ampulla excitantur, multo magis in corpore, ubi humida inuicem miscentur. Hoc ergo communiter patitur melancholia, cum cholera ab aceto: sed est differentia, quod melancholia ab aceto multipliciter generatur: frigiditate enim sua & sic citate ipsum hepar refrigerat & exiecat, atque ad generandam fecem melancholicam opportunum reddit, quæ deinceps

inceps facild in ueram melancholiam euadit, atque hæc-
 nus quidem sententia nullam difficultatem relinquit. Ve-
 rum nouissima appendix obscuritatem multam habet, ubi
 dicit, Nigra enim educit acetum: nam si quidem id ipsum fa-
 ciat, uehementer in affectibus melancholicis commendan-
 da eius opportunitas, tantum abest, ut uituperari debeat.
 Habet Hippocrates: *αὐγρῶν*, pro quo reliqui interpretes:
 traducunt, gignunt: mallem ego interpretari, sursum ferti
 uerum & hoc nunc quodammodo superfluum, quia antè di-
 ctum. Nec est facilius dicere, ecquid Galenus in commento
 bilē nigra, acidā definit, quā diu corpus malè ualet. fortè
 respexit Hippocrates, quod in morbis melācholicis magis
 superfluit, & reliquis humoribus minus immiscetur, quippe
 id magis euenit tempore sanitatis, ubi omnes humores
 suam proportionem retinent. Sed quid ergo facies, ubi di-
 cit tempore sanitatis hanc choleram magis acidam? non
 enim id asserere potest de naturali melancholia, hoc est, fe-
 ce melācholica: quoniā hæc nulla aciditate prædita est. nū
 quid ergo hoc uult dicere, quod cholera adusta tempore
 sanitatis est magis acida, utpote minus corrupta. Sed rur-
 sum quia aliis humoribus magis miscetur, hinc eius sapor
 eximius nonnihil dissimulatur.

MVLIERIBVS autem longè magis,
 quā uiris acetum aduersatur, nepe uterum
 dolore afficit.

MVLIERES sæpe capiuntur affectibus ex utero, atq;
 his minime acetum conuenit: ratio est pronipta, tum ex Ga-
 leno ipso, tum ratione ipsa, quippe similia pròpte perstrin-
 guntur à similibus: sunt autem uterus & acetum ambo frigi-
 da & sicca: accedit quod frigiditas aceti, nequaquam sim-
 plex, ut aliorum multorum, sed subtilis, neque duntaxat ex-
 teriorem uiscerum phantasiā tentat, sed per omnia clām
 sese insinuat.

DE A Q V A.

A Q V A E quæ in acutis morbis bibi-
 tur, aliud quidem nullum habeo quod con-
 cedam munus: neque enim in peripneumo-
 nicis.

nicis tussim sedat, neq; sputum educit, imò cæteris minus, si quis aquæ potione perpetuò utatur. Verùm si inter oxymeli & mulsam, modicum aquæ bibatur, ob qualitatis potionum transmutationem, sputum educit, nempe intus inundationem parit, aliàs neq; sitim sedat, sed amarescit biliosa, si quidẽ biliosa natura existit. Hypochôdrio præterea mala est, atque etiam pessima, & biliosissima, & uirium maxima labefactatio, ubi in uacuitatem uenerit. adde quòd lienẽ auget, iccurq; ubi plegmone obsidetur, fluctuatq; & innatat: tardẽ siquidem meat, quòd frigida & incoctibilis sit, neque aluum deijcit, neque urinas mouet. Atque ex eo quoque nocua est, quòd stercoris suapte natura expers sit, quàm si pedibus frigentibus aliquando quis biberit: hæc omnia magis offendet, ad quoduis eorum impetum fecerit.

DE aqua alibi diximus in quodam seorsum opusculo, quæ hic nolumus repetere: nam ne optima quidem aqua, de qua nunc loquimur, ullum beneficium præstat in morbis acutis. quippe licet calidi & sicci sint, illorum tamen materia crassa est, quam per ea quæ tenuia & propemodum calida sunt, oportet incidere, & attenuare: uerùm tantum abest, ut aqua eam extenuet, ut sua frigiditate magis cogat & inspillet: itaque multo minus quàm aqua mulla, cremor ptisanæ, aut oxymeli per totum morbi decursum tolerari potest. Assumit autem ferè ubique exemplum Hippocrates pleuritidis, aut peripneumoniæ: quoniam inter alias interiorum uiscerum inflammationes, hæc sunt frequentissimæ, rara synanchia, rara phrenitis, rara inflammatio hepatis:

nam ut hepar officina sanguinis, ita sanguis in eo est ignavus, & ad inflammationes parum idoneus: omitto quod ipsum suum onus sæpe in alias partes expellat, alterius autem saburram rarissimè excipiat: & quidem ad partes superiores aliquando multitudo sanguinis ascendit. Verùm partes pectoris utrarumque partium superiorum & inferiorum iniuriis sunt exposte, atque vel hæc præcipua ratio est, quare in pectoralibus inflammationibus potius, quàm alibi à dextro in sinistrum, & e contrario revulsiones sæpe facere cogimur: omitto quod sanguis in pectore magis feruet quàm alibi. ecquid ergo mirum, quod frequentius inflammantur partes pectoris, quàm aliorum ventrium? illud merito admirari poteris, ecquid frequentius pleura, quàm pulmo obtinetur, quum pulmo sit laxissimus, & ad omnem superfuitatem excipiendam magis quàm pleura idoneus: nunquid id est, quia pleura infirmior, pulmo autem tum propria natura, tum societate cordis ad depellendas iniurias validior? ita quidem mihi apparet: non ergo nunc id tantum scitis, quare in pectore frequentiores inflammationes quàm alibi, sed & hoc, ecquid sæpius in pleura quàm pulmone. At que hæc est causa quare Hippocrates morborum pectoralium frequentius quàm aliorum meminit: omitto quod in his magis quàm aliis aqua obsit: nõ enim solum materiam inflammationum cogit, sed præterea spiritum difficiliorem reddit, nequaquam minimum ad detrimentum compendium, quando per se hic morbus difficultatem anheli-
 titas difficultas sputum viscosius reddat. Igitur in febribus acutis duntaxat convenit, ubi materia concocta fuerit: est etiam ubi ratione delictorum priorum utiliter succedit: quippe oxymeli, aqua mulsa aliquando meracitate sua offendunt: oxymeli etiam aliquando ratione aceti partem nimis exiccat, abradit: aqua mulsa uerò sæpe sitim excitat. utramque noxam aqua licet redimere: nam & absterfionem medicatur, lenit, & quod exiccatum est, utcumque diluit, & egregiè humectat: quippe post oxymeli bibita quodammodo supernatat, quo fit, ut & sitim quæ nascitur ex siccitate superioris stomachi promptius tollat, & nonnihil quoque ipsum pectus sua affinitate humectet, maximo profecto ad facilitatem sputi compedio. Itaque aqua ab immodico usu oxymelitis

melitis, aut aquę mulsę dno facit, priorũ poculorũ uitia re
prehendit, & simul stomachũ, & proximas pectoris partes
quodammodo diluít: alibi non solum sitim non sedat, sed
potius excitat: etenim amarescit, hoc est, in bilem euadit:
atque id quidem præcipuè euenire puto, ubi paulatim assu
mitur: nam ut ferrum modicę aqua dilutum magis stridet,
ita modica sepe aqua magis accendit. Galenus putat idi
psum illi euenire, dum in uentre diutius moratur. Verũ
propter eos qui aquam negant nutrire, dicere poteram,
quod nequaquam aqua sitim excitet, quia in bilem euadit.
sed potius quia materiam cogit, atq; rebelliores reddit,
deniq; nõ quidem in omnibus corporibus ita euenit, sed
biliosis, ac biliosis affectibus obnoxiiis, ubi faciliè antiperi
stasis frigidi calidum accenditur: ergo modis aquam bi
liosissimam audire oportet: nam certum est, quod mulsæ
multo biliosior existat, ac aqua per se citius in sanguinem
quam choleram abeat. cetera faciliorem expositionem ad
mittunt. Nam si paulo antè aqua periclitabatur, ne in uen
triculo mutaretur in bilem, multo magis id ipsum illi timẽ
dum est, quando peruenierit ad inflammata hypochondria,
præsertim quum uel per se diutius in hypochondriis mo
retur omnibus: & quidem eius rei causam promptius nos
dicemus, quàm Galenus, qui aquam ipsam crassarum partiũ
putamus. Verũ & inter ea quę subtiles habent, magis mo
rantur frigida quàm calida: frigidum enim ignauum & se
gne, calidum sequax & mobile. Ac parum esset si id faceret
tantum, uerũ præterea sua cruditare reliqua uiscera fran
git, adeo neq; alia cõcoquit, neq; alia cõcoquere permittit,
tantum abest ut ipsum concoqueretur. Proinde nescias an
optabilius sit, quod diu in hypochondriis, atque primum in
ipso uentriculo moretur, an quod per corporis meatus præ
ceps eat: & quidem melius est ipsam nonnihil in uentre e
rundi, & ruditatem suam deponere, priusquam ad hepar
ueniat: neque enim minimum illi à frigiditate aquę pericu
lum: quippe concoctionem eius turbat, & ad sanguinem
melancholicum opportunum reddit: quò uidetur alludere,
quod quidam in symposiis iactant: nimium mox lymphatum
lepram parit. Huc accedit quod magis nocet & infirmet uen
tre, quàm gustato alio cibo: nam prioribus & po
tus nonnihil aquam ipsam in uentre detinent, donec quo
dam

dammodo multa illius frigiditas reprehensive fuerit, ac tantum naturæ debemus, quæ eam paulò lentiores fecit: non est ergo mirandum, quod ægrè, & non nisi tandem per uescicam descendat: sed mirum est, quod à uentre abstineat, quum humida uentrè abluere solent: uerum frigiditas eius est in causa: nam possunt abstergere humida calida, nunquàm tamen frigida: utrumque incòmodum Hippocrates bis notat: neque enim est aliud uentrem abstergere, aliud saburram mouere. forte igitur, ut sæpius diximus, hunc librum Hippocrates non perfecit, sed priusquam collimauerit, interijt, quod & plerisque alijs scriptoribus euenit. Forsitan etiam priore loco per uentris ductum, humorum in intestinis leuiorem abstersionem intellexit, ut sic sit sermo, Non solum non humores non abradit, sed neque eius fecem de tergit: atque id quidem de ea re intelligendum est, quàm diu frigida fuerit: nam tepida nonnihil abstergit, atque ea aliquando uel sola utuntur in clysteribus, ad abstersionem humorum cholicorum, atque hæcenus aqua peculiariter ac per se nocet. Quod autem offendat in principiis paroxysmorum, ubi frigus exercet, commune id illi est cum omnibus alijs poculis & cibis: nam quodlibet istorum febrem prolongat, atque eius consistentiam procul distrahit: non enim antea paroxysmus desinet, quàm materia coniuncta fuerit putrefacta: nunc omnis potus saltem actu frigidus, putredinem remoratur, omitto quod & altero modo naturæ repugnet, & humores quodammodo intro repellat, quos natura in principio paroxysmi foras agit: quomodo & somnus in principio obest, & uigilia prodest, nescio tamen qua ratione nunc eius Hippocrates meminerit, non enim hoc ad morbos acutos, sed solas febres intermittentes pertinet: nusquam enim acutè cum frigore accedunt. Sed credo obiter ex communitate rerum dictum: ita enim scriptores aliquando quod occurrit, leuiter adnotat, licet minus ad propositum pertineat, ueriti, ne alibi excidat, atque ita profecto decet, quando ad insignem aliquam utilitatem pertinet.

CUM uerò in his morbis fortem capitis grauitatem, uel mentis lesionem suspicatus fueris, à uino penitus est abstinendum, aquam

aquāq; dare oportet, uel uinum aquosum, fuluumq;, & penitus in odorū, atq; ab ipsius potione aquæ exiguum superbibendum: nempe hoc modo uini potentia caput mentemq; minus feriet.

VINUM facile ferit caput, idq; partim sua caliditate, partim uaporis multitudine. Sunt autem plures cerebri operationes, ac potentie, inter quas nunc mentis meminit, uel quod sub ea omnes operationes intellectuales comprehendat, uel quod ipsam mentem atque intellectum citius uolet caliditas, quam quæuis alia qualitas. Nec tantum uinum caput percellit, aliquando etiam ipsum oxymeli, meracum, & magis aqua mulsa, si forte fortuna caput imbecille fuerit, ac calidum, aut aliter doloribus obnoxium. Hoc ergo tertium incommodum est, propter quod aquam exhibere debemus, modo natura & consuetudo ferat: quod si natura abhorreat, aut aliud impediatur, uinum oportet dare aquosissimum, tenuissimum, ac minime odoratum. Nam unumquodque ut plus habet odoris, ita caliditatis: sed aliter uinum odoratum caput ferit sui uaporis multitudine, hac de causa & crassa uina caput feriunt, tametsi parum calida existunt: nam quia diu in uentre morantur, caput implent. Recte ergo aquosum consulit, non tantum quia parum calidum, sed quia idem tenuissimum, idem etiam album. Verum fuluum Galenus indignatur adscriptum: ferè enim hoc calidum est, quod manifestè arguit uinorum ætas: nam procedente tempore, ut fuluiora, ita & calidiora euadunt. & fieri potest, quod Hippocrates obiter scripserit, expuncturus proculdubio, siquidem ipse superuiuens recensuisset. Sed & fuluum minus, quam flauum multi audiunt, & potuit fuluum quasi in fuluum tendens accipere: denique & fulua pallida, flaua rubicundis minus calida: itaque talia uina uino assuetis concedi possunt, modo uel si postea aquam superbiberint: nam hæc & caliditatem priorum poculorum restringit, & stomachum astringit, non sine maximo euaporationis remedio, quod astricto stomacho, fieri non potest ut multa sequatur euaporatio: tanto magis confert aquam superbibere, quam uino miscere: nam uino mista, sæpe diutius uinum in uentre retinet

retinet, atque hac ratione ut (uulgo dicitur) aliquando magis inebriat. Posterius uero sumpta, quasi à tergo aquam impellit, accedit quod uino mista stomachum magis clām exoluit, quā astringit: e contrario uerò sola sua recenti frigiditate magis astringit, quā offendit.

IN quibus autem affectibus aqua maxime utendum sit, & quando ualde multa, & quando modica, & quando gelida, & quādo calida partim antea dictū est, partim suo dicetur tempore.

IN quibus affectibus aqua utendum sit, aliqua ex parte dixit. possumus adicere, & in illis conuenire morbis, qui egregie biliosi existunt, utpote erisypelatibus, & id genus aliis. Verū ubi calida, ubi frigida, ubi multa, ubi pauca, nō dum dictum inuenio: sed neque alibi ascriptum est postea, nisi de balneis audias. Fortē ergo & hunc sermonem per prematuram mortē imperfectum reliquit: nam dum inter commentandum autores aliquando ad alia tanquam magis necessaria festinant, tanquam dicta aut dicenda quædam ad memoriam adnotant, quorum postea omnino obliuiscuntur, præsertim quando paucam difficultatem continent: est tamen boni commentatoris officium, præsertim propter scrupulos quosdam homines, huiusmodi hiatus implere. Et, ut ad propositum redeamus, morbi acuti plerunque frigidam postulant, utpote utraque qualitate cum morbo pugnante: aliquando tamen corpus macilentum exangue, frigidam non fert: ita & tempus, & regio aliquando magis amat calidam, nec est desperandus in eo frigidity affectus: nam hic clam sese insinuat, & sub tepore refrigerat: quippe alioquin uel ubi aqua frigida accipitur, priusquam ad hepar peruenit, tepida efficitur: tepidam tamen, aut egelidam raro exhibemus, nisi ubi uomitum molimur: facilius est dicere, ubi multa affatim, ubi pauca paulatim utemur: nam in his affectibus qui eximiè calidi sunt, affatim uti oportet: qui uerò magis sicci, paulatim: nam siccitas multo potius obruitur quā diluitur: caliditas uerò multa, paucō acceditur. etenim in humido habitat, argumēto hectici à cibo: sed & fabri ferrum aqua immergunt obi-

ter, ut postea magis strideat. Haftenus ergo nihil non explicatum, nisi quod commentum Galeni in principio sit paulo obscurius, plus tamen in eo est perplexitatis, quam utilitatis. Summa enim est, quod non recte Erasistratus Hippocratem, aut discipulos eius taxarit, quasi nunquam multam aquam ægris permitteret, & duntaxat minimum cyathum exhiberet: non enim ipse insinuat, quod aliquando duntaxat multa sit utendum, sed valde multa, quamvis multa per se satis excuset Hippocratem, ac prodat calumniam Erasistrati.

DE reliquis potibus, cuiusmodi est hordeaccus, & qui ab herbis uiridibus, & ab uua passa, & uinaceis, & ex tritico, & cnico, myrtisq; & punico, atque alijs parantur cuniliorum aliquo uti tempestiuum fuerit, in morbo ipso scribetur, ubi & de compositis agetur medicamentis.

QVVM tritici & hordei meminit, uidetur ad zythum Aegyptiorum alludere, qui dicente Plinio, ab Hispanis cerea, a septentrionalibus appellatur cereuisia: ita & uinum myrtilorum, & granatorum ab antiquis parabatur: sed & ex multis alijs rebus immaceratis, pocula cõficebãt, quibus etiã utebantur tempore sanitatis, quomodo & hodie qui dĩ utũtur cereuisia absynthite: uerum qui ex cnico sit, medicamentosus potus est, & stercorarius, nec minus, qui ex maceratis, aut decoctis herbis uiridibus paratur: talia enim nostra in aqua mulsa aut oxymelite decocta sunt, ad conceptionem morborum comparata, rarius ex uinaceis, aut uinis passis, & uel hodie macerato uuarum, passerum cum uoluptate utuntur quidam.

DE BALNEIS.

BALNEVM plerisq; in morbis utentibus confert, in his quidem assidue, in alijs uerò non estq; quando minus utendum sit,

propter hominum inapparatum: nam in paucis domibus parantur necessaria, reperiunturq; qui rē ut oportet, curant. Quòd si exactè quispiam non lauetur, non mediocrem incurret noxam: tecto siquidem est opus, quòd fumo careat: copiosa item aqua, & crebro lauacro, sed non ualde largo, nisi res ita postulauerit.

BALNE ORVM usus est, ut quod sub cute est, modice expurget, solida humectet, calida clam refrigeret: nihil est istorum quod & febricitantibus, & sanis non conueniat: sanis quidem, nā nulla est particula corporis, quæ cum suo alimento nullum colligat excrementum, quod in primis quidē diebus posset contēni, sed postea quantū mali adferat, discas ex chiragra, podagra, calculo, lapide, cæcro: expedit & sanis partes solidas refrigerari, & humectari, non quidē semper, sed post laborē & exercitium. Hi uerò qui febribus acutis laborant, ferè semper refrigerari & humectari postulant, sed non semper tolerāt: nam in febribus ex crassa materia nihil effatu dignum euacuant, sed magnam seditionem in humoribus excitant. Itaque in febribus tertianis exquisitis, Galenus à principio balneum consultum habuit, in illigertimis uerò atque impuris, non nisi post concoctionem admisit: nam sæpe est, ubi conuenit: sed ut est morosū, sæpe ad eius usū multa desunt: neq; enim quilibet locus æquè idoneus est ad excipiendum solū, in quo quis se lauet, sed nunc amplior equo, nunc fumosior. Neque uia opus est aqua, sed uaria, atque ex qualibet multa, ut subito attemperari possit, nunc in calidius, nunc in frigidius: ferè autem euenit, ut in priuatis balneis aliquid desideres: nam ut tibi abunde suppetit aqua, ita sæpe deest familiarium diligentia. Nihil istorum est quòd non totam balnei utilitatem sæpe intiet: nā quod uulgò dicitur, qui in uno deficit, in omnibus peccat. Hoc præsertim in hac re deprehendes: quippe unicus fumus aliquando plus adfert mali difficultati anhelitus, quam totum reliquum balneum sua refrigeratione

geratione aut humectatione, commoditatis. Ita non sine magno incommodo æger diu feret balneum æquo calidius, aut frigidius. Sed & in absterfione multum est periculum: nam neglectior corpus periculose refrigerat, & rursum exquisitior nimis exiccat. Ita & ipsius unctionis debet esse multa in balneo observatio: totum enim balnei usum perdit, ac præterea aliter corpus malè afficit, siue præmaturius adhibeatur, siue serius, adeo à ueteribus bene dictum est, optimas res nunquam modum seruare, aut egregiè inuare, aut egregiè offendere. Ita & hoc obseruandum est, ut qui in balneo aut solio, aqua perfunditur, potius frequenter id patiatur, quàm assatim: & rursum potius celeriter, quàm lentè. atque ne hoc quidè omnes docti obseruauerunt. Neque rursum sine noxa aut malo negligitur: nam multa certè, aut lenta perfusio, corpus nimis refrigerat, celeris & frequens mediocriter afficit: est tamen aliquando ubi multa perfusione opus est, ac celeri, sed de ea nunc statim.

E T magis quidem neq; abstergendum: quòd si abstergendum sit, calido utendum multo copiosiore, quàm fieri soleat absterfio, perfundendaq; aqua multa, & citò post perfundenda.

ABSTERSIONE M sudoris intelligit. hæc uariis modis obitur: aliquando puluere mixto aqua, ut sale, nitro, ac similibus: aliquando herbarum decoctis, aliquando strigili, interim spongia, nunc autem communiter linteo aliquo. Quocunq; autè modo fiat, magis ac magis sudorem prouocat: quippe humor qui in meatu sedebat, alterius accessione nonnihil morabatur, & impendebat, quo deterfio ferè semper aliquid succedit: omitto quòd & ipsa frictio suo motu aliquid per se allicit: tantum est periculū, ne multa absterfio totius balnei usum frustretur, atq; ipsa magis exiccet quàm totū balneū humectet: igitur ubi eximiā aliquā ex balneo humectationē expectamus, dūtaxat obiter sordes corporis decet eluere, atq; demum leniter exicare: quod si ob pruritum, aut aliā conditionem, grauioribus medicamentis absterfio opus est, ea in multa aqua

calida confundere oportet, qua postea corpus eluere sole-
mus, sed multo copiosiore, & ne forte aliquid in corpo-
ris meatibus hæreat, postea multa aqua, eaq; pura, mox to-
to corpori affundenda est. Sed ut in fine commenti Gale-
nus obscure innuit, quantum hæc ratio, hoc est, multa aqua
totius absterforii vires inuant, tantum particularis medica-
menti aquæ immisti potentiam frangit.

VIA ad solium brevis sit, facilisq; tum
ingressus, tum egressus. Qui lauatur, compo-
nat sese, taceat, & nihil agat, sed ceteros tum
perfundere, tum detergere sinat.

NIHIL horum trium admodum corpus exicare po-
test, sed uide quàm anxie omnia obseruet.

MVLTA E quoq; aquæ mixturæ parët.

LECTIONIS diuersitas sententiã non mutat: est
autem & per se, & ex iis quæ dicta sunt, manifesta: nã quia
difficile aut calidius aut frigidius balneum fertur, multos
modos calidæ, frigidæ aquæ circumponere oportet, uel ob
eam causam, quòd tandè in fine paulatim frigidius balne-
um parandum sit, quod corpus astringat, & ab iniuriis
externis afferat: hoc est quod in commento dixit Galenus
obscure, obscurius ipse interpres: est autem hæc sententia,
quòd qui in balneo perfusiones postea ex alto passur⁹ sit,
multa debet habere apud se aquarum temperamēta, ac ho-
rũ loco quidem ipsum balneum totum, hoc est, aquam
balnei sinunt detepescere, sed cum minori sinunt credo
utilitate, uel ob eam causam, quòd longa mora in balneo
sit tediosa.

CELERESQVE fiant perfusiones.

PLERVNQVE aqua in balneo sordescit, & hac de
causa saltē honestatis gratia, in fine is qui lotus est, aliquo-
ties aqua, nũc pl⁹, nũc minus perfunditur, ut priores sordes
abstergantur. Non debet autem id fieri paulatim, lentè, ac
multa aqua, sed ut antè dictũ est, magna ex parte frequen-
ter, celeriter, & pauca: nam saltem abstersio sit hoc pacto ex-
quisitior, quòd motus sit alacrior.

ET spongijs pro strigili utantur.

OPEROSVM est, totum corpus strigili ex argento, aut simili materia radere, non sine periculo refrigerationis corporis: satius est igitur magna sponsia affatim id præstare, uel ob eam causam, quod & in sponsia ipsa, nescio quid astrictorium sit, quod cutem cogat & claudit, ut postea uniuersum corpus ad externas iniurias sit magis pertinax & securum.

ET non ualde siccum inungant corpus.

RECTE cauet Galenus in commento, ne quis ex successione istarum duarum sententiarum putet corpus inungendum oleo, posteaquam mediocriter sponsia fuerit abstersum: nam antea inungendum est: etenim sponsiæ opus extremum. Verisimilius ergo est, quod Hippocrates hanc adiecit sententiam, ut suppleret, quod antea balneo defuit: nam antequam sponsia corpus abstergas, aut aliter sices, oleo oblinendum est: est ergo tempus (ut Galenus in commento meminit) ad hoc opportunissimum, non quidem, ubi iam eger longo tempore sudarit, aut rursus aridus existit, hoc est, antea quam balneum ingreditur, aut sudor nondum incepit, sed quando rudimentum aliquod, & initium sudoris apparet: nam à principio expulsionem excrementorum prohibebit, & uix primas corporis partes emolliet: in fine autem corpus sæpe magis exiccatum, quam quod per inunctiones feriores humectari & recreari poterit. ergo opportunissimum tempus, dum sudor incipit: nam eodem tempore excrementum mediocriter est expulsum: corpus etiam satis conuiuet, ut ipsum oleum penitus accipiat, quod deinceps solida ipsa eleganter cum aqua ipsa humectare sufficiet. Quare autem aqua ad hoc solum non sufficit, quum oleo sit tenuiorum partium, alibi dictum est, ubi oleum quasi uinculum aque definitum est: quippe aqua tenuis est, nec diu heret, commixta uero oleo, diutius insidet, rursus oleum crassius est: sed aqua in corpus intro penetrat, atque oleum secum adducit, ita mutuam inuicem præbent operam, aqua & oleum: atque hæc quidem satis Hippocratem, atque adeo ipsum Galenum in commento explicant. unus manet nodus isque admodum durus, ubi scribit Galenus paulo post principia, Bene tamen ægri corpus cum humidum existit, perungendum esse constat, nisi quis dicat quod rursus hoc ipsum resiccat oleum & aqua

aqua inexplicabilis sermo, nisi pro perungendū, exiccandū legas, hoc est, *ξηραιναι*, pro *ἀλειφαι*, ut sit talis sermo, Corpus humidum siue ex sudore, siue ex aqua, exiccandum est, sponsia tandem: nisi quis dixerit quod oleum cum aqua sub finem infrictum, ipsum satis exiccet. Scio quod neque ista metamorphosis mihi omnem scrupulum ademit, sed malo obiter adnotare, quod occurrit, quam omnino dissimulare.

CAPVT uerò sponsia detersum, quo ad maxime fieri poterit, reficcare oportet.

PRÆCIPVVM caput est, quod in solio aut balneo aqua ex alto perfunditur: hoc autem præ cæteris partibus studiosissimè exiccare oportet, tū quod egrius id fiat, tum quod ipsius refrigeratio ferè aliis partibus magis noceat: nulla enim est corporis particula pluribus uaporibus obnoxia, qui refrigerato capite, faciliè multas destillationes concitabunt. Nec fieri poterit, quin insigniter refrigeretur, nisi diligenter exiccet: nam & hic, & alibi aqua & sudor relictus, facile per se refrigerantur, ipsa autem refrigerata non minus promptè, quam periculosè suam partem, atq; deinceps uniuersum corpus percellunt. Ob hanc fortè causam Galenus in commento scripsit, quod non potest caput omnino & securè exiccati, nisi mox ab ipsa perfusione, quod promptè ipsa aqua & sudor in capite refrigerantur, & ob hanc quoq; causam potius celeres, quàm lentas perfusiones fieri oportet, ita & exiccatiōes & abstersiones: quocirca ea commodius parantur ex linteo, quàm sponsia.

NEQVE caput ipsum modò, sed & extrema, & quauis aliam corporis partem à frigoris iniuria prohibere conuenit.

GALENVS dedignatur quodammodo hanc particulam seorsum adiectam: & reuera nemo tam rudis & rusticus, qui non diligenter partem omnem quam abstergit, ptegit, ac minuit, ne ab exteriori aëre nuda refrigeretur, nedum caput. sed forsitan maius erit mysteriū, si diligèter omnes partes corporis, ad modū capitis exquisitè exiccati audiamus, ne uel in his partibus refrigerato sudore, aut
aqua

aqua aliqua nascatur noxa.

LAVARI quoque is non debet, qui nuper uel sorpsit, uel bibit.

LAVACRVM sicuti & exercitium, frictio, euacuatio, debet excipere uentriculum uacuum: quodlibet enim istorum concoctionem perdit, sæpe etiam partes alimenti inconcocti distrahit.

NEQVE confestim à balneo sorbendum, neque bibendum.

NIHIL istorum est, quod non aliqua ex parte uentriculum laceſſat: proinde tantisper cibum oportet intermittere, donec uētriculus quieuerit, atque iterum uires collegerit: neque hoc certo aliquo interuallo metiri datur, sed longius ab euacuatione, proximius autem ab exercitio, & balneo cibum accipere licet.

MAGNI autem admodum pendere oportet, si eger cū rectè ualuit, balneum ualde affectauit, & lauari fuerit assuetus: nempe tales magis appetunt, iuuanturque cū loti fuerint, adeo ut lædātur, si non fuerint loti.

VBIQVE dissuetudo, corpus quadam insolentia afficit. Quid enim oportet dicere de neglecto balneo, uniuerſi corporis: quippe uel paticularis faciei neglecta lotio, capitis peſtinatio, hominē malè habet: causa est, quia balneū, lotio, frictio, excremētum, licet momentaneum, tollit, quod neglectum insolenter naturam habet. Idem excrementum atq; amplius inuenies in his, qui nunquam lauant faciem, caput peſtunt, sed rectè uulgò dicimus, quòd natura ab assuetu nihil patitur. Ita quosdam malè habet stupor uentris, uno die quidem sine molestia, multis diebus saburram secum circumferunt.

PERIPNEVMONIAE autē magis quàm ardenti feбри omnino cōfert: nā lateris pectorisq; , & dorsi mulcet dolorem, sputum

sputum maturat, educitq; & spiritum facilem reddit, tollitq; lassitudines, mollit siquidem articulos, & superficiariam cutem, urinas ci-
et, soluit capitis grauitatem, & nares hume-
ctat: tot ergo insunt balneo bona, quibus om-
nibus est opus. Si uerò in apparature u-
na, uel pluribus defectum sit, metus est ne
non profit, sed magis lædat, unum siquidem
horum, quoduis fuerit, si à ministris non ut
oportet, præparetur, ualde lædit.

CERTVM est quòd Hoppocrates à principio ascrip-
sit, aut certe subaudiuit pleuritidē, aut temerè adiecit in
sequenti particula lateris dolorem: nam his nihil ad peri-
pneumoniam attinet, dorsi autem dolor per consensum
pleuritidis concomitatur magnitudinem, sicuti & dolor in
guli. Non uidetur autem Hippocrates optimum uel hic
dicendi seruasse ordinem: nam posteaquam appa-
ratum balnei, atque eius opportunitatem descripsisset, con-
sequens erat, ut generalem illius facultatem assereret,
quæ quidem triplex est, humectat, infrigidat saniosas atque
seriosiores superfluitates, præsertim sub cute, expurgat: atq;
hac quidem ratione maximè in simplicibus & acutis feбри-
bus conuenit. Habet quartam facultatem, quòd particulas
multitudine distentas laxat: atque hac quidem occasione
maximè inflammationibus conuenit, quippe multitudinem
minuit, corpora mollit, & per consequens dolorem multo
tolerabiliorem reddit, sed & sputum maturat, atque ad ex-
creationem promptius reddit, quia humores attenuat, &
meatus in pectore dilatat, eadem ex causâ spiritum facilio-
rem facit. Neque in pectoralibus tantum conuenit, sed &
alibi eadē ferè ratione lassitudines tollit: nā alibi dictū est,
quòd in lassitudinibus ferè solida incalfacta, & exiccata,
& nonnihil excrementis onerata, omnibus his tribus mède-
tur balneum. Adiecit quòd & urinas ciēt: atque id paulò nū-
rabilius, quum, ut postea dicitur, sæpe uentrem astringat.

Nec

Nec est tamen impossibile fieri utrumq; nam uentrem astringit, quia humiditatem quæ uentrem lenire solet, absomit, foras elicit, & rursum urinam mouet, quia humores fundit: nam humorum fusio urinam auget. accedit ad hæc quod capitis grauitatem soluit, non quidem eam quæ propria cerebri aut uentriculi sit intemperatura, sed totius corporis uapore: eximiè enim hunc ad cutem reuellit. Non est tam facile coniectari, quorsum adiecerit, nares humectat. nunquid & hic excrementum fundit, & quodammodo concoquit? atque hæc sunt priuata balnei commoda, ubi in ipsorum apparatu nihil deest. Nam prout antè dictum est, minime rei desiderium, totâ utilitatem balnei niolat: nam siue suo frigore, siue suo calore balneum ipsum ægrum nimis ufferit, non est minimum periculum, non est minus discrimen in ipsa absterfione, & totius balnei fumo. sed & alia obseruanda, quæ nunc sequuntur.

QVI in morbis alium plus iusto liquidiorè habent, ij nõ sunt lauandi, neq; hi quibus magis quàm decet, detinetur, & soluta non sit, neque quibus uires exolutæ sint, neq; nauſcabundi, neque uomiturientes, neque biliosa ructantes: nec quibus sanguis è naribus profluit, nisi minus quàm decet, fluxerit. Quod autè decet, nosti: nam si minus quàm decet, fluat, lauabis, & fruniuersum corpus, in cæteris & si caput duntaxat iuuerit. Si igitur apparatus hi cõuenientes fuerint, egerq; feliciter balneum suscepturus sit, quotidie lauare oportet.

G A L E N V S uiribus timet, & est generalis cautio, ut uiribus existentibus infirmis, quacunq; etiam ex causa, nulla fiat euacuatio. Verum mihi uidetur Hippocratè uel hoc timuisse, ne per balneum uenter fiat fluxibilior: nam ubiq; simile promptè offenditur à suo simili, & quod est per se molle

molle, facile redditur lubricum. Ita nunc aliquando (ne mireris) e contrario balneum durum, uentrem reddit duriorum, idque per accidens, dum humiditates quæ uentrem leniunt, absorbit, & ad se uocat. Hoc autem euenit, dum corpus egregie rarum, & ad sudorem opportunum: nam est ubi in contraria constitutione corporis, balneum uentrem durum mollit. Ita & Auicenna, si recte memini, alibi uentrem durum, simplici balneo mollit, & ego in quibusdam feliciter me tentasse scio. At neque nunc Galenus causam adducit, cur duro uentri balneum noceat: tantum hoc asserit, quod febris prius prouocanda, quam balneum ineundum: & id quidem est uerissimum, quando neque sanguinem immittimus, nisi uentrem prius irritauerimus, ueriti ne per balneum, aut missionem sanguinis aliquid absurdioris humiditatis ex uentre rapiatur in corpus: sed quid ad propositum? certum est quod Hippocrates hoc timuit, ne balneum uentrem in ollem magis laceraret, & durum rursum magis contineret: ita unum & idem aliquando ad utrumque contrariorum ambiguum, pro diuersitate corporum: quippe & hoc alium uentrem refrigerat, alium magis incalfacit, pro uentriculorum importunitate. Nihil ergo admirandum, quod balneum quibusdam uentrem magis molliat, quibusdam induret: nam mollis uenter facile emollitur, & rarum corpus facile in sudorem funditur. Vbicunque autem ferè sudor prolicitur, hic uenter sistitur: quod autem defectu uires balneum non ferant, hoc est illi commune cum omni alia euacuatione. Nunc cur nauseabundi, aut uomiturientes balneum male tolerant, inquirendum est, quando Galenus nullam eius in commento rationem reliquit. Neque scio an nauseam illam respexit, quæ ex imbecillitate uentriculi oritur, dum cibum indignatur. & ferri potest expositio: nam hæc nausea potius restringenda, quam promouenda, iis quæ stomachum corroborant: uerum humidum ac tepidum balneum, ipsum magis laxat. Potest etiam referri ad uomitum criticum, & biliosum: nam huic respondet, quod de biliosa eructatione sequitur: ferè enim biliosum uomitum præcedit biliosa eructatio: huiusmodi autem uomitum, quemadmodum nec ullam aliam euacuationem criticam, perfectam scilicet, aut restringere licet, aut proritare, iuxta ea quæ alibi dicta sunt: utrumque autem balneum facere continget:

nam

nam in quibus mollior est stomachus, augebit: quibus uero firmior, & corpus rarius, contrario sudore reuellet. Ita & quibus per nares crisis decedit, periculosum est balneum: nam plerumque eius impetum auget, erit etiam aliquando, ubi eius opportunitatem interrumpet, atque reuellet, & quidem hoc per se facit: per accidens autem fluxum e naribus auget, quatenus humores fundit, tenuiores & fluxibiliores reddit: neque id solum facit, totius corporis persusio, idem aliquando facit solius capitis dilutio, & rarefactio. Nam multi sunt qui siue sub luna ambulant, aut sub ea dormiunt, die sanguinem effundunt: ad hanc sententiam accedit, penultima pars huius orationis, sed ipse locus tam in Hippocrate, quam Galeno uitiatus est, atque hi sunt casus qui balneum prohibet: in reliquis (modo omnia comode apparatus sint) singulis diebus, inquit, lauare licet, atque neque hoc simpliciter audiendum, sed de diebus intermissione: nam in ipsa exacerbatione est periculosissimum. Sed & euacuationes, & signa concoctionis saepe expectare oportet, de quibus omnibus postea.

LAVANDI autem cupidos si quotidie bis laueris, nihil peccabis.

NESCIO quid mancum fuerit in prioribus sententiis: nam nos eas perfectas habemus, ac forte postea ab ipso Galeno perfectae & completae: sed neque huius Aphorismi completionem conqueri debuit, nam ex aliis locis constat, quod secunda lauatio uesperis, ante cibum, sicuti mane ante prandium, fieri debeat, uentre scilicet utroque tempore uacuo. Quare illi qui secundo lauare uoluerit, consultum est, ualde tempestiue & breuiter prandeat atque omnino nihil aut nimium superbibat.

TUTIVS autem longe balneo uti possunt, qui tota utuntur ptisana, quam qui solo utuntur cremore: quanquam & ii interdum uti possunt, minime autem qui potu solo utuntur.

NON conuenit cum magna inedia, multa euacuatio, nec balneum cum tenui dicta: nam alibi scriptum, ubi fa-

mes, ne laborandum quidem est, sed hæc in suo loco: iam neque sic hæc anxie accipienda, quasi nunquam secus liceat: nam & ipse nunc, & postea admonet, quod et illis qui solo potu uel cremore ptisanæ utuntur, aliquando balneum liceat: imò aliquando plus his, quam illis conferet, utpote quorum morbi ex tenuiore materia consistunt.

SVNT autem & ex his qui uti possunt: ex his uerò quæ antè scripta sunt, quosnam in singulis uiuendi modis iuuaturum sit balneum, & quos non, conijcere oportet: nam quibus aliquod eorum quæ balneum & bonum reddere & iuuare possunt, deest, hos iuuare non expedit, etsi auxilij aliquid ex balneo speraueris: quibus uerò nihil deest, signumq; ipsis adest, in quo lauare cōueniat, lauare oportet.

VT non omnes qui potu solo utuntur, deterrere à balneo decet, ita neque omnes qui ptisana tota utuntur, ad balneum licet admittere: sed tum in his, tum in aliis priores obseruandæ leges sunt: ex quibus omnibus una prohibere potest, omnibus aliis ex postulauitibus. Maxime autem prohibet corporis impuritas & cruditas: nam multos uel crassos humores balneum magis turbat quam euacuat, quocirca plerumq; satius est multitudinem tollere, & crassitudinem incidere, quam eius uim præmaturè tentare: hæc de causa & in ardentibus sæpius conuenit, & simplicibus febribus, quam inflammationibus: iam ut omnia respondeant, minime alicuius in apparatu rei desiderium ipsum dissuadet: paruus enim error ex quacumq; causa, totum balneum reddet uitiosum: ubiq; ita est difficile rebus præclaris uti bene. Atque hæc quidem ad expositionem Hippocratis sufficiunt: uerum multis modis moratur nos excursus Galeni, in commento. Primò duriter ab eo dictum est in principio commentum, quod uigor morbi, sufficientibus uiribus, aliquando est cum concoctione: neque enim unquam uigor morbi

æstimatur, nisi qui signis concoctionis, atque adeo perfectæ
 definitur. nunquid concoctionem respectu suppurationis
 dixit, aut fortassis uigorē ad accidentia retulit: sed ne hoc
 quidem ipsum quicquam excusat, nempe & accidentium ui-
 gor in salutaribus morbis cum concoctione coniungitur.
 Nam & id quod sequitur, obscure dictum, ubi inquit, quod
 si qualia oportet, expuere cœperit, subaudi, & magna e-
 ius pars reliqua fuerit. Neque hic quidem aut morbus aut
 symptoma augebitur, sed utrunque (ut innuit) paulatim
 minuitur: est enim hoc partim falsum, partim uerū. Est qui-
 dem uerum, quod dolor minuitur, tussis anhelitusq; diffi-
 cultas simul cum ipso morbo, sed calor febrilis interim
 crescit, sitis, uigilia, & reliqua accidentia, quæ concomitan-
 tur rationem febris, ubi huiusmodi inflammationes pau-
 latim excoquuntur & expurgantur. Rectius ergo dixit, quod
 in inflammationibus quæ suppurantur, accidentia quidem
 crescunt, sed morbus ipse minuitur: nam tametsi distensio
 augeatur, interim materia magis & magis concoquitur. i-
 dem euenit in simplicibus plerunq; febribus, sed quomo-
 do ergo mox subscribit, quod in phlegmonis & uulneri-
 bus, in quibus pus effluit, simul ambo augentur, & minuuntur:
 nunquid nomine puris improprie utitur pro omni ex-
 cremento cōcocto: at ne sic quidem sermo absolutus: nam
 uel in his saltem ipsæ febres continuæ plerumque augen-
 tur. Saltem simplicius dixisset, in salubribus morbū cōtinuo
 minui, sed uniuersalia accidētia sepe crescere, particulariæ
 uerò decreſcere. Iam neque id quidem bene cum eo con-
 uenit, quod in primo Aphorismorū dixit, ubi inquit, quod
 inflammationes in statu sint maxime, siue quis intelligat ip-
 sam caliditatem, siue inflammationem. sed de his alibi: se-
 quens particula commenti clariorem sese exhibebit, ubi in
 multa cruditate ac plenitudine ante euacuationes & con-
 coctiones balneum cauet: nam & id nos antè satis explicui-
 mus. Reliqua pars commēti respicit quendā locum in prin-
 cipio primi libri, ubi Hippocrates cōqueritur, multa à Gni-
 diis medicis omiſſa: atq; hic dogmatici ac rationales me-
 dici, putant Hippocratem intelligere locos affectos, mor-
 bos, causas: nam hæc ferè ægri ignorant. Empyrici uerò
 referunt ad suos concursus, hoc est, regionem, tēpora anni,
 ætates: nam & ipsi pro uarietate harum rerum curationes

uniis & eiusdem morbi uariant. Galenus etiam ea hic audit, quæ pertinent ad distinctionem temporum morbi, & aliorum symptomatum, quæ prius dicta sunt: nam uel secundum hæc & qualitatem, & quantitatem alimenti mutare oportet, quemadmodum antea dictum est.

HIPPOCRATIS

DE RATIONE VI-

CTVS IN MOR. ACVTIS,

LIBER IIII.



PHRASIS & grauitas sententiarum obtinuit, ut ueteres omnes, priores tres libros citra controuersiam Hippocrati relinquerent: uidetur tamen illis definisse extrema manus, adeo quædam iacent indigesta & incondita, quæ uerissimiliter in concinniozem ordinem digessisset, si superuixisset: nã moris est, ut scriptores prius rudimentum quoddam conscribant omnium rerum, quod postea collimant: ita & pictores in primis lineas, peccatum postea castigant. Verum ut quidam magnis immoriuntur extruendis ædificiis, ita ferè & scriptores suis laboribus: non enim omnes possunt recensere ac reparare, ac tales uerissimiliter fuerint ii tres libri. Quartum plerunq; putant fuisse potius discipuli alicuius, quam ipsius Hippocratis, & tamen retinent: nam quædam loca Hippocratem redolent, quædam uerum quidem habent, sed Hippocrati minimè proprium: alia etiam omnino obscurum & falsum. Atque hæc est inæqualitas, quam in hoc libro obseruare decet.

CAUSVS, id est febris ardens, fit, cum uenulæ tempore æstiuo exiccatae, acres & biliosas quæ tenues sunt, humiditates ad se traxerint.

NON omnis febris continua est acuta, sed biliosa tantum; neq; omnis rursum biliosa continua, ardens, sed ea quæ materiam

materiam habet admodum calidam, ac forſitan in magnis uenis cordi proximis, repositam: tamen Galenus illius generatione latius diſtrahit, & ſecundo ipſam ex inflammatione bilioſa generat in carne, aut alia parte alibi ſepoſita, inter na tamẽ. Sed nũc de ſimplice loquimur, quæ in uenis habitat: habet autem & hæc uariam occaſionem, ſæpius intemperaturam corporis ſequitur, ſæpius aeris intemperſtatem, aliquando ciborum & eximiorum poculorum caliditate eximiam, eſt ubi ſitis, inedia, labor primam occaſionem dedit: ferè enim hæc omnia humores bilioſos inflammant, aut eoſdem multiplicant, qui quidem putrefacti, ſtatim ardentem febrem exuſcitant, atque iſ modus frequentiſſimus. Alius eſt cauſus, quem hic tradit. Hippocrates putat per laborem, per eſtum uniuerſum corpus, atq; adeo uenas exiccatas, ad ſe uiciſſim ex ipſa carne trahere acriores, & ſeroſiores particulas, atq; id rariuſ euenit: nã econtrario ut Galenus cogitat, ſæpius extrema trahunt ab ipſis uenis ſiue talis ſqualida fuerit affectio in una parte, aut in toto: atq; in toto quidem poteſt eſſe talis affectio, & humorum fuſio, non poteſt tamen eſſe per totum una inflammatio. Nam inflammatio in carne externa non facit ardentem febrem, duntaxat interna, ipſorum uiſcerum: uerũ ne hoc quidem modo aut hic, aut alibi frequentes ſunt inflammationes, ſed ſæpius econtrario, ubi interiora in exteriora ſeſe expurgant: eſt tamen aliquando, ubi econtrario ab exterioribus ad interiores humores regurgitant: lic euenit aliquando cachecticis, atque adeo per ſomnum: quo ſit, ut interim poſt ſomnum deterius habeant quàm ante eundem, nimirum quando plures humores ad interiora recurrunt quàm concoquuntur: iam ut id eſt difficile craſſis & ignauis humoribus, ita idem ſatis promptum acribus & ſeroſis. Denique natura non ſemper ſeſe expurgat in partes exteriores, ſæpe iniuriam facit & interioribus generata multitudine. ſed quorſum hæc? de ſimplicibus febribus loqui propoſueram: quaru materia in uenis aliqua occaſione corrumptur, atq; hic frequentiſſimus earũ euentus. Quæ autẽ ab Hippocrate hic ſcripta ſunt, aliquando fieri poſſunt, ſed admodũ raro. Et hæc eſt fortè cauſa, quare præ cæteris hunc modũ Hippocrates attulit, quia reliqui notiores exiſtunt.

FEBRIS quoq; multa habet, corpusq; ueluti ab offearia lassitudine habitum laborat, doletq;.

CONCINNIOREM ordinem seruasset Hippocrates, si quidem hanc sententiam primo loco scripsisset: nã ordo expostulat, ut prius describatur quid sit res, quàm quo modo fiat, præsertim quando una res pluribus modis fieri potest. Quòd si historiam eius febris, iuxta particulare euentum, aut occasionem definire illi propositum erat, debebat eam sententiam, quæ hanc mox excipit, omnino præponere: sed sequamur propositum, in quo loco Hippocrates, aut quisquis eius fuerit discipulus, substantiam febris ardētis conatur reddere. Febris, inquit, est multa, hoc est, admodum magna, ut quæ ex humore nascitur præcalido: nec in quouis loco & ignauo, sed penitissimus, uenis etiam cordi proximis: forte hoc clam insinuaui, quum eadem definiret offearia lassitudinem: hoc enim euenit, dum humores nequaquam foris circa carnem funduntur, sed in interioribus uenis luxuriantur: ita enim audies uulgo dicētes sibi uideri omnia interiora, ac totum dorsum contracta. Intelligit autem in hoc loco Galenus lassitudinem ulcerosam, & reuera ex bilis acrimonia, multis uel in penitissimis locis ulceris sensus oritur, ueruntamen & multitudine sua sanguis biliosus nonnunquam interiora distendit, & grauat ad quod adiunat eius subtilitas. Proinde ego hic plegmonosam lassitudinem audire malo. ex ulcerosa & tensiua compositam, quãdo & ab ipso Galeno lassitudo plegmonosa, talem dolorem inuehit: sed hic de spontanea loquitur, illic autem laboriosa: proinde nunc parum refert, an de ulcerosa, an plegmonosa audias: nam tensiua & ulcerosa nunc magis extimias, nunc magis intimas fatigant partes, & utraq; cum febre ardenti cominittitur.

EST autem magna ex parte longum obiter, longamq; sitim, cum uenulæ arefactæ acres callidasq; fluxiones ad se traxerint.

ET has quidem occasiones, & alias quasdam febris ardens sequitur: rãd tamen eodem modo, quo nunc describit,

bit, sed eo modo quo paulò antè diximus.

FIT quoq; & lingua aspera siccaque, & ualde nigra, uentrisque morsus, ac dolor: de iectiones tum ualde liquidę tum pallidę fiunt, urgetq; sitis uehemens, & iuglię, atque interdum mentis aberratio.

QVID putatis, Galenus diceret, si in eorum qui hodie scribunt, incideret comentationes, quem diuini uerborum male habuit preposterus ordo? nam apud illos sepe inueniuntur caput coniunctum pedibus: & tamen, quod merito mireris, ex iis sunt, qui sibi cum multo fastu literas Gręcas, Latinas, dialecticam, rhetoricam uendicant, sed reuera nulla alia re quàm strepitu uerborum sonāt, ac turgent. Proinde in declamatiunculis quibusdam, nunc harum, nunc illarum literarum, eos ualere putabis, sed alibi ubique futilēs & ignaui: quamuis & illic illorum leuiōres declamationes potius herent quibusdam coniunctionibus ineptis, quàm rerum natura. Atqui eum qui scribit, qui docet, semper eodem ordine differere oportet, quo res nascitur aut inuenitur: ita enim nihil adscribet superfluum, nihil omittet utile aut necessarium, sed & disceptationē suam dabit explicitissimam, utpote in qua primum arguit secundum, secundum tertium, & ita deinceps: sic ut in ea postremum quodāmodo nascitur ex primo. talis est ordo qui primò describit rerum substantiam, secundo ipsa accidētia: sed & inter accidentia semper alterum alterius causa & principium, sic quoque asperitas sequitur siccitatem, neque omnis siccitas asperitas quedam est, sed duntaxat inequalis, quando hæc particula inæqualiter exiccatur. Sed nihil prohibet, quin eadē particula quæ exiccatur, simul humore aliquo oneretur, nō quidē quouis, sed adusto & exicato: nō enim potest particula ipsa exicari, & humor intiger manere: ita ipsa lingua simul sicca, aspera, & nigra est, hana, aut pallida pro ratione & colore bilis: uerum fumus bilis facile adurit, quippe & flamma quidē pallescit, sed fumus eius nigrescit. Eodem ferè modo cōtingit in febribus biliosis, linguā

tandem fumo bilis demigrari: sed bilis ipsa nunc continetur magnis uenis, aliquando pars eius excutitur in uentriculum: atque hic non simplicem quidem, sed punctilem dolorem ac morsum inuehit. forte ergo & hic melius ordinem commutasset, ac prius dolorem, deinde morsum scripsisset: sed rarius est hoc symptoma: etenim raro cholera in acuta febre in uentriculum irruit, quod continua existit atque materiam suam in uenis circum scribit, neque unquam dimittit, nisi ubi crism cogitat, aut materia multitudine exuperat: ac iuxta hæc in aphorismis dictum est, quod talis morsus ante concoctionem periculum minatur: etenim morbi magnitudinem ostendit, aut importunam crism. Eadem cholera aliquando ad intestina descendit, & deiectiones liquidas facit. procax enim est, & indignationem multam in intestinis facit. Debebant eadem fere esse & flauæ, pro ratione cholerae: uerum dum alijs succis miscentur, color remittitur. Iam non omnis cholera flaua, quædam etiam pallida: durus uero est, quod Galenus in commento dicit, liquidas deiectiones statim esse crudas: nam & concocta bilis liquidas deiectiones facit, & cruda bilis crassior quam concocta existit: uerum quandiu materia in febribus cruda manet, non nisi tenuissimum ipsius decedit: postquam autem concocta fuerit, tota erumpit, atque hoc quidem respectu, deiectiones bilis quandiu crude fuerint, tenuiores, quam ubi eadem concoctæ fuerint. In eandem sententiam & hoc dixit Galenus, quod concoctio omnia cogit, incrassat, quippe si spectemus ea, quæ in corpore sunt, concoctio magis ac magis materiam extenuat: uerum ea quæ excernuntur, continuo crassiora euadunt: iam ne id quidem aut perpetuum, aut frequens in biliolis febribus est: nam sæpius caliditate & siccitate febris, tenuiores in intestinis humiditates, quæ intestina solebant lenire, absorbentur: ergo dumtaxat illud euenit, ubi cholera copia sua exuperat, ac forte fortuna ad intestina declinat. Nec tamen abiens symptoma, ta mala tollit, sæpe grauiora inducit, sitim, uigiliam, delirium, & insaniam mouet, aut auget: etenim humores crudi magis moentur quam excernuntur, moti rursus magis exercent aut uexant singulas particulas, quam quieti: nam tractu magis incalescunt, & maiorem fumum edunt. Ne sic tamen hæc accipiam, quasi semper deiectiones

nies atque illas tantum sequantur: nam eadem sepe sympto-
mata infestant, ubi nenter obsurdescit: facile enim caliditas
uniuersum corpus percellit, siue in uenis consistat, siue in-
flammationem alibi committat. Verum rectè hoc Galenus
admonuit, quòd inflammationes hepatis & uentriculi sitim,
in pulmone uero magis delirium intendant: magnus enim
pectori cum superioribus consensus, qua ratione & in pul-
monia magis: quàm alibi maxillæ rubent: quòd autè pulmo
nia præterea difficultatem spirandi inuehat, per se notum
est.

HVIC aquæ mulsæq; coctæ, & aquosæ,
quantum uoluerit, bibendum dabis.

NON dicit quòd debet mitti sanguis, quia hoc est o-
mnibus febribus commune; uictus autem & medicatio uni-
cuiq; speciei ferè propria est. Nec est facile eà in febribus
ardentibus inuenire, adeo intentiones morbi & causæ pu-
gnat inuicem: etenim morbus requirit frigida & humida,
utpote eximie calidus & siccus: causa uero, calida & atre-
nuantia, utpote crassa, & tamen morbo magis incubendū.
nam ipse magis urget sua qualitate, quàm materia sua cras-
situdine. Ergo optimum poculum erit aqua mulsa, non qui-
dem mteraca, sed aquosa: nec rursus cruda, sed cocta: nam
licet cruda magis incedat, magis nutriat, cocta minus bile-
scit, minus inflat, ut quæ partes acres & statulentas inter de-
coquendum amittit. Neque hæc iam duntaxat potus aut ci-
bi uicem obtinet, uerum etiam medicamenti: non enim so-
lum nutrit, sed insigniter refrigerat & humectat, materiam
quoque nonnihil abstergit, & attenuat. scio quòd magis re-
frigerat & humectat, quàm attenuat: uerum id maxime quæ
rebat, quia nunc statim diximus, quòd hic magis urget
morbus, quàm morbi causa, adeo ut ne sola quidem aqua
mulsa, qualem diximus, per totum diem bibi possit, citra
periculum inflammationis, aut alterius incommodi, sed al-
ternatis inuicem licibus, postquàm quis semel, bis, ter, aquam
mulsam bibit, còsultissimum est, ut postea ipsam aquam si-
perbibat: nam ut periculū est, ne aqua sola moretur in hy-
pochondriis, & materiam morbi reddat pertinaciorem: sic
rursus periculum est, ne aqua mulsa sola, quantuncunq;
diluta, bilescat, calorem augeat, ac sitim incendat. Itaque

aquam nullam præbiberi decet, ut aqua uiam præsternat & rursus aquam superbibere, ut aqua nullam quasi à tergo impellat, & eius caliditatem attemperet.

QVOD si os amarum fuerit, uomere confert, & uentrem subluere.

INITIO paroxysmorum in febribus intermittentibus sepe conuenit uomitus, quia ut alibi dictum est, eò materia coniuncta magna ex parte influit: raro autem ad inferiora intestina deuoluitur, quod maius sit compendium ab hepate, & mezaraicis ad uentriculum, quam intestina: adde facilius, quod uel tempore sanitatis natura contrario ordine, per eadem tamen uiam, consueuit succum ex uentriculo illuc mittere. Hec credo causa est, quare alibi scripserit Galenus, quod tempore paroxysmi sunt mouende superiores, intermissionis uero, inferiores purgationes: non enim quamlibet superiorem purgationem consulit, sed duntaxat eam quæ materiam coniunctam ex stomacho eruit. Iam neque inferiores sic purgationes prohibet, ut nusquam aliquam ex iis facere liceat: nam licet rarius, tamen aliquando materia coniuncta febris aut paroxysmi ad inferiora detruditur. atque hic loco uomitus, decet uentrem, clystere aliquo eluere, non quidem medicamento (nam neque illic operosis uomitibus uti licet) sed leniore aliqua materia, fortè aqua tepida, aqua nulla, aut simplice, aut in qua fursur maceratum aut decoctum est, quod obiter materiam cholicam ab intestinis possit deradere, aut abstergere, atque id quidem in intermittentibus tantum: nam in acutis raro materia uel huc, uel illuc excluditur, aliquando tamen ex dolore & morsu præcordiorum ita colligimur, sed non est hoc sufficiens ad moliendum uomitum argumentum: potest enim aliquando perstringi os stomachi multa febris caliditate, & siccitate, absque decursu cholere. Rectè ergo oris amaritudinem obseruat: nam hæc cholera ad stomachum ascendere significat, quocirca iuxta antiquam dignitatem, quæ motum naturæ obseruare præcipit, eam per stomachum efferre nunc consulit, & quidem merito: nam ut in intermittentibus egregie abbreviat paroxysmum, ita hic multa mala symptomata corrigit. Eodem modo, si quando pro morsu præcordiorum male habeat, dolor uentris intestinorum aliquibus, ex iis

qui dicti sunt, clysteribus aut similibus, uentrem diluere oportebit. Ita quidem presentem sententiam Hippocratis distinguere decet: nam quamuis Galenus dissimularit, non est uerisimile, quod Hippocrates, aut quisquis eius discipulus fuerit, in eadem febris, eadem die, & casu utrunque simul obiri consulerit.

VERVM si ad hęc non soluatur, lacte asine cocto purgabis.

OBSCVRVM relinquit sermonem, quisquis is scriptor fuerit, qui nunc quasi particularia quedam medicamenta cum lacte asinino commutat, quum tamen antea nullius istorum mentionem fecit, duntaxat in genere uomitum, & uentris dilutionem laudauit: ergo oportebit supplere sermonem iis quę diximus. nam ubique ferē à lenioribus remediis inchoandum est: quę si in proposito non sufficiant, lacte asinino, inquit, utendū est: uerū & hoc debebat defini ri, an bibi uoluerit affatim ad uomitū, an ad alui subductionem tantum, an fortē per inferiora iniici: nā in paroxysmis aut exacerbationibus nunquam per os dare subducēdi uentris causa ausim, multo minus uomitus gratia: quod ad hoc maior eius requiretur copia: credo quod autor respexerit tempus intermissionis, in quo aliquando præ nimia copia ipsa cholera nunc huc, nunc illuc exuperat. Sed & hoc testē à Galeno definitum est, quod tutius sero ipsius, quàm integro lacte utemur: nam quamuis lac asinum sit frigidiissimū, ac tenuissimum: periculū est tamē, ne uel ipsum hic bi lescat ob morbi magnitudinem. Nequē id nunc explicare debemus, quare potius utatur lacte asinino, quàm alterius animantis: nam certum est, quod id ipsum præ omnibus aliis magis soluat, utpote quod habet plurimum feri, sicuti uaccarum plurimum butyri, & rursū ouillum plurimum casei. Est autem solus serosus succus qui diluit: nam butyrum nutrit, & caseus astringit.

SALSV autem nihil, neque acre exhibendum: non enim descendet.

LONGE alia ratio febrium pituitosarū, melancholicarum, & id genus aliarum, quàm biliosarum, præcipuē ardentium: nam in illis dissimulato quodammodo morbo

ind

indulgendum calidis, quæ materiam incidunt, attenuant, qualia plerunque acria sunt & salsa: uerum in ardentibus conuiendum materiæ, & magis expugnandis morbis. Rectè ergo Hippocrates salsa prohibuit & acria: rectè quoq; in cõmento Galenus alterâ eius rei subscripsit rationē, & in altero suspectâ habuit caliditatē, in altero uerò caliditatē, & siccitatē, atq; ad eò siccitatē magis. Verū male dissimulant alterū ipsius scriptoris respectū: nō enim ille nūc ueretur eorū caliditatem, sed subnexit, quia non descendit. atque id quidem de neutro admodum prædicari solet: nā tam salsa, quàm acria uentrem solent uellicare, & soluere, nō autē indurare: & quomodo ergo Hippocrates salsa atq; amara dānat, quia egre descendūt? omitto enim alimēta: nā & inter medicamenta solutiua (de quibus nūc potius quàm alimentis apparet loquutus) ut unumquodq; est acrius, ita magis uentris subduētitiū. Idem autē accidit alimētis, quippe & inter ea, ut unumquodq; est acrius, salsius, ita descendit promptius: non uidetur tamen id citra experientiam dictum ab eo qui nusquam alibi scripsit quod non uidit, aut ratione didicit. sed & nos si quidem singula respicere uelimus, quæ in ægris contingunt, fortassis optimam ac certissimam inueniemus eius rei rationem: non enim una est causā quæ uentrem obdurat, sed uaria admodum. Ac nunc quidem reliquas differentias omittemus: ac duntaxat duarum, quæ ad nostrum conferunt propositum, meminerimus. Altera est intestinorum ignauia, stupor uel insensibilitas: atque hanc quidem nullis humidis lenies, sed magis obtundes: acribus enim & salsis eget, quæ uirtutē stimulent & excitent. Hac de causā hodie salsa, aut acria, ut omnia alia quæ ad uentris motum conferunt, in principio mensæ homines assument, e contrario quibus uenter multa siccitate indurescit, atque caliditate, humidis & lenientibus opus est: nam iuxta antiquum illud axioma, quod cōtrarium curatur contrario, hic acria, salsa, calida & sicca uentrem magis exiccabunt, & indurabunt: ita enim uel hodie multos experimur, qui per multa medicamenta solutiua acria & calida non solum non proficiunt, sed magis uigent ac magis duri euadunt. Videte ergo an male obseruauit Hippocrates, quod in febribus ardentibus acria & salsa ægre descendant.

SORBITIONE M nisi dies iudicationis transuerit, non dabis.

DICTVM est sæpe antea, quod morbis, qui tertio, quarto, quinto, aut nouissime septimo die terminantur, debetur uictus tenuissimus, modo æger mediocribus uiribus mediocriter cõstet: nam ubi præter communem hominum consuetudinem debiliter ac tenuiter habent, aut cremore ptisanæ, fortè etiam modica ptisana opus est: uerum ubi morbus iudicatus est, saltem secundo à crisi die cremore, ac demum ipsa ptisana, tandem ipsis ouis, ac carne uti licebit.

ET si è naribus fluxerit sanguis, soluitur ægritudo: atq; si sudores superuenerint, iudicatorij legitimi cū urinis albis, crassiq; ac lenibus subsidentijs.

FEBRES ardentes multis modis iudicari possunt, cõmuniter tamen per sudorè, aut fluxum sanguinis è naribus: causam diximus in libris de Crisibus. An autè bene uel male, opportunè, uel importunè, iudicabitur ex signis perfectæ cõcoctionis urinæ: nã morbo cõcocto nihil potest euenire mali, sicuti rursus crudo nihil potest euenire boni. Iudicat autem concoctionem urina alba, crassa, hoc est pallida, aurea, & mediocris in substantia, qualis ferè solet esse tempore sanitatis: nam hæc, respectu eius quæ fuit in principio accipiuntur: erat autem in principio admodum tincta, & tenuis, est aliquando alba insigniter & crassa. Adiicit autem & sedimen leue, hoc est, tenue, & per omnia æquale: nam & hoc ad perfectam concoctionem requiritur, nisi corpus admodum biliosum fuerit: hic enim pro sedimine aliquando nubecula sufficit: magnum id est argumentum, quod hæc omnia proficiuntur potius ex recenti potu, & alimento, quàm morbi excremento.

ET SI apostema aliquod factum fuerit,

NULLAM fortunam febris ardētis uult omittere, sed & id etiam, quod rarius est, satagit exprimere: nam procul duo rarissimè, & non nisi uirtute admodum iacēte, hic morbus

bus in abscessum euadit:quòd in febris ardente,legitima omnes conditiones egregiè sunt calidè.

VERVM si absq; his soluatur, reuertetur ægritudo, uel coxa, uel crus dolebit, expuetq; crassa, si sanus est futurus.

E X hoc loco manifestum est, quòd in superiori sententia apostema non nisi superiorum partium intellexerit, quãdo hic de inferioribus loquitur, & est proculdubio hæc morborum ætiorum, hoc est, febrium ardentium fortuna rarissima, ut euadant in abscessus inferiorum partium cruris, aut coxendicis. Intelligit Galenus ex nouissima sententia huius particula, quòd aliquando salubriter febris ardens transmutetur in pleuritidem, aut pulmoniam: ac id fieri potest, sed magis cogitari: nam quomodo pleuritidem, pulmoniam excoquet æger, & per sputum expurgabit, qui antea febrem ardentem passus fuerit? quum uel per se hi morbi difficilissimi existant, ac rarissimè morbus acutus relinquit, qui acuto succedit. Mihi Hippocrates nunc magis febres ardentes citra ullam in pectore inflammationem per sputum expurgat: nam & alibi in febribus, abscessus aliquando anteceditur urina crassa, & multa, sed & hoc nihilo magis ferè admirabile, quòd materia febris ardentis transeat per sputum quàm uesicam: est tamen uterque casus admodum rarus. Summa ergo omnium sententiarum hæc est, quòd febris ardens determinatur aut euacuatione aliqua manifesta, aut abscessu, frequentius superiore, rarius inferiore, rarissime autem per sputum, forte paulò frequentius per uesicam: sed hunc casum hic omisit, atque eius in Aphorismis meminit. Iam neque si exquisitè omnia exequamur, hæc omnes ardentium febrium fortunæ sunt. adiicit Galenus, quòd aliquando opportuno haustu aquæ frigidæ quædam salubriter extinguuntur, sed ferè his postea aliqua purgatio superuenire solet. Iam ne hæc quidem sic audienda, quasi interim nihil agendum, & ad has solas fortunas aspirandum: nam hoc est ægrotantibus potius bene præcari, quàm benefacere: quinimo inter hæc & iustum uictum oportet instituere, & materiam suo tempore, aut per uomitum, aut per inferiore purgare: nam his omnibus bene ge-

fitis unum ex iis, quæ dicta sunt, aut plura solent superuenire: atque hæc sunt, quæ paulò obscurius Galenus in commẽto differit. Quod si nihil istorum fiat, & tamen febris desinat, uel mitescat, aut æger moritur simul cum calore febrili, præeunte naturali, aut certè reuertetur multò senior. Fit autem id duabus de causis: nam aliquando materia subtilior resoluitur, & reliqua relinquitur, quomodo & ignis ex straminibus, & lignis in principio emicat, postea quodammodo desinit, & rursus efflagrat. Fit id etiam aliquando, quia maligna materia, quæ cordi proxima decumbebat, à natura ad exteriora uasa reiiicitur, nõ quidem tota, sed magna ex parte, atque adeò cruda: uerùm neque ab iis partibus bene fertur: quo fit ut rursus ad priorem sedem reuertatur, atque morbum difficiliorem, quàm antea, faciat.

CAVSI genus aliud, alius soluta, fitis magna, lingua aspera, sicca, salsa.

QUALIS sit febris ardens pura, dictum est antea. Impura est, quæ cum cholera partem aliquam pituitæ effatu dignam commixtam habet: eloquuntur hoc conditiones circumstantes: fieri enim non potest, ut iuuenis calidus & siccus pura ardente laboret, qui sub septentrione habitat, aut in hyeme alibi ægrotat. Habet autem & hæc sua signa, cum substantialia, tum accidentalia: statim enim societate pituitæ mitior redditur quàm pura: est & fitis potius magna, quàm uehemens, & rursus tametsi lingua utroque sit aspera, sicca, hic tamẽ magis alba, ibi uerò magis nigra: iam illic os amarum, illic uerò salsum: generatur enim salsus sapor ex amaro, dulci, aut fatuo permixto. Nonisime in febre ardente pura aliquando, alius liquida ob multam bilis procacitatem: uerùm hic nonnihil lentore pituitæ obtunditur, ac uix alius pro consuetudine soluta est. Ita neque in pura semper liquefcit, sæpe per accidens astringitur, sed Hippocrates hic ea numerat, quæ per se magis eueniunt: ita neque morsus uentriculi similis est, sed in illegitima paulò obtusior.

VRINAE defectus.

DVRITER ab eo dictum est, quòd in hac febre urina retineatur: melius dixisset, quòd minus quàm in pura
proc

procedat: nam cholera procax est, & ut uentrem, ita uescicam aliquando citat.

Vigilia.

EST & uigilia molestior in febre ardente, pura, quam impura, sæpe etiam usque ad delirium promouet: rarius autem hoc accidens in impura: proinde & hic discretius dixisset, in pura delirium, in impura magis uigilia.

ET refrigerata extrema.

NE id quidem simpliciter accipiendum, tanquam signum proprium, sed tantum unum ex iis est, quæ malignis morbis superueniunt, ac magis etiam puris quam impuris: quando natura quadam anxietate laborat. Melius ergo est hunc sermonem accipere, quemadmodum quendam in prioribus, ut audiamus refrigerata, hoc est, minus calida: nam febris ardens pura uniuersum corpus magis urit, quam impura, nedum extrema: ueruntamen tepor ipsius febris impurae magis in pedibus, quam alibi deprehenditur.

CAVSVS hic, nisi sanguis è naribus fluxerit, uel circa collum apostema fiat, uel crus doluerit, & æger crassa sputa excreauerit (hæc autem astricta aluo fiunt) uel coxæ dolor, uel pudendi liuor superuenerit, non iudicatur: testis quoque intensus iudicatorius existit.

NON accipit Galenus omnem hanc fortunam in simplice causo, sed in composito, eoque diuerso: sic enim ipse in commento potentia distinguit, in causo ex inflammatione in pulmone, sanguinis fusionem è naribus, aut sputa, circa collum & aures abscessus expectat: uerum in causo ex inflammatione hepatis, aut intestinorum graciliū apostemata in inferioribus, hoc est, coxa, cruribus, aliquando etiam colo, hoc est, pudendis, aliquando in testibus: nam plerumque testis in testibus, eorundem inflammationem sequitur: putat autem Galenus aliquando id symptomata fieri, pure ex superiorum partium ulceribus in has partes defluente: quod si tam diuersa respexerit, præsens auctor, quisquis fuerit, merito

rito confusionis à Galeno repræhenditur: sed est mihi uerisimile, quòd huius ac cuiusdam alterius prioris Aphorismi hæc si sententia: Causus impurus, ut purus aliquādo sedatur aut iudicatur, per fluxū sanguinis è naribus, hoc est, per aliquam manifestam euacuationem, aliquādo per abscessum eumq; in inferioribus partibus, aut superioribus, in quibus & testium, & pudendorum inflammationem continet, aliquando etiam per sputum. adiicit, Hæc autem adstricta alio fiunt. Nec enim dubium est quin eà rarius fiunt, ubi uenter liquefcit: uerum naturaliter subeunte uentre nihil impedit, quin & ista quoque sequantur. Atqui ne sic quidem accepta sententia omnino laudanda est, utpote quæ eandem fortunam describit causo impuro & puro: distinctius dixisset, Causus impurus, magis finitur per abscessus, quàm purus: & rursum magis per abscessum inferiorum partium quàm superiorum: certe dissidet iste modus scribendi multum ab eo, qui in prognosticis est. Proinde mihi uerisimile est, quòd & hic sermo ab alio, quàm Hippocra. scriptus sit, atque hæc commætatio ipsi contextui sufficere poterat, uerum iterum ad se nos reuocat Galenus in commento, ubi in febribus acutis nunc liquidum, nunc durum uentrem obseruat: neque enim facile est dicere, quæ sit illa imbecillitas hepatis in febribus ardentibus, quæ uentrem liquidorem facit: nunquid obstructionem aliquam, aut inflammationem intelligit, quæ adueniens alimentum non admittit? profecto in simplici febre ferè caliditas hepatis & siccitas tanta est, ut sapius uentrem induret, quàm remolliat. & rectè ab eo dictum est, quòd scybale excernantur (ita appellat excrementa dura in modum catapotiorum aut pillularum effigiata) calor enim omnia indurat, & in rotundum agit: unum & alterum ab eo dissidet, quòd & in colicis qui frigido laborant, & in ouibus egregiè frigidis & humidis talia excremèta procedant, & quidem primus locus facile excusationem inueniet: nam licet dolor colicus plerunque proficiscatur ex frigido, tandem tamen per accidēs calorē inuehit. In ouibus fortè alia causa, quippe ruminant, ac de uentriculo in uentriculum alimentum quodammodo transferunt, atque siccius alimentum intestinis tradunt: sed & ipsæ oues sicciore quàm reliqua, alimento utuntur: ita & capræ.

SORBITIONES dato attractorias.

NON inuenio hanc sententiam tam absurdam, quàm Galenus eam habet: nam antea ipse præcepit medicamentorum amaritudinem & insolentiam dissimulare adiectione quorundam seminum aromaticorum: hac de causa nos quoq; nunc mel, nunc zaccharum illis admiscemus: ita & ipse Galenus aliquando ægrotantes fefellit, dum in sero laetis scammonium confunderet, idem potest fieri in multo oxymelite, cremore ptisanæ, atque adeo ipsa ptisana. Quod autem in his potius, quàm puris febribus medicamentis utatur attractoriis, & hoc quoque rationi conforme est: nam cholera tenuis & sequax est, & subinde solis abstergentibus medicamentis cedit: pituita uerò cholæræ commista, atque adeo cholera crassior, qualis ferè in impuro causo, exuperat, fortioribus indiget.

IN acutis morbis sanguinem detrahes, si uehemens morbus uideatur, florueritq; ægrotanti ætas, & uirium adfuerit robur.

TRIA sunt, meo quidem iudicio, quæ sanguinis missionem postulant, plenitudo, morbi magnitudo præsens, aut etiam imminens, nouissimè totius corporis æstus. iuxta quod Galenus alibi scripsit, saluberrimum in omnibus febribus sanguinem mittere. Plenitudo nota est, & ad consuetam corporis naturam eam referre oportet. Magnitudinè morbi appellamus uehementiam, qualem plerumque obtinent morbi acuti: sed & alibi si quando per phlebotomiam eius incrementum prohibere possimus, sanguinem decet mittere, sic non solum in morbis acutis, atque adeo inflammationibus, uerum etiam uulneribus, contusionibus particularium, præsertim nobilium, sanguinem ex opposita parte fundimus, ut inflammationem prohibeamus, etiam si sanguis modicus fuerit. Scio quòd bonæ euacuationis sit malignum adimere, & benignum relinquere: sed melius est omnino sanguinis boni partem adimere, quàm eandem posse à morbo accedere: hac de causa & in febribus sanguinè mittimus, licet nullo modo exuperet. Habet autè utrobique & alteram utilitatem: non enim solam partem materiæ morbosæ exhaurit, uerum etiam uniuersum corpus refrigerat, pulcherrimum cuiusuis febris remedium. Tres ergo sunt

causæ

causæ aut affectus, ob quos sanguinem mittimus, nisi aliud impedimentum interueniat: est autem id ipsum præcipuum uirium infirmitas, aut detrimentum: non est enim morbus tam magnus, qui fuscum sanguinem feret, effatu dignum, (modo uires infirmæ fuerint) sunt autem multa, quæ uires infirmant, aut uires infirmas declarant. Primo loco occurrit ætas: nam usq; ad pubertatis initium, tota illa ætas pueritiæ mollis est, & tenerior, quàm quæ phlebotomiam toleret: quoniam licet concoctio & nutritio in iis liberalis, tamen spiritus & sanguis modicus, utpote qui continuè, atque affatim in corpus transumitur, neque natura citra inopiā illius uacuationē sustinere potest: nā esto quod natura nostra, in solidis habitet, tamen ad immodicam omnē euacuationem labefactatur, aut interit. Primum ergo pubertas missionē sāguinis tolerat: etenim hic corp⁹ solidū esse incipit, quod nequaquā tātū sanguinis, quātū solebat, in se traducit, sed plus solito in uenis relinquit. Neq; id certis annorum interuallis licet metiri, sed pro diuersitate sexuum & temperaturarum, fœminæ citius, masculi tardius pubertatem ineunt, & inter masculos rursū ac fœmellas citius calidi quàm frigidi, distinguitur ex iis quæ apparent. Initium pubertatis est in puellis, quādo exuperant menstrua, in masculis uerò, quando erumpit semen, & sanguis ē naribus. Hic ergo pro mutatione naturæ primum licebit sanguinē mittere, neque tamen id facere decet affatim, sed admodū breuiter, & non nisi omnia alia respondeant, atque adeo regio, tempus anni, mediocriter sese habuerint, atq; id raro admodum euenit: qua de causā Galenus & Hippocrates quasi hac ætate præterita, in florenti ætate primum sanguinē mittunt, & nusquā profectō alibi liberaliorem mittere licet. Videtur autem nunc appellare florentem ætatem, tam extremam adolescentiam, quàm ipsam iuuentutem: nam in senectute prima, atque secunda, audacia mittendi sanguinis paulatim decrescit, adeo ut in decrepitis, hoc est, post septuagesimum annum uix liceat: nā in regionibus intēperatis ne post sexagesimū quidē (nisi admodū raro) amplius licebit. Non minus quàm ætas deterrere nos debet à missione sanguinis, magna aëris intemperies; nam & egregiè calida, satis per se, absq; ulla alia euacuatione, corpus dissipat, & frigida per se satis refrigerat, adeo ut quando re-

gio & tempus inuicem conspirant, nullo modo (quantum-
 cunque morbus sit magnus) sanguinem mittere liceat, sal-
 tem effatu dignum: quippe ubi ambo conspirant in calido,
 corpus minimum fundunt: ubi autem in frigido, calidum
 propemodum extinguunt. Dixi sanguinem effatu dignum:
 nam in pleuritide, pulmonia, febre ardente, tanta uidetur
 morbi magnitudo, ut non sine calumnia medici moriatur,
 in quo phlebotomia omissa fuerit, & ob eam causam Aui-
 cenna phlebotomiam euentatiuam (ita enim ipse appel-
 lat) primus excogitasse apparet, quæ sic uenam aperit, ut
 præter duas, tres uncias nihil effundat: quæ si uerum fateri
 uelimus, ut obesse nequit, ita neq; prodesse quicquam: at-
 que hæc est forsitan causa, quare phlebotomiæ autor præ-
 sens potius in curatione ardentis illegitimæ, quàm legiti-
 mæ meminerit, quod in legitima non solum regio & tem-
 pus anni deterreant, uerum etiam omnia reliqua: uidetur ta-
 men natura hic paulo indulgentior, quàm ipse Galenus:
 non enim solas ardentes illegitimas, sed & legitimas, pro-
 fluuium sanguinis è naribus exhaurit. id nemo, quod sciam,
 animaduertit, proinde quid alii dicturi sint nescio, mihi ob
 eam causam uidetur esse fallax imitatio, quia in principio
 humores sunt confusi. Itaque hic plebotomia nostro studio
 facta multo plus boni sanguinis educet, quàm ipsius chole-
 ræ, secus est de ipsa crisi: natura enim antea discernit quàm
 expellit: itaque nunc e contrariò per crisin plurimum effun-
 ditur bilis & minimum sanguinis. Hæc est etiam forsitan
 causa, quare hæc febres sæpius iudicantur sudore, synochi
 uero narium profluuiò. Tertio phlebotomiam parum tutâ
 faciunt accidentia, quæ uirtutem exanimare possunt, siue
 nunc urgeant, siue paulò post imminéât. Dolorem dico ma-
 gnum, uigiliam, inedia, & alia eiusmodi: sola enim fortis
 uirtus, hæc magna præsidia tolerare poterit, & iuxta Hippo-
 cratem fames laborè tolerare nequit. Videntur esse omnia
 definita, quæ phlebotomiam prohibet, & reuera unum ad-
 huc deest, quod ex corporis pendet cruditate: nã ubicunq;
 hæc multa fuerit, suspectam phlebotomiam Galeno tum in
 libro de Arte curatiua ad Glaucōnem, tum alibi facit: nam
 hæc perfectionem potius quàm euacuationem desiderat.
 Cum multa ergo religione in his sanguis mittendus, qui
 crapulæ & desidij longo tempore fuerunt obnoxii: etenim

ii ferè multa cruditate laborant, atque ii sunt in quibus quilibet affatim euacuationem molitur. sed de iis alibi.

SI itaque angina fuerit, & si aliud quippiam ex pleuriticis malis eclegmate purgato: at si æger ob copiosam sanguinis missionem imbecillior fuerit, clysmum tertio quoque die infundes, donec in tuto æger fuerit, & fame indigeat.

INORDINATE nunc, & pleuritidis, & angine pro curationem scribere apparet: quoniam de iis ipsis postea, & pleuritide antea, indiscretè etiam ab eo eligmata cõsulantur in angina, & pleuritide: nam in angina oportuniore sunt gargarismi: iam non statim pleuriticis eligma purgatorium, aut tussiculosum oportet exhibere, sed primum id quod incidit & attenuat, postea quod tussim mouet, deinde dubium est, quam purgationem cogitat, pro qua in imbecillitate, sanguinis missionem sequuta, clysmo aut clystere utitur. si quidem enim repurgationem per sputum respicit, errat: quia imbecillitas melius fert eligma quàm clysmum purgatorium. Si autem purgationem uniuersi corporis respiciat, & hoc quoque incommode ab eo in hoc loco dictum: non enim materia inflammationis in angina aut pleuritide promptè per uentrem ducitur, sed compendiosius per os & sreatum expellitur. sed fortassis tam Hippocrates, quàm Galenus materiam quæ in proximis uenis inflammationi sedet, medicantur, & hanc proculdubio in imbecillibus tutius est per clysmos, quàm pocula, aut catapotia subducere, quod clysmi minus quàm pocula uires interiorum uiscerum uiolent: etenim clysteres non nisi uel que in tertium intestinum subeunt, poculorum uero uis, promptè ad interna omnia uiscera transpirat: omitto quod clysteres parum morantur in corpore, hac de causa aliquando neutrum facimus: sed ipsa medicamenta foris uentri circumscribimus. Denique & hoc ab eo parum legitime dictum est, quod tertio quoque die clysmum solutiuum oportet in iicere: nam aliquando semel sufficit, aliquando diutius expectandum est: facillè tamen ab eo hic nunc redarguuntur,

qui uno die plures clysteres audent infundere, de medicamentosis loquor, atque adeo iis qui attrahunt: nam emollientibus in uno die semel atque iterum uti licebit. Adificit tandem (donec in tuto eger fuerit & fame indiget) obscuris uerbis statum indicans: nam pauci in statu perfecta concoctione moriuntur, atque adeo ut hic ab omni alimento, ita multo magis ab omni medicamento abstinendum.

INCENS A inflammataq; hypochondria, nō ob spirituum interclusionem, septi transversi, intensiones, aut spirituum protensiones, orthopnoea sicca, quibus pus non subit, sed à spirituum interclusionem pathemata hæc superueniunt: potissimum uerò & iccicoris dolores, morborumq; collectiones solui non possunt, si quis primum purgante uti medicamēto aggressus fuerit: nā uenæ sectio in his præferenda uenit. Deinde clysmis est opus, si uehemens & magnus fuerit morbus: si uerò nō, & postea medicamēto opus sit, sanè id post sanguinis missionem securè & mediocriter porrigendum.

MAIOR est uerborum saburra, quàm operosa sententia: maior etiam prolixitas in uerbis, quàm in ipsis rebus: sed & ex professo sermonem de interceptione spirituum, aut interclusionem, obscurare apparet, ut qui aliud in primo loco, aliud in secundo per spirituum interclusionem intelligit: nam in posteriore intelligit anhelitus difficultatē, in secundo flatulentorum uaporū retentionem. Ita per septi transversi intensiones, spirituum protensiones, nihil aliud intelligit quàm inflammationes septi transversi, quæ ferè spiritum offendunt: sic inflammationes pulmonis nomine orthopnoea significat. Melius est ergo uerba relinquere, & sententiam paucis reddere, quæ meo quidem iudicio talis est,

est, inflammationes omnes calidiores, utpote quę potius natae sūt resolui, quàm suppurari, in capite, gutture, pectore, hypochondriis prius missionē sanguinis, quàm purgationem postulāt: causa est duplex, altera ab eo postea dicitur, altera uerò omittitur: est autē hęc, quòd purgatio promptius & felicius sequitur post missionem sanguinis, quàm ante eandem: nam humor qui purgatur promptius per latus quàm angustas hepatis uenas decedit: magis autem conuiuent ac patent hę sanguine euacuato, quàm retento. Mit-
tit autem sanguinem potius in his inflammationibus, quę cōcoquuntur, quàm quę suppurantur, quòd hę sint frigidiores. **Iam** quod de purgatione dicitur, nequaquam sic intelligere oportet, quasi materia inflammationis in cerebro, in pectore, per purgationem decedat, sed credo eam quę in proximis uenis est, spectat: ubiq; ergo phlebotomia purgationem debet antecedere, nisi quòd uentrem pręter consuetudinem durum ante phlebotomiam liceat emolire, sed de hac re antea.

QVICVNQVE autē inflammata statim per morborum initia medicamento solvere conantur, ij non solū ab intenta inflammatione; parte nihil adimūt, cū non cedat obsequaturq; quę adhuc cruda est affectio: uerū quoque & quę morbo resistentia, & sana sūt, absūmūt, contabefaciuntq; ductoq; ad imbecillitatem corpore morbus superior euadit, qui ubi corpus uicerit, remedium non habet.

ALTERA causa ob quam phlebotomia sepe lōgo intervallo purgationem debet pręcedere est, quia purgatio cōcoctionem expectat, quę non nisi aliquot dierum spatio obitur. Quòd si quę sit quę cōcoctionē inflammationis impertine pręcedat, corpus potius lacerat quàm morbum expurgat: resistunt enim cruda, & colliquantur benigna: itaq; natura debilitatur & plerunq; morbo inferior euadit, in quo

omniū mortalium morborum caput cōsistit. Debes ab hoc sermone excipere purgationem reuulsoriam : nam quædā inflammationes adeo biliosæ, ut earum principia potius expostulent reuulsionem per purgationem, quàm sanguinis missionem. Hoc non intellexit Marardus, & propterea male ex primo hoc libro in genere purgationem ante concoctionem coecepit, quāuis & ille locus Hippocratis, ut antè diximus, forsità de sola deriuatione potius accipi debeat.

QVOD autem quis repete obmutescat, id uenarum interceptiones occlusionesq; faciūt, si sano absq; occasione uel forti alia causa id contigerit.

PER obmutescentiā, temporariā sensus & motus defunctionem intelligit: sunt autem ferè quatuor morbi, qui id ipsum faciunt. apoplexis omnibus nota est, idem facit syncopa, ex quocunque loco suboriatur, aut primariè ex ipsius cordis impotentia, aut alterius particulæ dolore. mirum est quomodo hoc ipsum potest facere strangulatio uteri, ac mihi uidetur quidē suo uenenato uapore inducere quasi quendam defectum animi, potest nihilo secius & sua frigiditate spiritus animales tollere atq; obliterare. Atq; ii quidem morbi occasiones suas habent, ac ferè fortes causas sequuntur: ubi uerò citra hæc eadem obmutescentia acciderit, iugularium, arteriarum interceptionem, aut obstructionem, significat, cuius signa & discrimina enarrabuntur postea.

VENAM igitur brachij dextri internā secare oportet.

POTIVS dextrum brachium præhendimus, quàm si nistrū, ubi utrūq; latus afficitur: quod dextra corporis pars magis turgeat, atque promptius multum sanguinem fundat: mirum tamē quod nunc internam potius quàm externam scindat: nam internam in affectibus pectoris, atq; inferiorum partium secare solemus: in superioribus uerò externam, hoc est cephalicam. Mirum quod Galenus hunc locum dissimularit: uidetur autem mihi alia esse ratio in inflammationibus superiorum partium, colli & capitis, quàm in hac interceptione arteriarum: nam in reliquis inflam-

mationibus totus sanguis circa locū inflammatum urget, hic uerò magis uniuersum corpus inferi^o turgēt, cū multa ergo ratione, quisquis is autor fuerit, internā quā externā aperit, quòd illa promptissimè uniuersum corpus exhaurit.

SANGVINE M auferre inspecta secundum habitum etatemq; pluris minoris-ue ratione.

VBI omnia attestantur, sanguinis missione duas tres libras licet mittere: uerū in nostra regione rarum datur, aut licet plus quā libram unica uice ducere.

QVAMPLVRIMIS autem horum accedunt hæc: faciei rubor, oculorum constantia, manuum porrectio, dentium stridor, pulsus, maxillarum contractio, refrigeratio extremorum, & spirituum in uenis interceptiones.

HÆC sunt signa, quæ obmutescentiam ex interceptione uenarum significant, & à reliquis affectibus discriminant: nam licet & in apoplexi, defectu animi, strangulatione uteri, sensus & motus pereat, est differentia, quia in iis totum corpus frigidum est ex angue: in hac uerò obmutescencia, facies bene colorata, discriminis causa est, quia hic calor & sanguis efferuet, illic quodammodo extinguitur. Rursum in tribus prioribus affectibus, ferè oculi more dormientium conuiuent, hic uerò ob multitudinē aperti constant, & stupent: ita alibi manus contrahuntur, hic uerò potius exporriguntur, aut ob multitudinem extenduntur. Accedit, quòd huic casum ferè præcedit multa crapula, iuxta eum aphorismum, qui in quinto scribitur, Si quis ebrius repente obmutuerit, & cetera. Item alibi, ferè singule partes exanimantur, hic uerò præsertim circa locum affectum & proxima præter cōsuetudinem, pulsus inuenies. Dentium tamē stridores, maxillarum contractiones, & similes conuulsionones defectu animi, & strangulationi ex utero, communes sunt: refrigeratio extremorum non quidem statim accidit in interceptione uenarum, sed tandem strangulato

calore naturali multitudine, ita & spirituum in arteriis interceptiones, hoc est, pulsus abolitiones, non nisi tandem sequuntur communiter cum aliis morbis, ubi calor naturalis perit.

CVM dolores accesserint bilis atræ fluxionum, acuum distillationes fiunt, dolent morfa intestina, morse q; atq; admodū arefactæ uenæ intendūtur, trahuntq; inflāmate, quæ influunt: quapropter corrupto sanguine nequeuntibusq; spiritibus in ipso natales transire meatus, in frigidationes fiunt ob stationē, uertigines aphonix, capitis grauitas, & conuulsiones, si iam ad cor, uel hepār, uel in uenam peruenerint: hinc epilepsie, & paraplexiæ, si cōtinētes locos fluxiones inuaserint, atque spiritibus exire nequeuntibus exaruerint.

PH R A S I S abrupta, & tēporibus Saturni magis, quā Hippocratis congrua: fortassis etiam ipsa sententia parum uera, utpote, quæ quorundam causas magis querit quā inuenit. Neq; enim ubi dolor inflammationes concitat, primum atra bilis irruit, sed bilis ac sanguis, ac demum melancholica, ac atra bilis. Neq; rursus sanguis in quibusdā partibus concreuit, quia spiritus com meatum non habet, sc̃pius id euenit, quia in magnum aliquod & frigidum spatium excidit. Melius ergo est orationem totam omittere, & eorum, quæ ipse differere nititur, legitimas causas ostēdere: non est enim ipsius propositum inutile, sed disceptatio incommoda, quippe duplex sanguinis fortuna est: aliquando ex magnis uenis excidit, & paruas cum interiacente spatium, & poris implet. atque hoc ferè effervesceat, & inflammationem intumescit: aliquando in spatium uentris, intestinorum, uteri, ut thoracis effunditur: atq; hic refrigeratur: ita enim & foris statim conglobatur, & quidem in medium
aut

ant postremum uentriculum illapsus, apoplexiam facit, aut epilepsiam: paraplexiam uero committit, quando priuatus aliquis ac peculiaris neruus eo obstruitur. Hæc sunt quorum obscurum hoc caput nos admonet, atq; id tantum: nã ipsam rem, quisquis is autor fuerit, parum solerter colligit, sed & Galenus nescio quid obscuritatis nobis in commento exhibet, præsertim in eo loco, ubi pro atque, conjunctione, à prepositionem mauult interponere. Hæc & in hoc loco, & in aliis locis ascribimus, quia nihil dissimulare possumus, ut aliis locum inquisitionis demus, quamuis hæc omnia sæpe plus curiositatis, quam utilitatis exhibent: nam satius est ipsam rem scire, quam in aliorum tenebris conflictari.

TALIBVS sanè post adhibita prius fomenta uenam confestim ab initio secare oportet, cum suspensa existant, & nondum fixa sint omnia, quæ contristant tum spiritus, tum fluxiones: facilius enim remedijs patet.

FOMENTA aliquando exhibemus ante phlebotomiam, idq; ob duas causas: altera est, ut interim simus securores ipsius affectus: neque enim decet in paruis affectibus grania insumere remedia: proinde quando omnia à cõiecturis artificiosis pendent, satius est ipsos affectus ignoratos paruis, quam magnis tentare remedijs. Altera est, quod dolor reuulsioni contrahitur, quocirca ut humor alacrius sequatur, melius est aliqua ex parte dolorem mitigare, quam eodem saeuiente sanguinem reuellere. Quod autem de reuulsione sola loquatur, patet ex iis uerbis, Suspensis, & nondum fixis. Idem ex ipsa ratione colliges: nam deriuatio etiam longo tempore, factis inflammationibus conducit: sed & hoc iterum præsens autor obscure adiecit, quod spiritus, & fluxiones contristant.

POSTE Areficere expedit, & inspecta iudicatione superiorem uentrem, si nõ leuetur, purgare: inferiori uero, si non deiecerit, clysmum iniicere. Coctum deinde asine lac

dabis, bibetq; nō minus cotylis duodecim,
& si uirtus tollerauerit sedecim magis.

R E C T E principium hoc ab eo scriptum est: quoniam ut antè in primo libro dictum est, dolor cibum ægrè tolerat. Quòd autem per superioreni uētre purgare oportet, si materia eo uergat, & hoc quoq; magis uerè quàm opportune dictum est. Ita & illud, quòd uentri pertinacem decet clysmo eluere: sed ubi hoc factum fuerit, nequaquam asinino lacte est opus: at neque ubi opus est, tanta quantitas tolerari poterit à sano, nedum egro: nam duodecim cotylē nihilo minus, quàm quinque, sex amphoras implebūt: & quis precor uenter hæc capiet? putarem mendium esse: sed quid Galeno respondebis, qui magnam hanc quantitatem per ueterum consuetudinem excusat: mirabilis profectò apud utrunque sermo est.

S Y N A N C H V S, id est angina, fit cū hyeme uereq; fluxio multa & uiscosa ad iugulares ex capite defluerit uenas, plurimùm que hæ traxerint spiritū: cū autē & frigida, & glutinosa fuerit, spiritus obstruit permeationes, sanguinemq; coërcens, quæ uicina sunt inspissat, sanguinemq; ipsum immobile reddit, & constātem: quippe cū natura frigida sit, & obstructoria, ob id suffocantur liuente lingua, ac in rotundum acta, flexaq; propter eas, quæ linguæ subduntur uenas. nā præcisa una, quam nonnulli cionida, id est, columellam uocant, uena utrinq; crassa apparet. Cū igitur hæ opplete fuerint, linguæ quæ ob siccitatē & rara, & spōgiosa existit, innituntur: lingua autem ui ex uenis humorem accipit, atq; ex lata rotunda, ex bene colorata

Iorata liuens, ex molli dura, atq; ex facile flexi flectenti contumax efficitur. Eam ob causam citò iugulat, nisi citò aduersus eam pugnaveris: sanguinem ergo ex brachijs detrahes, mox uenas, quæ sub lingua sunt secabis: deinde medicamentis quibusdam attractorijs uteris, calida exhibebis gargarismata, caput abrasdes, ceratūq; tum collo, tum capiti circumpones, latusq; circumuolues, & molli spongia ex aqua calida expressa fouebis: bibet autem aquam & mulsam, non frigidam, cremoremq; assumet, ubi ex iudicatione iam in tuto fuerit.

PLERUNQUE anginae inflammatio, est ex sanguinis multitudine sursum & maxime deorsum in musculos faucium, aut gutturis irruente. & huius generationem nunc tamen Galenus, quam Hippocrates uidentur omisisse. Est alia angina, quæ ex priuatis fit humoribus: est autem ea duplex, altera ex saniosa bile, & hanc postea describit: quæ autem ex pituita, hanc nunc reddit. Neque est dubium quin huius materia magis defluit ex capite in uenas iugulares, hoc est, faucium, & gutturis, quam alia parte. ita enim nunc appellare apparet uenas iugulares secundum communem loquendi modum, non autem ipsas arterias: nam oppletio harum multo citius strangulat & potius apoplexiæ, quam anginae similitudinem exhibet. plerunque autem hæc angina fit in hyeme, aut in eunte hiere: aliquando tamē uel tempore æstatis, aut infelix intemperatura, aut frigidus eximie uictus eandem materiam potest sufficere: quocunque autem tempore inciderit, difficultatem deglutiendi facit. Et hoc illi cum inflammatione tonsillarum est commune, & quibusdam in faucibus ulceribus, sed neq; illud illi peculiare est, quod difficultatem loquendi, spirandi inducat: nam & hoc alii quidam affectus possunt. Magis est illi proprium, quod linguam ex la-

to in longum agat, uerum & huius satis obscurant rationē nunc noster autor reddit, quamuis per se satis manifesta sit: nam omnibus inflammationibus commune, ut proximas quasque uenas impleant. ecquid ergo mirū, quod lingua ex longo cogatur in spissum, & rotundū? nā & alibi quæ impleantur contrahuntur. Eadem ex causa hic mollis quodammodo indurescit. Liuens autem nequaquam fit in omni angina, sed præcipue pituitosa: nam pituita facile sanguinem qui colorem appingit, prohibet: & præterea eundem refrigerat. Iugulat autem potius, quam quicquid alius affectus in pectore, idque ob loci angustiam: nam & alibi ostendimus principium alperæ arteriæ, hoc est, ipsum guttur esse angustissimum, & suffocationi opportunissimum, minus tamen iugulat, quam sequens angina calida: nam pituitosa exteriores & latiores tantum uenas obsidet, calida uero etiam internas, adeo ut sæpe neque foris, neque apertis faucibus quicquam uideas. Curatio hæc est, ex brachio statim oportet sanguinem detrahere, modo nihil sit quod prohibeat: nam quauis sanguis hic modicus, hoc est, mediocris fuerit, nec ipse prima causa morbi existat, tamen ad omnem dolorem affluit, & circumstantes partes ipse cogit, & angustiam auget. Igitur sanguinem mittere oportet, donec suffocationis periculum immineat: nā hic statim proximiorē uenam in lingua secare, aut exhaurire decet: quod si ne id quidem suffecerit, sed materia pituitosa in proximis, ac præsertim magnis uenis hæserit, hanc per clysteres paulo acriores in uentrem atque intestina oportet attrahere. at neque id satis est: nam quamuis materia ex remotis à loco affecto particulis abducta sit, à proximis reliquum periculum imminet, qua de causa materiam relictā potius est per caput digerere, quam in his locis relinquere. Ad hoc conferent cerata calida, capiti circūscripta, quæ ut commodius capiti applicentur, commam prius oportet radere, & ne citius suam uim ceratum amittat, quam insinuet, expedit ipsum foris multa lana obducere: fit autem ut aliquando huiusmodi cerata dolorem inducant, quo loco præstat dulci fomento ipsum caput recreare, sed & aliquando huiusmodi fomentum sufficienter citra cerati applicationem materiam digeret, nusquam tamen multus mador conuenit, ne fortè delapsus caput refrigeret. Quocirca non tantum in hoc affectu, sed & quouis

uis alio, & spongia, & omne aliud fomentum, prius diligenter exprimitur, quàm omnino loco affecto circumponitur, atque iis quidem modis & remotissimam, & proximam materiam retrahimus. eam autem quæ loco affecto insidet, per gargarismos oportet demoliri: sed neque ii eiusdem erunt qualitatis, priores astringent, posteriores præterea attenuabunt, nouissimi expurgabunt tantum: atque hætenus de medicamentis. Quod autem in fine author noster adiicit, ad uictum pertinet, notaq; est illius historia: nam quia acutissimus, aut nihil, aut omnino minimum potum accipiet, donec morbus per euacuationem uniuersi corporis & sreatum determinatus fuerit. Sed neq; hic statim solido cibo utetur, sed ab aqua mullâ ad cremorem ptisanæ promouebit: quanquam ne hanc quidem frigidam, sed potius calidam assumet, si non ob aliam causam, saltem ob eam, ut reliquæ morbi elegantius abstergantur, & derendantur.

C V M æstate uel autumnno fluxerit è capite calida & nitrosa fluxio, quasi ab anni tempore, tum acris, tum calida fuerit, cum huiusmodi est, mordet, ulcerat, spiritu implet, orthopnœam parit, & siccitatem multam, præterea quæ intuenti apparent, haudquaquam tumentia uidentur.

Q V E M A D M O D V M angina pituitosa potius hyeme quàm estate oritur, ita & biliosa potius estate quàm hyeme: differunt inuicem multis modis: primum phantasia: nam pituitosa, aut foris ferè, aut intus se in faucibus ostendunt, biliosa uerò in internis latent, atque hac de causa citius iugulant, magis exercent, & omnino febres coniunctas habent: dolor etiam uariat, in pituitosis grauis, in biliosis pūctilis & mordax: rursum biliosa multa siti affligit, & suo uapore uniuersum caput, palatum inficit: pituitosa uerò angina, acutæ febris expers est, & potius grauatur quàm uellicat, certè ex se parum uaporis edit.

T E N D O N E S quoq; colli posteriores

ra, Hippocrate indigna, & de quibus potius diuinare quàm coniectari licet. Quod si quedam ex iis ueritatem obtineant, pauciora quàm ut ob ea tota sequens particula commentationem mereatur, præsertim quum hæc antea aut certe aliubi clari⁹ dicta. Præstat ergo deinceps quibusdam aliis operibus mentem adhibere, interim quisquis postea hisce nostris laboribus frueris, non minorem ornatissimo

& clarissimo uiro domino Lucæ Mueningo

sancti Bauonis apud Gandenses præ-

posito, gratiâ habe, qui & mea,

& uestra studia suis sum-

ptibus deinceps iu-

uare decre-

uit.

FINIS.

EXTRAICT DV
PRIVILEGE.


DEFENSES & inhibitions sont faites à tous Imprimeurs, Libraires, & à tous aultres, de n'imprimer, ne faire imprimer ces presens commentaires de Hieremie Thriuerus sur les quatres liures de Ratione uictus in morbis acutis d'Hippocrates, ne exposer, ou faire exposer en uête, autres que ceulx icy, sans congé & permission des heritiers du feu Iaques Iunte, iusques au temps & terme de dix ans, à compter du iour qu'ilz seront paracheuez d'imprimer, sur peine de cent mares d'argent, & confiscation des ditz liures, qui seront uendus & imprimez au contraire. Donne à Fontainebleau, le dernier iour de Iuing, l'an de grace mil cinq cets cinquante & un, de nostre regne le cinquiesme.

Par le Roy à nostre relation.

Bohier.

A01 A460830









B.32.

322
5. 4

BIBLIOTHECA
Vittoria

X